Transcription du traité sur l'épée seule d'Henri de Saint-Didier

Par Olivier Dupuis Version du 12/08/2010

> « qui cognoit sa faute tel ce peult dire estre docte attendu que de soymesmes se pourra instruire & reprendre »

Notes de transcription et d'édition	2
Introduction	3
Préface : Essai sur le traité d'escrime de Saint-Didier par Georges Dubois (1918)	5
Traicte contenant les secrets du premier livre sur l'espée seule	9
Traité sur l'exercice & certains points requis de scavoir au jeu de la paulme	94

Notes de transcription et d'édition

La transcription du traité de Saint-Didier a été initiée par Damien Dyon qui a eu l'amabilité de me communiquer son travail pour que je ne parte pas de zéro.

La transcription suit la version numérisée de l'exemplaire de la bibliothèque de Blois (cote I410), disponible en téléchargement sur le site des « Bibliothèques Virtuelles Humanistes » (http://www.bvh.univ-tours.fr).

Le deuxième exemplaire étudié est un fac similé de l'exemplaire la BNF publié en 1907 à Paris par la société du livre d'art ancien et moderne. Il existe une édition numérisée de l'exemplaire de la bibliothèque d'Harvard disponible sur books.google.com¹.

L'étude comparative des deux ouvrages fait apparaître quelques différences. Certaines modifications de pagination sont imputables à la réédition (ajout des deux gravures de l'auteur juste après le titre, et intervertion du folio 11 avec le folio 10v), mais la version corrigée du poème de M. de l'Aigle dans l'exemplaire de la BNF indique que l'ouvrage original a bénéficié d'une réédition sans que pour autant la date d'édition en soit modifiée.

Il subsiste d'autres exemplaires, par exemple ceux de la collection Scott de Glasgow (E.1939.65.336 et E.1939.65.324), qui n'ont pas été consultés.

Notes de transcription :

- le « u » et le « i » ayant valeur de consonne ont été remplacés par « v » et « j »
- le « β » a été remplacé par « ss » pour le seul usage qui en est fait dans le texte
- les coquilles évidentes et les graphies aberrantes ont été corrigées et la graphie originelle indiquée en note
- les contractions ont été étendues
- l'accent aigu est utilisé sur la lettre e pour distinguer e tonique de e atone en monosyllabe ou en syllabe finale, dans les autres cas, l'accentuation originelle a été maintenue
- l'accent grave sur les lettres a, e et u dans les prépositions et les adverbes monosyllabiques (à, là, où principalement) a été uniformisé sur l'ensemble du document
- les apostrophe manquantes ont été ajoutées
- la table des matières n'a pas été transcrite
- les indications de pagination originales n'ont pas été conservées.

Notes d'édition:

- la pagination a été bousculée offrant au lecteur moderne chaque leçon complète sur une page entière
- quand cela a été jugé nécessaire, des barres verticales ont été insérées pour marquer plus nettement la séparation des sections
- des notes de lectures ont été ajoutées sans rapport avec la transcription, que le lecteur me les pardonne
- les illustrations proposées sont de mauvaise qualité, que le lecteur me le pardonne aussi.

¹ Adresse vérifiée au 12/08/2010 : http://books.google.com/books? id=mh0WAAAAYAAJ&printsec=frontcover&hl=fr&source=gbs v2 summary r&cad=0

Introduction

Le traité de Saint-Didier, le vieux traité d'escrime connu écrit et imprimé en français², souffre d'un étonnant désamour aussi bien de la part des historiens de l'escrime que de ceux qui travaillent sur les vieux traités. À y regarder de près, peu de critiques à son encontre semblent justifiées.

Par exemple Gelli insinue que le texte de Sainct-Didier est une adapation du traité de Di Grassi :

« Les principes, les théories qu'il expose sont [celles de l']escrime italienne que Sainct Didier a pris, ne les modifiant que légèrement, de Marozzo, d'Agrippa et plus particulièrement de Grassi. Nous sommes portés à croire que Sainct-Didier a traduit les ouvrages des maîtres italiens, non seulement par la grande affinité qu'on remarque entre le texte français et les textes italiens, mais encore parce que Sainct-Didier séjourna en Italie pendant les campagnes de 1554 et 1555 contre le Piémont [...] »

Gelli va jusqu'à prétendre que ce traité est la traduction du traité italien de Giaccomo Grassi (p. 118) de1570³. Cet avis est assez étonnant ; sans regarder plus avant dans la technique, la seule différence d'organisation des contenus rend douteuse l'affirmation. Goemare, à la même époque que Gelli, dit lui-même que « les gardes de S. Didier ne sont pas les mêmes que celles de di Grassi ... ». Déjà Georges Dubois en 1918 publiait dans le « Bulletin du bibliophile » une vive critique de ses contemporains qui, bloqués dans leur vision d'un progrès continu, dédaignaient l'œuvre de Saint-Didier le traitant comme un babillement enfantin. Je reproduis plus loin l'intégralité du propos de Georges Dubois en guise de préface ; sa louange sonne plutôt juste, bien que ses arguments puissent eux aussi être excessifs par moment.

Plus récemment, Sydney Anglo a aussi pris la défense de l'œuvre de Saint-Dider en montrant que cet auteur a su innover dans de nombreux domaines : « Saint-Didier diffère certainement de ses précedesseurs en instituant un sol géométrique et des positions de pied énumérées pour indiquer le séquencement correct des déplacements. Bien que les illustrations dans le traité de Joachim Meyer (1570) en font déjà état, le texte n'explicite pas les quelques indications placées dans les gravures. À contrario, les gravures de Saint-Didier, bien que d'une qualité médiocre au regard de celles de ses contemporains, sont exécutées selon un plan cohérent conçu non seulement pour illustrer mais bien pour comprendre le texte : Saint-Dider cite explicitement le contenu des illustrations, n'utilise que deux personnages, désignés systématiquement par leur nom, numéroté (les impairs pour le lieutenent, les pairs pour le prévôt) de sorte à être systématiquement cités à une ou plusieurs reprises dans le texte pour y associer l'illustration. Dans ses premières illustrations, Saint-Didier utilise de simples plans géométriques et des positions de pied arrangées en carrés et triangles ; la méthode, bien que rudimentaire, est intelligemment conçue. Il a néanmoins oublié de noter dans certaines gravures les numéros de position de pied sorte que les textes ne trouvent pas leur correspondance dans les dessins (par exemple les figures des pages 60, 62 et 64). Anglo estime ainsi que Saint-Didier est le précurseur de plusieurs siècles d'illustrations labyrinthesques de diagrammes de positions de pied intriquées. »⁴

Parmi les autres qualité novatrices qu'Anglo trouve au traité de Saint-Didier, citons que Saint-Didier serait le premier avec Viggiani à se limiter à l'épée seule (bien qu'il se vante de présenter plus d'armes) et il serait un des premiers à mentionner comment dégainer (après Pietro Monte – vers 1530) et le travailler (avec Lovino – 1589)⁵. Enfin Pascal Brioist note que certaines particularités chez Saint-Didier comme la feinte et les saisies (« prinses ») se retrouvent durablement dans ce qui sera considéré plus tard comme le style français.⁶

Concernant le personnage même de Saint-Didier, il y a peu d'éléments biographiques en-dehors de ceux que l'on retrouve dans son traité, soit directement sous sa plume, soit dans les vers des nombreuses pièces liminaires. Commençons donc par ceux-là. Le 10^e vers du sonnet de François de Belleforest (p. 26) « *Et l'esleu du Sarmate*, & *loingtain Polonois* » apporte une précision sur la date d'édition du traité ; il s'agit en effet d'une référence explicite à la récente élection d'Henri de Valois, frère du roi Charles IX, comme roi de

² Le premier traité d'escrime connu imprimé en français est la *Noble science des joueurs d'espée* de 1538, traduction d'un traité allemand de 1516.

³ Le titre complet est « Ragione di adoprar sicvramente l'Arme si da offesa, come da difesa; con un Trattato dell'inganno, et con un modo di esercitarsi da se stesso, per acquistare forsa, giudizio, et prestezza, di Giacomo Grassi. Con privilegio ».

⁴ Passage inspiré librement des pages 65-66 du livre d'Anglo.

⁵ Anglo, p. 144-145.

⁶ Croiser le fer, p. 68-70.

Pologne, le 11 mai 1573. Du 11 mai au 5 juin (date donnée pour l'impression à la fin de l'ouvrage), il ne reste qu'un mois pour terminer l'édition finale. On peut aussi induire des deux premiers vers du sonnet de Jean Emery (p. 19) que Saint-Didier serait le fils d'un certain Luc de Pertuis en Provence, ce qui permettrait de situer la ville de Saint-Didier dans le Vaucluse au sud-est de Carpentras; plus loin on apprend qu'il a reçu une expérience militaire (p. 22) « sainct Didier aux armes esprouvé... ». Daressy⁷ prétend que Saint-Didier participa à plusieurs campagnes dont celle du Piémont de 1554 et 1555, mais je n'ai pas connaissance d'autres éléments que les propos suivants de Saint-Didier dans l'épistre au roi qui à mon humble avis ne permettent pas d'être aussi catégorique (p. 10) « car ayant fait service au faict des armes, tant à voz ayeux, comme aussi à vostre Majesté, par lespace de vingteing ans en Piedmont & ailleurs ». Parmis les « guerres d'Italies » qui opposèrent les rois de France aux Habsbourg à la moitié du xvie siècle, le Piémont fut à de nombreuses reprises le théâtre de conflits (en particulier sous François 1er dans la période de 1542 à 1546 plus que sous Henri II de 1552 à 1556 (période à laquelle Gelli pensait certainement). Enfin, on sait qu'au moment de la rédaction de son traité, Henri de Saint-Didier est gentilhomme et écuyer (p. 92), ce qui s'explique certainement par ses contacts à la cour (contacts direct lorsqu'il tire avec le roi ou le duc de Guise, p. 95) et dans le monde littéraire; ses nombreux dédicataires comme Amadis Jamyn⁸, François de Belleforest, Nicolas de Volusien sont des élèves, contacts, amis du monde littéraire du moment (Ronsard, Agrippa d'Aubigné, Du Verdier, etc.). Ces nombreuses relations que l'on devine entre Henri de Saint-Didier et le monde littéraire de son époque peut expliquer la forme très aboutie de ce traité, tant dans l'organisation du savoir que dans la forme éditoriale, jusqu'à l'avertissement au lecteur de possibles contrefaçons. Hormis ces éléments-là, je n'ai retrouvé qu'une seule autre information indirecte de La Croix du Maine qui écrivait en 1584 qu'Henri de Saint-Didier est encore vivant et qu'il « est après à imprimer d'autres livres touchant sa science de l'Escrime, & encore touchant plusieurs autres beaux secrets de nature, auxquels il emploie tout son plaisir »9. La vie d'Henri de Saint-Didier nous reste ainsi pour la plus grande part inconnue.

Pour ceux qui souhaitent rentrer plus avant dans la matière du traité, je vous invite à consulter l'analyse de Jean-François Gilles :

http://ifgilles.perso.sfr.fr/escrime/cahiers/saint_didier/index.html

Bibliographie

Sydney Anglo. Martial Arts of Renaissance Europe. Paladin Press, 2000.

Pascal Brioist; Hervé Drévillon; Pierre Serna. *Croiser le fer, violence et culture de l'épée dans la France moderne (xvie-xviile siècle)*. Seyssel: Champ Vallon, 2001. (Coll. Epoques).

Henri Daressy. Archives des maîtres d'armes de Paris. Paris, maison Quantin, 1888. 251 p.

Georges Dubois. *Essai sur le traité d'escrime de Saint-Didier publié en 1573*. Paris : H. Leclerc, 1918. 14 p. Extrait du « Bulletin du bibliophile », transcrit ci-après.

Jacopo Gelli. *Bibliografia generale della scherma con note critiche, biographiche e storiche*. Firenze : Luigi Niccolai, 1890. p. 481-486.

Alfred Goemaere. *Escrime, vagabondages à travers les auteurs des 15^e, 16^e, 17^e et 18^e siècles. Anvers : imprimerie J.-E. Buschmann, 1905. p. 31-32.*

Theodosia Graur. Un disciple de Ronsard, Amadis Jamyn 1540 (?)-1593. Sa vie, son œuvre, son temps. Paris: Champion, 1929.

Rigoley de Juvigny. *Les bibliothèques françoises de La Croix du Maine et de Du Verdier sieur de Vauprivas*. Tome I. Paris, 1772. p. 349 et 370.

Vigeant. La bibliographie de l'escrime, ancienne et moderne. Paris : Motteroz, 1882. p. 117-119 et p. 162.

⁷ Henri Daressy. Archives des maîtres d'armes de Paris p. 129.

⁸ Theodosia Graur, *Un disciple de Ronsard...*, p. 86-87.

⁹ Rigoley de Juvigny, Les bibliothèques françoises de La Croix du Maine..., tome 1 p. 370.

Préface : Essai sur le traité d'escrime de Saint-Didier par Georges Dubois (1918)

GEORGES DUBOIS MAITRE D'ARMES

ESSAI SUR LE TRAITÉ D'ESCRIME DE SAINT-DIDIER PUBLIÉ EN 1573

PARIS LIBRAIRIE HENRI LECLERC 219, RUE SAINT-HONORÉ ET 16, RUE D'ALGER.

_

1918

Extrait du Bulletin du Bibliophile Tiré à 60 exemplaires

ESSAI SUR LE TRAITÉ D'ESCRIME DE SAINT-DIDIER PUBLIÉ EN 1573

À Henry Lachenaud, archiviste-paléographe.

Le caractère de l'examen de l'œuvre des maîtres anciens de l'Escrime m'a toujours surpris. Les critiques ¹⁰ partent généralement de cette base que les modernes sont à l'apogée de cet art et que les anciens ne sont que des échelons, conduisant à ce summum¹¹.

Saint-Didier, par tradition de salle d'armes, apparaît comme un pâle apprenti et son œuvre, œuvre qui reflète les techniques italiennes de cette époque, une puérilité. Tel n'est pas mon sentiment.

La perfection des peintures et des sculptures de la Renaissance devant lesquelles font si triste figure quantité d'œuvres modernes, m'a conduit à penser qu'abstraction faite des procédés didactiques et des vocables employés, l'art des armes du xvi^e siècle devait avoir une égale supériorité et valoir pour le moins l'école moderne (dite d'épée), que certains professeurs osent présenter comme l'école française définitive.

L'étude approfondie d'une série de maîtres, ayant publié, depuis Saint-Didier (1573) jusqu'à Gomard (1845), Grisier (1847), Cordelois (1862), etc., en passant par les auteurs des xvIII^e et xvIII^e siècles, m'a convaincu que l'école française n'a pas fait un pas depuis la fin du xvIII^e siècle.

Seul Lafaugère, au début du XIX^e siècle, a affirmé, par la magie d'une virtuosité sans égale, la possibilité de certaines formules que, malgré son admirable ouvrage, plusieurs fois édité (1820, 1825, 1865) et en raison d'une vindicte irréductible, due à sa supériorité de tireur sur ses contemporains, personne n'a jamais voulu étudier. Personne, sauf ses élèves, tous disparus

ou de rares modernes, dont je suis.

Il est même curieux de constater que cette rancune d'escrimeurs vaincus et sa conséquence désastreuse pour l'école française se sont transmises, par tradition, jusqu'à nos jours.

* *

C'est au contraire avec la respectueuse conviction de la valeur de mes aînés que j'ai examiné l'œuvre de Saint-Didier.

¹⁰ Proposition de correction pour « cititique ».

¹¹ Note originale: Gomard (1845), l'un de nos meilleurs techniciens, est l'exemple frappant de cette conception.

Avant tout, il se détache chez ce précurseur de tous nos « génies » modernes, que si Saint-Didier ne donnait pas à ses actions les noms que nous leur donnons aujourd'hui, *il en connaissait* et *exécutait* la plupart.

Son *croisement* est notre *opposition*. On trouve notée l'exécution des *contres de tierce et de quarte* sous une autre indication.

La lourdeur des armes imposait des démarches qui, les siècles suivants, se nommaient passes.

A-t-on jamais compris et écrit que les *passes* suppléaient la légèreté des armes actuelles ? Je ne le crois pas. Elles disparurent, en conséquence, vers la fin du xvII^e siècle avec les légères et courtes épées Louis XIV.

<figures 15 et 16 — Le lieutenant menace en ligne basse, le prévôt répond par une menace d'arrêt au bras.>

Mais l'épée longue et lourde imposait les *passes*. Les *contres* étaient souvent l'achèvement ou la suite d'un *maindroit* ou d'un *revers*. De là l'emploi presque exclusif des *croisements* (opposition moderne).

Saint-Didier les exécutait dans toutes les lignes *seconde*, *tierce*, *quarte*, *quinte*, *septime* (on le verra plus loin). Ces *oppositions*, qu'il appelle *croisements*, étaient prises *mezzo tempo*, le bras allongé, formant un *temps*, pris sur l'attaque franche.

La clarté et la simplicité sont les deux qualités maîtresses de Saint-Didier.

Non sans logique, vu le poids des épées de son époque, il base et ramène toute sa technique à trois coups, le *maindroit*, le *revers* et l'*estoc*.

Car, dit-il, sauf le degré de hauteur, qu'il précise dans ses leçons, on frappe pour tailler, de droite à gauche (le *maindroit*) ou le gauche à droite (le *revers*). Quant à l'*estoc*, il n'y a qu'une façon de frapper, droit devant soi. Sa discussion avec Fabrice (sans doute Salvator Fabris) à ce propos apparait victorieuse. On sait que Fabris ajoutait à ces trois coups le *Fendante* et l'*Imbroncade*, qui n'étant que des dérivés des précédents, n'étaient pas admis, par l'auteur français, comme coups fondamentaux.

Partant de là, très ingénieusement, il se sert du mot *maindroit* pour désigner le *dedans* des armes, de la tête au jarret, et de *revers* pour le *dehors*, dans la même étendue (entre droitiers, bien entendu).

Or, au cours de son ouvrage, les parades qu'il indique, et dont il fournit des dessins précis, ne sont autres que des *seconde*, *tierce*, *quarte*, *quinte* et *septime* (modernes).

<figures 17 et 18 — Le lieutenant trompant la menace d'arrêt au bras, dégage dans la ligne de sixte (style moderne). Le prévôt oppose tierce.>

En ce qui concerne l'*estoc* (la pointe) il indique la hauteur où il doit frapper dans l'une des deux lignes ; il dit : frapper ou porter un estoc *maindroit* (dedans) ou de revers (dehors) à la tête, au bras, au corps, à la jambe, c'est-à-dire *dedans* ou *dehors*, du haut en bas, là où il précise (page 5¹², il indique six *lieux* principaux).

Préciser le point à frapper, valait bien, il me semble, par exemple, notre indication moderne : riposter d'octave : riposte qui frappe où elle peut, au corps ou dans les jambes. Saint-Didier, je le répète, précisait, il disait autre exemple : estoc maindroit à la cuisse, ce qui se traduirait aujourd'hui par : par septime à la cuisse. Je parle des tireurs dits d'épée, car Dieu merci, les fleurettistes dernier refuge de l'école française portent leur septime au corps.

C'était très complet et je défie un virtuose moderne de faire mieux, s'il met en main la lourde épée d'estoc et de taille du xvi^e siècle.

De la lourdeur de cette arme, on a déduit l'ignorance de ceux qui la portaient et de ceux qui en enseignaient l'escrime, en l'occurrence Saint-Didier.

Une science perdue et inutile, d'ailleurs (sauf dans certains cas, en duel) avec les armes et règlements de combat actuels, est celle des *passes* (les *démarches*) de Saint-Didier. Nous devons cependant constater que Saint-Didier les exploitait avec une rare intelligence, car de la place du pied gauche dépendait la longueur du rayon d'attaque (bras et épée). Dans son ouvrage de 1606, l'Italien Fabris les a toutes prévues.

<figures 19-20 — Le prévôt après avoir opposé tierce, contre-riposte droit, main de sixte (style moderne). Le lieutenant pare contre de quarte (style moderne), mais sa contre-riposte est annulée par le maintien de la menace du prévôt. Cette troisième figure termine la phrase d'armes et la série des contre-ripostes mutuelles. Saint-Didier les enseignait donc un siècle avant Le Perche.>

¹² La pagination donnée est celle de l'édition originale, dans cette transcription il s'agit de la page 12.

Il est évident que lorsque le pied gauche de son adversaire était en avant, le bras armé restant en arrière, la ligne ou rayon d'attaque était raccourcie, c'est alors que Saint-Didier, qui souvent avait provoqué cette *démarche*, foudroyait son adversaire d'un estoc, fourni en portant le pied droit en avant, augmentant ainsi la longueur de son propre rayon d'action (passe très usitée encore au xviiie siècle autant que le *développement*).

Avant le génial Thibaut d'Anvers (1628) qui faute d'être compris ou seulement lu attentivement est, de nos jours, classé parmi les fous, Saint-Didier songea à employer le dessin du triangle et du rectangle pour préciser le caractère des mouvements des pieds sur le sol, dans les démarches rectilignes ou latérales.

Ce maître a aussi nettement étudié la *mesure*, base de sa sûreté personnelle et de la réussite de ses attaques ou de ses ripostes.

Saint-Didier avant tous les maîtres français, puisqu'il est l'auteur le plus ancien parmi nous, a su parer et riposter en un même temps.

Il ne riposte même que de cette façon, dès qu'il le peut. Il provoque les attaques de son adversaire pour les annuler par une parade-riposte au *temps*.

La précision qu'il apporte à indiquer la position des doigts dans les *oppositions* alternatives de *tierce* et de *quarte* (style moderne) (voir les figures) prouve qu'il employait une *conversion de main* similaire à celle que le célèbre Jean-Louis établit, de *sixte en quarte* plus de deux siècles plus tard.

Le premier et avec une insistance qu'on ne rencontre chez presque aucun auteur, il revient à tout moment sur les modifications techniques qu'impose l'adversaire gaucher.

Déjà, il insiste sur l'inutilité de parer l'attaque dans la ligne basse, mais au contraire de retirer la jambe et d'arrêter d'estoc en ligne haute ou de taille au bras.

Fig. 17 et 18, on trouve l'indication du contre de tierce (style moderne).

Fig. 32, se voit une riposte par *contre de quarte* (style moderne).

Page 50 et 60¹³, il donne ses indications géométriques pour la compréhension des *démarches*.

Page 68¹⁴, il fait exécuter notre *quinte* moderne conduisant à la *seconde* par le poids de l'arme.

Page 80¹⁵, le prévôt pare nettement *septime* (moderne) un *main-droit* en ligne basse.

Page 82¹⁶, Saint-Didier prend le temps en retirant la jambe menacée (le moderne rassemblement des épéistes) et quelle ressource pour ces contempteurs des vieux maîtres, etc.

Et cet auteur de 1573 n'a pas tout dit, il comptait se compléter lors d'une réimpression qu'il annonce page 74¹⁷.

Saint-Didier enseignait la contre-riposte un siècle avant Le Perche (1676). Gomard, si définitif et si peu indulgent dans ses déclarations au sujet de Saint-Didier a commis là une grosse erreur. En effet :

Fig. 15-16. Le lieutenant menace en ligne basse ; le prévôt répond par une menace d'arrêt d'estoc au bras.

Fig. 17-18. Le lieutenant trompe cette *menace* et feinte à son tour en ligne haute.

Fig. 19-20. Le prévôt répond à ce nouveau danger en prenant la parade de *tierce-riposte*, à laquelle le lieutenant contre-riposte par *contre de quarte-maindroit*, qu'il ne peut fournir utilement, car le prévôt maintient sa menace d'estoc.

Indiscutablement, ces figures 15-16, 17-18¹⁸, 19-20, établissement que 1° Saint-Didier enseignait la contreriposte ; 2° que déjà la phrase d'armes était connue et enseignée par lui.

* *

Saint-Didier en déclarant que le Jeu de Paume et l'Escrime sont *cousins germains* et se préparent l'un à l'autre, a émis un jugement très sain, si l'on veut bien considérer que l'Escrime de cette époque comportait des *démarches* variées et l'usage intensif des coups de taille *maindroits et revers*.

¹³ Dans cette transcription il s'agit des pages 56 et 66.

¹⁴ Page 74.

¹⁵ Page 86.

¹⁶ Page 88.

¹⁷ Page 80.

¹⁸ Proposition de correction pour « 16-18 ».

Traité de l'épée seule de Saint-Didier

À propos du texte et des précieuses figures qui illustrent l'œuvre de Saint-Didier, Gomard écrit, comme conclusion de son examen ironique : L'action se continue ainsi, par une succession de coups portés et évités ou barrés jusqu'à la dernière planche.

Comment peut-on faire un grief de ce caractère d'enchaînement des illustrations, spécial aux auteurs anciens, caractère qui fait leur clarté et que nous n'avons pas adopté — par économie.

Conclusions. — La science des anciens maîtres de la Renaissance était autrement profonde que celle de la plupart des modernes et l'amour de leur art bien plus élevé. Ils étaient loin du *bricolage* actuel que permet la légèreté de nos fleurets, *bricolage* qui fait à peine illusion.

En ce qui concerne Saint-Didier, j'estime qu'aujourd'hui encore, sa lecture est profitable, non seulement à l'amateur et au chercheur, mais plus encore à un professionnel de l'Escrime.

TRAICTE CONTENANT LES SECRETS DU PREMIER LIVRE SUR L'espée SEULE,

Mère de toutes armes, Qui sont espée dague, cappe, targue, bouclier, rondelle, l'espée deux mains & les deux espées, avec ses pourtraictures, ayans les armes au poing pour se deffendre & offencer à un mesme temps des coups qu'on peut tirer, tant en assaillant qu'en deffendant, fort utile & profitable pour adextrer la noblesse, & suposts de Mars : redigé par art, ordre & pratique.

Composé par Henry de Sainct Didier Gentilhomme Provençal.

DEDIÉ À LÀ MAJESTE DU ROY TRESCHRESTIEN CHARLES NEUVIESME.

À PARIS.

Imprimé par Jean Mettayer, & Matthurin Challenge, & se vend chez Jean Dalier, sur le pont Sainct Michel, à l'enseigne de la Rose blanche, 1573.

AVEC PRIVILEGE DU ROY.

EPISTRE AU ROY.

SIRE, Je ne m'amuseray à vous descrire combien sont à louer ceux qui taschans (comme l'on dit) ayder voire parfaire la nature, ont reduit les choses confuses en ordres, & de telle sorte que ce que de primeface sembloit rude, malaisé, & inaccessible, a esté par eux rendu aisé, traictable, & facile à aborder. Veu mesmement que le seul mal qui provient de la confusion & desordre des choses, et entre autres de celle qui sont propres aux Gentils-hommes les rendent assez recommandables. Parquoy tourneray ailleurs ma plume à vous remonstrer, que pour restaurer une bataille qui est en derroute, & la remettre en son pristin¹⁹ ordre, il est besoin à un chef avoir deux choses bien familieres. Assavoir le jugement, pour gaigner le temps & le lieu, où & quand il faut arrester les rancs rompus & par une fainte cargue amuser les ennemis, pendant que le reste des troupes se rassemble & reserre. Lequel jugement ne se peut acquerir, voire la raison d'iceluy ne se peut croire sans le second poinct que je dy au chef estre fort necessaire, qui est l'experience des choses, de laquelle naist le jugement susdit. (SIRE) quiconque veut remettre quelque art ou doctrine en son ordre ou la tirer de la confusion, de peur qu'en fin elle ne se gaste, il est requis qu'il soit fourny de jugement, nay de l'experience veue par lexercice dudit art, ce que je ne dy sans cause car ayant fait service au faict des armes, tant à voz ayeux, comme aussi à vostre Majesté, par l'espace de vingtcinq ans en Piedmont & ailleurs. Je me puis justement attribuer avoir usé ma vie à l'expérience desdites armes, tellement qu'une si longue preuve peut avoir en moy engendré quelque perfection de l'art & pratique d'icelles. De sorte que voyant combien confusément, & avec mauvais ordre elles ont esté & sont pour le jourd'huy par tout le monde monstrées, & pratiquées, ay en mon cerveau figuré quelque patron ou idée, suivant laquelle comme exemplaire, je me fay fort que l'ordre en sera non seulement bon, ains l'art qui y consiste sera du tout restauré, & atteindra plus prés sa perfection, lequel j'ay par longs jours, tant à cause de mon impuissance & extreme pauvreté (ennemie des bons esprits) comme aussi pour estre empesché à vostre service, tenu caché & ensevely parmy mes papiers en mon cabinet, où les Muses aprés les efforts martiaux m'ont fait, & espere que me feront compaignie. Mais maintenant le desir que j'ay de vous faire treshumble & tresagreable service, loinct le zelle que toute ma vie j'ay eu aux armes, & à ceux qui les aiment, & qui en font profession, n'ont peu permettre, qu'en ce temps (ou Mars nous donne quelque relasche) je ne me sois enhardy presenter à vostre Majesté, chose non digne d'un tel & si grand Monarque, mais fort propre pour l'exercice d'un commun père, tant des armes que de paix, scavoir, un traicté sur l'espée seule, mere de toutes armes, que j'ay composé suivant mon petit jugement, dans lequel sont contenus six poincts, par cy aprés declarez, avec un ordre, non encores jamais usité, & la preuve d'iceluy, tant par raison que par effait attaché au bout. Voyla (SIRE) que contiendra, à present ce petit œuvre, qui est comme un sommaire ou recueil du premier livre que j'ay encores par devers moy. Parquoy si vostre Majesté prent quelque goust à cestuy cy, Dieu me donnant la grace de vivre, j'espere par le moyen de vostredite Majesté en mettre par cy aprés d'autres en lumiere, Donc cestuy (qui est le premier & principal pour adextrer la noblesse) j'ay pensé digne de vous, qui estes le protecteur, & soustien des armes, desquelles il traicte, vous suppliant plusque treshumblement, là & quand il seroit reputé autre vous plaise prendre mon ardente affection, laquelle de long temps a esté dediée à vous offrir treshumble, & tresagreable service, en payement m'employant à quelque chose, qui concerne iceluy, & je me tiendray plus que tresheureux avec perpetuelle occasion & volonté, plus que grande de prier le souverain Recteur de l'univers vous donner treslongue, & tresheureuse vie. Et pour borne de vostre Empire la seule Mer Occeane.

Vostre treshumble, & obeïssant serviteur, Henry de S. Didier, Gentilhomme Provençal.

¹⁹ Pristin: ancien, antérieur

Traité de l'épée seule de Saint-Didier

S'ensuivent les secrets de ceste espée seule, & de toutes les autres armes qui en dépendent, pour lesquels entendre, & sur tout mieux executer, six poinct sont requis.

Le premier est combien de desmarches il y a en tout l'art desdites armes, & eslire la meillleure, & en donner raison.

Le second, combien de gardes, & situations y a ausdittes armes & eslire la meilleure, & par quelle raison.

Le troisiesme, de combien de coups l'ennemy aggresseur peut offencer le deffendeur & en donner pareille

Le quatriesme, en combien de lieux propres se peuvent adapter lesdits coups sur la personne, tant en assaillant, qu'en deffendant.

Le cinquiesme, sçavoir, à tous ceux qui font, ou feront, cy aprés profession de monstrer audites armes : soy deffendre & offencer à un mesme temps de quelque coup ou coups qu'on peut tirer, & par ainsi s'ils ne les sçavent comment les pourront ils monstrer à leurs disciples.

Par le sixiesme poinct, qui est le dernier on verra un grand secret, qui est de juger du coup que l'assaillant peut tirer sur le deffendeur & en sera donné raison.

Quand au premier poinct, c'est à sçavoir combien il y a de desmarches, je respond qu'il n'y en a²⁰ que deux, par ce que nous n'avons que deux pieds.

Les aucuns se tiennent sur le pied droict, les autres sur le pied gauche, toutefois en donnent bien peu de raisons, soy tenant sur l'une ou sur l'autre desmarche. Mais pour estre bien asseuré quand il est besoing de mettre l'espée au poing, faut sçavoir laquelle desdites deux desmarches est la meilleure & la plus certaine & superlative & en icelle comme dit est se faut tenir pour executer ledit art.

Quant à moy je soustiens avec l'esperience & preuve la desmarche qui se faict, soy tenant sur le pied gauche, pour la premiere foys, en mettant l'espée au poing, est la plus certaine & meilleure, tant pour l'assaillant que pour le deffendant. Combien que peu de noz encestres demonstrateurs s'y tiennent, & soy y tenant, tant sur l'un que sur l'autre, en donnent bien peu de raison. À ceste cause je concluray qu'il n'y a que deux desmarches en tout l'art, pour bien commencer iceluy.

Et pour bien suivre les doctes, & les immiter, faut de deux choses bonnes choisir la meilleure, & de deux mauvaises, eviter les deux, si faire se peut, sinon la pire, & en ce faisant, je conseille à tous lesdits suppots de prendre la meilleure desdites deux desmarches, qui est celle qu'on se tient sur le pied gauche pour la premiere fois, en mettant les armes au poing, faisant un desdits trois desgainements.

Sensuivent cy aprés les declarations & raisons desdits six poincts.

La raison du premier est qu'il n'y a que deux desmarches, l'une se fait sur le pied droit, & l'autre sur le pied gauche.

Quant à moy je dy soy tenant sur le pied gauche est le meilleur, par ce que y estant on a liberté de prendre plus de temps, & grande course, que sur la desmarche du pied droict & par consequent de bien assaillir, & de beaucoup mieux se deffendre, comme se verra cy aprés à l'ordre des coups.

Voyla la raison pourquoy la desmarche qu'on faict sus ledit pied gauche, est meilleure que celle dudit pied droict.

La seconde est sçavoir combien de gardes & situations il y a ausdites armes. Je dis qu'il n'y a que trois gardes, & trois assituations principalles.

- La premiere est la basse, assituant la pointe à la braye.
- La seconde est la moyenne, assituant la pointe de l'espée droit à l'œil gauche.
- La troisiesme est la haute, assituant la pointe de l'espée au visage, venant d'ault embas.

Les aucuns demonstrateurs, quand ils definissent lesdites gardes, accommencent à la haute. Quant à moy, je commence à la basse, attendu que toutes choses se commencent aux fondements. Comme pour exemple, les gens doctes ne commencent à monstrer les sciences aux hautes, ne les maçons quand ils viennent à commencer à bastir les maisons, ne commencent pas à la tuille, ains au fondement. Et par ainsi je commence à la basse, qui est le fondement qu'on doit bien garder.

Bien est vray, que de ceste garde basse, s'en peut engendrer deux autres basses, l'une est sur le costé droit, l'autre sur le costé gauche.

²⁰ Insertion du « a ».

Celle qui se fait sur le costé droit, elle se faict laissant la nature, & proprieté de leurditte mere, & participer sur le costé droict.

Celle qui se fait sur le costé gauche, elle se fait aussi laissant la nature, & estre de saditte mere, & participer du costé gauche.

Cesdites deux gardes engendrées de ladite basse, elle se font bien souvent pour attirer quelque coup des ignorans, qui fera un maindroict, ou un estoc haut ; car autre coup on ne peut, sur lesquels facilement on peut attraper & toucher l'ennemy assaillant qui sera estourdy, & ne considerera l'accident qui peut venir, estant sur sesdittes deux gardes faintes. Mais la garde basse leur mere est la plus certaine, de sorte qu'il n'y a que trois gardes, comme dit est.

Le troisiesme poinct est qu'il faut scavoir de combien de coups l'ennemy assaillant peut offencer le deffendant. Quant à moy, je dy que l'assaillant & deffendant ne se peuvent offencer que de trois coups. Qui sont,

- Maindroict,
- Renvers.
- Estoc.

Bien est vray qu'ils se peuvent multiplier en six lieux propres sur corps humain, qui faut bien garder, tout ainsi qu'un bon joueur de paulme faut qu'il garde bien l'es²¹, que lesteu²² de partie adverse ne le touche. Aussi faut il qu'un bon tireur d'armes garde bien qu'un desdits trois coups ne touchent aux six lieux ausquels se peuvent adapter comme dit est, dont se verront cy apres.

Faut noter que les armes, & la paulme sont cousins germains, & qui scaura bien jouer à la paulme, facilement & tost scaura bien tirer des armes.

Le quatriesme poinct est, que l'assaillant & deffendant ne se peuvent offencer que desdicts trois coups : bien est vray qu'ils se peuvent multiplier, & adapter comme avons promis si dessus en six lieux propres sur la personne, soit en assaillant, ou en deffendant, & qui scaura le moyen de soy deffendre, & offencer à un mesme temps, comme ce peult, desdicts trois coups, qui sont cy dessus & seront si aprés definis, estant multipliez il en scaura cent.

Sensuivent les noms desdits six lieux propres, ou fault, & se peuvent tirer les susdicts trois coups, c'est à dire,

- Maindroict
- Renvers
- Estoc.

Le premier coup & lieu, est un maindroict, de bas au jarret gauche du deffendant.

Le second coup & lieu, est un renvers, de bas au jarret droict du deffendeur, s'il est droictié, & s'il est gauché, se fera au jarret gauche.

Le troisieme lieu, ledict maindroict est multiplié une fois d'hault sur le costé gauche du deffendant.

Le quatriesme lieu est un renvers d'hault sur l'espaulle droicte du deffendant, estans multiplié une fois.

Le cinquiesme lieu, est le tetin gauche, auquel le Lieutenent assaillant tirera un estoc au Prevost, qui est ledict troisieme coup.

Le sixiesme & dernier lieu, est le tetin droict dudict Prevost auquel le Lieutenent tirera un estoc, qui est ledict troisiesme coup, estant multiplié une fois comme ledict Maindroict, & Renvers.

Fin desdicts six lieux, qui est aussi la fin du quatriesme poinct.

Le cinquiesme est, qu'il fault sçavoir soy deffendre & offencer à un mesme temps desdits trois coups, adaptez & tirez aux susdits lieux, tant en assaillant qu'en deffendant observant bien le temps qui est requis. Dont le tout sera cy aprés monstré & declaré au long à l'instruction de ceste espée seule.

Le sixiesme & et dernier poinct est un des bons qui soit requis de sçavoir en tout l'art, qui est juger du coup qui se peut tirer, tant en assaillant qu'en deffendant, car le jugeant facilement on y trouvera son remede, autrement non. Et pour ce faire faut regarder la pointe de l'espée, & ne la perdre jamais de veue, & en ce

²¹ « L'es », habituellement orthographiée « ais », désigne une planche de bois placée dans le mur du fond de la salle de jeu de paume qui, si elle est touchée par un coup de volée, donne le point immédiatement. Dans le jeu de paume moderne, cette planche est remplacée par une grille. Il est possible que cet « ais » ait donné le terme anglais d'« ace » que les étymologies modernes confondent avec l'« as » du jeu de carte. Voir la définition d' « ais » de l'Encyclopédie de Diderot et d'Alembert.

²² L'esteuf : ancien nom pour la balle.

faisant, facilement on jugera du coup, le jugeant on trouvera moyen de soy deffendre & offencer, comme j'ay promis à un mesme temps.

La raison pour juger d'un desdits coups est que l'exterieur, qui est ladite pointe de l'espée, se conduit & meine par l'interieur, qui est la volonté, & ne scauroit la pointe de l'espée, qui est l'exterieur, estre si habile que la veue, & par consequent la veue fait juger du coup, & gaigner le temps. La veue & le temps gaignées peuvent succeder & prealler²³ ledit exterieur, qui est l'un desdits coups que le Lieutenant peut tirer sur le Prevost deffendant, & par là on peut trouver son remede.

Voicy la fin & declaration du sixiesme & dernier poinct, qui est necessaire de scavoir à tous, pour l'intelligence de ceste arme, & de toutes les autres qui sont du mesme subjet.

Suyvant les dessusdits six poincts, un nommé Fabrice²⁴ & Jule, me vindrent une fois voir, avec quelques uns de leur païs, par ce qu'ils avoient ouy parler de moy, & leur avoit on dit que je composois un livre sus les armes & que je l'avois dedié au Roy. Eux cupides & volontaires, de sçavoir encores plus ausdites armes qu'ils ne sçavoient, me prierent de leur monstrer ledit livre, ce que je leur fis refus, (jusques à ce que ladite Majesté l'eust veu) & alors voyant leurs volontez bonnes, & qui n'estoient venus à moy pour eux jacter, ains pour tascher à voir le contenu dudit livre, cela m'esmeut de discourir avecques eux quelques poincts contenuz ausdites armes, & leurs fis certaines interrogations, qu'on pourra voir cy aprés avec leurs responses, par lesquelles on pourra facillement juger qui touche mieux au but de la vraye definition, & demonstration desdites armes.

Et alors je me viens atacquer premierement audit Fabrice, & luy dis Seigneur Fabrice, avant que tirer à present avec vous, ny avec autre ausdites armes, je veux sçavoir de combien de coups l'ennemy assaillant peut offencer le deffendant. Et pourtant, de grace vous prie, le moy dire.

Et alors respondit ledit Fabrice & dit, de plusieurs bottes, bottes en napollitain vaut autant à dire que coups en françois. Et encores oyant ledit Autheur cette response proferée par ledit Fabrice, estre infinie et incertaine. Respondit encore ledit Fabrice & dist seigneur pourquoy dictes vous que ma reponse est impertinente.

Respond ledit de Sainct Didier & dit que toute response infinie n'a point de certitude, à ceste cause ladite response qu'a ledit Fabrice respondu de plusieurs bottes est impertinente.

Et alors ledit Fabrice voyant que je remuois la teste, signifiant par là qu'il ne m'avoit respondu pertinement. Va ledit Fabrice un petit reprendre ses esprits, & feit autre response, & dit que de cinq bottes l'ennemy assaillant pouvoit offencer le deffendant : Et encores je luy dis definissez les, & à ceste heure il dit d'un,

- Maindrette,
- Renverse,
- Fendante,
- Estoccade,
- Imbronccade.

Et oyant ceste responce proferée par ledit Fabrice, quand il dit cy dessus de cinq Bottes.

Alors le dit Autheur, sans bien peu d'intervalle luy respondit & dit que telles responses contenoient deux chefs, par lesquels il avoit mal respondu, attendu qu'il y a une response qui est plurielle, & l'autre singuliere. La plurielle ne vaut rien, la raison est cy dessus donnée, la singuliere qui est quand il a dit cy dessus de cinq bottes n'est aussi pertinente. La raison par ce que il en y a trop & par ainsi en faut oster.

Voyant ce, ledit Fabrice, que je dits qu'il falloit oster quelques coups desdites bottes, me repliqua pour scavoir de moy la vraye definition & secret, & me dit, Seigneur de S. Didier, pourquoy avez-vous dit que les responses, que je dy cy dessus, de plusieurs & de cinq bottes n'estoient par moy bien ne deuement respondues?

Respond derechef ledit Autheur, & dit que veritablement telles susdites responses ne valloient rien, au moins la plurielle, comme a esté definy cy dessus, & sera monstré cy aprés comme par exemple.

Si on disoit & interrogoit un maistre de camp, & on luy demandast de combien d'advenues l'ennemy peut venir sur un camp, & qu'il respondit de plusieurs : Je dy que telle response seroit incertaine, & par consequent n'est pertinente, attendu que quand on fait telle susdittes interrogations à un maistre de camp ou autres, tels doivent estre certains de leurs responses. Autrement ne sont dignes de regir ne gouverner un camp, ne

²³ précéder. « Préaller » subsiste en français sous la forme « préalable ».

²⁴ Il s'agit très probablement du maître d'arme italien Fabris Salvator de Padoue (1544-1617). Voir la note sur Fabris Salvator de Vigeant p. 162 et aussi les références à ses publications (Vigeant p. 55-56).

Traité de l'épée seule de Saint-Didier

republiques, attendu qu'il faut estre certain de combien d'advenues l'ennemy peut venir sur un camp, à celle fin qu'on y puisse mettre autant de centinelles, pour la conservation & garde d'iceluy.

Et pour respondre & conclure, à ce que dessus est dit nous avons autant de besoin de scavoir de combien de coups l'ennemy nous peut offenser, pour scavoir à iceux remedier & deffendre nostre corps & honneur, comme un Maistre de camps qui a un camp de cent ou cinquante mille hommes car c'est nostre interest particulier. Quant à moy je dis avec les doctes que ce qui ce peut faire avec peu est meilleur que ce qui ce fait avec beaucoup. À ceste cause j'osteray deux desdites cinq bottes que tient le dit Fabrice par ce que je les dy estre superflus, qui sont Fendant, & Imbronccade, & n'en demeurera plus que trois, qui sont cy dessus par moy definis, & seront cy apres.

S'ensuit la declaration & raison cy aprés pourquoy ledit Autheur oste ledit Fendant, contre l'opinion desdits Fabrice & Julle, & plusieurs autres, ce neantmoins de tout temps les ont mis & mettent au ranc desdits coups.

La raison pourquoy j'oste premierement ledit Fendant est par ce qu'il ne se peut faire proprement. Car tout Fendant qui est propre faut qu'il tienne & ne laisse le sommet & meillieu de la chose qu'on veut fendre.

Or est il que je ne sache homme, tant soit il exercé en toutes sciences ou arts, qu'ayant une espée au poing, couttellats, ou autres armes à ce propres à fendre, que quelque coup qu'il puisse faire, ne participe ou d'un costé ou d'autre, laissant le meillieu. Et pourtant si tel coup tiré participe du costé droict, n'est Fendant, ains Maindroict, & s'il tient plus du costé gauche, n'est aussi Fendant, mais sera un Renvers.

Voyla la raison pourquoy ledit Fendant est osté par ledit Autheur : du nombre desdites cinq bottes que tient le susdit Fabrice, & n'en demourera plus que quatre.

Cy aprés est aussi declaré pourquoy ledit autheur oste ladite Imbronccade du nombre desdites cinq bottes.

La raison, par ce qu'Estoccade & Imbronccade, c'est tout un, comme verjus verd, & verd verjus²⁵, c'est aussi tout un. Car en demandant l'un ou l'autre, on ne vous apportera jamais que le mesme. Aussi une Estoccade, & une Imbronccade, c'est une mesme chose, attendu que cest tousjours la pointe qui faict la faction. Et par ainsi ostant comme dit est, le Fendant & imbronccade, n'en demoureront plus que lesdits trois coups qui sont cy dessus declarez audit troisiesme poinct.

Voicy la fin de tout ce qui est requis & necessaire de scavoir & entendre à un chacun, qui veut estre adroit ausdites armes

Pour bien donner entendre lesdites armes, & discourir de l'art, ordre & pratique d'icelle, il a fallu feindre trois personnages : lLe premier c'est l'Autheur, le second le Lieutenant, le troisiesme le Prevost.

Par l'Autheur sera descrit cy aprés tout l'ordre que doit tenir ledit Lieutenant & Prevost en l'art de ceste espée seule, laquelle s'ensuit cy aprés & le commencement d'icelle.

FIN.

²⁵ Version alimentaire de l'adage « blanc bonnet et bonnet blanc ».

Au Roy.

Par Estienne de la Guette, gentilhomme.

SIRE, il est tout certain que les hommes sont faits Et créés de nature ignares imparfaits, Grossier d'entendement & terrestres d'essence, Et que premierement ils n'avoient cognoissance, Comme nous au jourd'huy de tant d'arts merveilleux Usagez par le monde. Ains lourds & sommeilleux, Et poussez seulement d'un instinct de nature, Barbares n'avoient soing que de la nourriture, D'eux & de leurs enfans n'ayans autres maisons, Sinon les champs herbus, ou selon les saisons, Ores les fraix sejour des autres cois & ores. L'abry d'un chesne espars ne faisant souldre encores. En vigueur cest esprit ceste essence de feu Qui hault reside au chef, mais le temps peu à peu. Leurs dessillant les yeux les paupieres recloses, Leur fist premierement admirer maintes choses, En la terre & au ciel, & penser de plus prés À leurs commoditez leurs suscitant exprés Je ne scay quel desir, je ne scay quelle envie, De changer de façon & mener autre vie. Si qu'esveillé d'esprit & plus escort en fin Il planta de la vigne, & en cueillit du vin, Il semenca les champs, il creusa bas la terre, Et par force en tira les metaux & la pierre, Dont il flanqua des murs, & bastit des maisons : Les bestes il dompta, & des molles toisons, Des ouailles revestu d'un long fer imployable Se fist & affina une espée effroyable. Et projectant encor' je ne scay quoy plus hault Il aisla ses esprits, & volant de plein sault, Jusques au plus haut des cieux ayant sur ordonnées, Aux courses du soleil, les courses des années : Des siecles & des jours soigneux y a cherché Le tresor de science aux hommes tant caché. Or mon Roy le plus grand, qui regnes sous les poles Je ne scay quel aspect de signes malevoles, Je ne scay quel malheur quel astre desastreux, Influoit aux Gaullois ce sort malencontreux Et rendoit tant d'esprits n'aguere en vostre France Assoupits & voillez d'une sotte ignorance, Que peu l'on en trouvoit qui ressentans en eux Un desir qui plus hault abhorrant desdaigneux, D'un vulgaire ignorant l'opinion peu caulte Entreprist hardiment quelque chose plus haute, Et digne de son nom, mais depuis que François, Vostre ayeul genereux, père des ars, aincois Des armes & des ars, & Henry vostre père Ce magnanime preux & François vostre frere. Et vous mon Prince & Roy dont l'illustre grandeur Cause & promet encor en la France tant d'heur Et voz freres aussi ces grands Princes nasquistes

Lors ce commun malheur tellement vous vainquistes Par voz perfections ayans des dons des cieux Tout le meilleur en vous & comme demy dieux Des astres malveillans diverty l'influance Que depuis le haut ciel produit en abondance Non plus des lourds esprits avortez imparfaicts Mais nobles, & heureux, vifs, divins, & parfaits. Tant vous eustes pouvoir de commander aux signes Car comme un moulle vif de quelques roys insignes Applicqué sur la cire y grave son portrait Ainsi de voz esprits le moulle divin fait Et forme dans les cieux en tant d'esprits imprime Le portrait de vertu, & la marque sublime De voz heurs naturels, comme douans aux cieux Inviolable loy, de faire à qui mieux mieux Que noz esprits enclins jadis en choses basses Ensuivent de plus prés le parfait de voz graces. Car si comme il appert, en France on ne voit plus Tant d'espritz lourds, pesantz & reclus Sans plus aux sens communs : ains par experiences Cognoissent les secrets de mille arts & sciences Ne ceddans plus d'effaict comme jadis si plains, D'ignorance & bestise aux Arabes Romains, Egiptiens ou Grecs, & si ores plus qu'onques L'honneur & la vertu en manieres quelconques Y florit estimé, c'est mon Roy mon seigneur C'est la felicité, c'est le divin bonheur Que vous & vostre race, heureuse d'influances Et de vertu fatalle, avez en voz naissances Transmis du Ciel au monde, or entre tant de ceux Qu'en voz celebres noms, les favorables cieux Ont envoyé ça bas pour faire à la patrie Par quelques arts inventez cognoistre l'industrie Et grand vivacité de leurs divins espris Sire, un de sainct Didier seul emporte le pris Surpassant en honneur, en vertu & en gloire, Tous & tant d'inventeurs dont on face mémoire D'autant que son bel art qui cogneu ne fut oncq. Est bien plus excellent que les autres ne sont. Par les armes les grandeurs des Roys sont maintenues Les honneurs deffendus, les dames soustenues Par armes l'on acquiert, l'on garde liberté Par armes chacun vit en repis & seurté Par armes en tous lieux on voit punir le vice On voit garder les loix, & maintenir justice Et florir les citez, & regnes comme estans Necessaires par tout à chacun en tout temps. Or ce de sainct Didier, mon bon Roy & Prince Est seul & le premier, qui en vostre province, Voire de tout le monde a esté du dieu Mars Ravi jusques és cieux pour apprendre ses ars. Le maniement d'espée & l'adresse des armes Qui faict tant redoubter aux combats les gendarmes Pour les communiquer à vous premierement

Qui de telles vertus estes seul l'ornement Puis s'ainsi le permet vostre altesse sacrée À chacun voz subjects qui l'ont tant ignorée Ignoré jusques icy vravement a esté Sauf le meilleur avis de vostre Majesté. Des armes le bel art : car d'aucun tel pratique Tel ordre tels progrets, ny telle theorique, (Pour en un mesme temps deffendre & offencer Un superbe aggresseur qui se viendra lancer Furieux de sur nous) ne fut onc entendue Comme de sainct Didier, Sire, la pretendue. Monstrer en ce livret ou de faict tant soit grand, Le secret incogneu des armes il comprend. Le redigeant par art, non comme tant d'ignares Comme un tas de montreux ignorans & barbares L'ont traicté jusqu'icy (qui monstrant seullement À parer aux coups vains ou ruer follement Sans art sus l'adversaire un coup à l'aventure Qu'à nous offencer luy donnast ouverture) D'une faulce doctrine abusent ainsi ceux Qui ont desir d'aprendre & courent aprés eux Et de faict mon grand Roy ne voit on pas maints hommes Maints dispos courageux & adroict gentilshommes Qui seront de long-temps ensignez d'aucuns fouls Avec quelques apparance & ombre de beaux coups Rencontrer un lourdaut qui leur saillant grand erre²⁶, D'un vieux Malchus²⁷ rouillé les rura bas par terre. Demeurant par ainsi un homme de cueur hault Honteusement vaincu par un simple rustault Faute mon jeune Roy d'avoir experience Des secrets liberaux de la belle science Que comme (un prophete) vollant entre les dieux, Ce sainct Didier a pris du sainct thresor des cieux Non que pour l'exalter je vueille tant medire, De tant d'autres qu'on voit que j'ose hardiment dire. Qu'aucun d'entre eux n'ayt eu quelque dexterité De faire avec l'espée un tour d'habileté, Car comme par les champs les mignardes avettes²⁸, Tirant je ne scay quoy des petites fleurettes, Avec une liqueur qui leur coulle du Ciel En forment par rayons leur doux suave miel, Ainsi ce sainct Didier recueillant de l'adresse Des ruses de jadis, & de quelque allegresse Du moderne estranger ou nature a faict Avec son scavoir propre un ouvrage parfaict : Que le destin fatal ni les vents ni la fouldre

S'il peut estre agreable à vostre Majesté Mais que jamais si bien Escrimeur ayt traicté Comme on doit seurement à l'ennemy se joindre

Ni tout semblable effort ne pourront mettre en pouldre.

²⁶ Transcription la plus sûre du texte : « gran d erre »

²⁷ Serviteur du grand prêtre venu arrêter Jésus au Mont des Olivier et dont l'oreille coupée a été immédiatement guérie. Selon la lecture du passage, il est parfois pris pour celui qui soufflète Jésus.

²⁸ Un des anciens nom de l'abeille.

Qu'aucun de tout le monde ayt peu jamais attaindre Ceste perfection, Sire, il ne fust jamais Si non de cestuy seul & pour ce desormais Vostre France à bon droit se pourra vanter d'estre Sur toute autre province aux armes plus adextre, Et vous mon puissant Roy de Dieu tant favory, Le seul Prince soubs qui ils auront tant flory Et qui mieux en aurez, outre vostre justice Entretenu sur tous le tant noble exercice. Heureux certes de voir vostre accompli bon-heur S'acroistre du renom, encor de cet honneur. Soit donc Prince treshault vostre grandeur contente, Que vostre humble subject de sainct Didier presente À vostre Majesté & hault nom cilial²⁹ Ce petit don d'esprit qu'avec tant de travail Tant de soin & labeur, il a pour satisfaire Au desir qu'il avoit tousjours de vous complaire Ourdi & compassé, qu'il le vous rend parfaict. Et vous noble de sang qui n'avez à souhait Sinon de conserver en bon heur vostre prince, Feaulx l'accompaignans par tout en sa province Faictes en le priant qu'il soit de luy permis, Que ce rare tresor en lumiere soit mis Et là vous instruez pour vostre Roy deffendre S'un jour l'on le vouloit à l'impourveu surprendre Lors qu'armez ne feriez contre ses apostez Sinon de glaives longs pendans à voz costez. Cependant mon grand Roy recevez je vous prie, Ce discours de mes vers qu'humble je vous dedie : Ensemble ce present, present digne de vous Pour le subject qu'il traicte & necessaire à tous.

Sonnet à l'auteur, par Monsieur de l'Aigle.

Sonnet à l'autheur³⁰, par Monsieur de l'Aigle.

Amour ou Mort.

Sainct Didier, je voy ja au flair de ton beau livre
Cest amas desolé de Chevaliers vaincus
Dont le flamme outr'ouvert, dont les forces escus
Font dedans noz Romains, leur honte à jamais vivre
Je le vois (dis-je) ja charmé tout & tout yvre
Du fumet de ton nom drillant³¹ en tes vertus
Là bas dessous la lame en mil cris aigus
Importuner Pluton d'encor sa haute riviere.
Pluton (ce disent ils) tu scais que nostre mort
Ne consiste pas tant à nous veoir en ce bort
Qu'avoir noz fiers vainqueurs baver nostre conqueste
Or si d'un Sainct Didier nous estions façonnez
Nous nous tiendrions bien seur de leur rompre la teste,
Et de vainqueurs passer en vainqueurs couronnez.

Je voy ja, Sainct Didier, au flair de ton beau livre
Cest amas desolé de Chevaliers vaincus
Dont le flanc outr'ouvert, dont les forces escus
Font dedans noz Romantz, leur honte à jamais vivre
Je le vois (dis-je) ja charmé tout & tout yvre
Du fumet de ton nom drillant en tes vertus
Là bas dessous la lame en mil cris aigus
Importuner Pluton d'encor ça haut revivre.
Pluton (ce disent ils) tu scais que nostre mort
Ne consiste pas tant à nous veoir en ce bort
Qu'à voir noz fiers vainqueurs baver nostre conqueste.
Or si d'un Sainct Didier nous estions façonnez
Nous nous tiendrions bien seurs de leur rompre la teste,
Et de vaincus passer en vainqueurs couronnez.

Amour ou Mort.

²⁹ Sens incertain ; peut-être s'agit-il d'une mauvaise graphie de « filial ».

³⁰ La version de gauche correspond à l'exemplaire de Blois, celle de droite au fac-similé de l'exemplaire de la BNF. Il semble que la version de la BNF corresponde à une deuxième édition corrigeant plusieurs erreurs dans ce poème.

³¹ drillant : étincellant, brillant (dictionnaire de Nicot).

Sonnet par Jacques Brocher Metamatesien, de Pertuis en Provence à l'Autheur.

Celuy qui foudroyant par la plaine campaigne
Moysonne l'ennemy qui gisant à l'envers
Comme un pin esbranché, à ces costes ouvers
Par le fer retrampé au sang ou il se baigne
Celuy dis-je que l'heur de la guerre accompaigne
Par feu, par fer, par sang, se rend digne des vers
Que la Muse bastit pour en ces univers
Avoir ce que l'honneur sur la mort mesme gaigne.
Celuy qui par scavoir à l'immortalité
Consacre son renom par la posterité
Merite qu'un beau vers du tout beau le suscite
Quoy donc de sainct Didier que d'armes & scavoir
Faict d'aquilon son nom illustre voir
Fault il pas qu'un chacun à le louer s'excite.

Par Jean Emery provençal de Berre, à Henry de S. Didier Gentilhomme provençal.

Sonnet.

Gentil Luoc de Pertuz honour de la Provence
Que nous as enfantat lou vaillant sant Didier
Louqual merite d'estre couronnat de Lausier
Tant per l'invention que per l'experienco.
Reluisir nous as faict (si grande es sa scienco)
Tout le plus difficil qu'es en l'art & mestier
De maniar les armes : qu'en un rastelier
Auie lassat rouillir la comuno ignoranco,
Aprochas vous aucuns hou raco d'escrimaille
Quembe vostre flourés fasez ben pauc que vaille
Venez prestar houmagi au nouvel fil de Mars
Prenez pene de veire & legir deins son libre
Soqu'el vous y monstre d'un vouller franc & libre
Et à tous (de son paire) bons & braves soudards.

Élégie composée par Pierre Du Fief poitevin, advocat.

Combien que le Dieu Mars, n'ignore que la France Promesse a eu des Dieux, dés sa premiere enfance De florir en tout temps, & porter en sa main Septre le plus heureux, que verroit œil humain Il deplore pourtant, en cela sa fortune Que les graces du ciel toutes elle a, fort une Le seul & vray maintien, de toute sa grandeur C'est qu'elle n'a peu parvenir à cest heur Que de nourrir qui sceut la bouillante jeunesse, Aux armes bien ranger, avecques une adresse Telle qu'il est requis, pour du premier effort Vaincre son ennemy, bien qu'il fust un Hector. Il s'ennuie de voir, si mauvaise police Continuer tousjours cause de si grand vice Et mal'heur qu'avons veu l'inexpert surmonter Celuy qui le devoit, par l'espée dompter Donc esmeu par pitié, d'une telle ignorance, À voulu retirer, nostre royalle France, Luy faisant de son fils, second Mars un present Afin que beaucoup mieux, elle puisse à present Luy raconter son mal, pour le moyen apprendre De garder ses enfans, & l'ennemy surprendre Ha! cest toy (sainct Didier) que le peuple françois Seul attendoit des cieux, esleu par un François Entre tous ceux qui ont, oncques prins leur naissance De ce grand Jupiter ou quelque autre puissance Pour accroistre son nom, sa grandeur & son loz Qui estoit au milieu, d'une ignorance encloz. Ignorance, (ô douleur) telle que la puis dire La mere de grands maux, sans en rien luy mesdire Mais mais cest maintenant, que la France chasser Doit au loing tous les pleurs, & liesse embrasser Pour jouïr du temps ou, l'ignorant son espée Ne verra plus au sanc, ne tainte ne trampée Un chacun cognoistra, que tu n'es point trompeur De sa vie des biens, & de son chair honneur Ainsi que tous ceux là, que le vulgaire appelle Escrimeurs qui nous ont aporté peine telle Car les armes tu as par la faveur des cieux En si bonne ordre mis, que l'on ne scauroit mieux Doncques si d'entre vous, quelqu'un (françois) desire Voir se secret depainct, icy le pourra lire Ou de ce nom content si plus haut les esprits Il a tendus, & que par desir soit esprits De bien soudainement, telle chose comprendre L'autheur facilement, luy fera tost apprendre Pourtant je vous supply avancez tous voz pas Pour vous aller ranger, droict entre ses doux bras : Qui pour vous recevoir, sont ouvers à tout heure Prenez donc mon conseil, & ne faictes demeure Ayant tousjours cherché les plus rares vertus, De ceste voudriez vous, n'estre point revestus

Dont avez neantmoins, le plus souvent affaire Et que devez choisir, pour la plus necessaire Considerez le temps, regardez la saison Ou sommes au jourdh'uy, que de vostre maison Sortir vous ne scauriez sans que quelcun pretende Soudain vous molester, ou des embuches tende Brief quil est mal aisé, de soy bien maintenir Sans les armes tousjours, dedans le poing tenir Et si ne fault il rien, que la seule fumée. De quelque faux rapport, ou cause mal fondée Pour lever un combat, qu'un simple dementir Pour vous faire aussi tost un mortel coup sentir Mais sachans manier, bien dextrement les armes Vous pouvez eviter, toutes telles alarmes Vous demourez vainqueurs, vous chassez le danger Outre ce vous pouvez, des ennemis vanger Au contraire ignorans pour le moins des injures Il vous convient porter ou bien peines trop dures L'un braver vous voudra, l'autre rire & mocquer Sans que des deux un seul, vous ausiez atacquer L'un donnant son avis, propos autre à la bouche N'aura sinon que tel, est une vraye souche L'un au cueur pensera, l'autre dira tout hault Que tel est un couard, ou quelque gros lourdault Quelqu'autre surviendra, qui jouant mesme rolle Encores vous dira, plus facheuse parolle Helas! ou est le cœur, qui m'aimast mieux mourir Que de voir son honneur, devant soy tant souffrir Doncques il vous convient maintenant recognoistre Combien estes heureux, d'avoir un si bon maistre Qui vous enseignera fort metodicquement Comment vivre pourrez en tous lieux seurement.

FIN.

Sonnet par Pierre Quinefaut poictevin.

Qui voudra avoir les aprest d'une guerre, Le seur moyen d'un camp par tout dresser Et bien scavoir comment il faut lanser Son ennemy froidement sur la terre. Qui d'un assaut voudra voir la desserre. Comment il faut deffendre ou agasser Et l'ennemy de bien prés pourchasser Lisant cest œuvre il en cognoistra l'erre. De sainct Didier aux armes esprouvé Noble guerrier aprés s'estre trouvé À mains combats a descrit l'art belique Dont le souldat vaillant & genereux Pourra tirer un renom glorieux Pour estre mis au parquet heroïque.

Sonnet

L'ardant desir que l'avare marchant
Faict bien souvent estaler sa bouticque
Et qui l'ambrase au cours de sa traffique
Cause qu'il hait de mars le dard tranchant
Le laboureur qu'on voit tousjours panchant,
Sus sa charrue prompt au travail rustique
Et l'avocat subject à sa pratique
L'œuvre guerrier reputent pour meschant,
Mais s'ils scavoient l'excellence des armes
Le los l'honneur qui s'acquiert es alarmes
Bellonne³² auroient en grand renom & pris
S'il tenoient l'art que de sainct Didier monstre
Oser pourroient faire teste en rancontre
Au plus vaillant que soit en ce pourpris.

Sonnet par Estienne du Four à Monsieur de S. Didier.

Celuy qui va si haut dedans les cieux
Qui faict son vol au peuple disparoistre
Et en quelque art se monstre excellent maistre
Est honoré du laurier gratieux.
Mais sainct Didier qui favory des dieux
Ouvre le Ciel pour nous faire cognoistre
Ce que tant d'aage a cherché sans cognoistre
Merite un los plus grand & precieux.
Soit dont dressé un trophée à sa gloire
Dedans le temple eternel de memoire
Luy qui trassant d'un vol audacieux
Par son labeur aux curieux gendarmes
À faict un art de l'espée des armes
Art de tous arts le plus ingenieux.

³² Bellonne : divinité romaine de la guerre.

Sonnet aux suposts de Mars.

Sy desirez scavoir la grace que les cieux
Faire vous ont voulu, chassez loin toute enuie
Et lors icy verrez un secret qui deslie
Les bandeaux dont estoyent trop detenuz vos yeux.
L'on ne jugera plus vostre art pernicieux
Comme le temps passé, la françoise jeunesse.
Aura l'esprit content en leurs monstrant l'adresse
Que descrit sainct Didier secretaire des dieux.
Doncques, de franc vouloir, de vray cœur & bon zele,
Il vous faut caresser cest amy tant fidelle.
Praticquer ces escripts & sa modelle ensuivre
Car ainsi vous pouvez aux seigneurs agreables
Estre, puis à l'androit d'un chacun admirables
Qui fera vostre nom florissant tousjours vivre.

À Monsieur de S. Didier, gentihomme provençal. Par Monsieur de Vaulusien³³.

Sonnet.

Les Grecs & les Romains ont dressé maint pillier,
Maint cuivre, & maint tableau d'un excellent ouvrage,
Ou estoit mis au vif la peincture & l'image,
De cil qui inventoit un art fort singulier.
Tu n'as moins merité d'honneur (ô sainct Didier)
Pour avoir inventé, & mis en bon usage,
L'art qui estoit sans art jusqu'à ce present aage,
Que sous le nom du Roy tu nous faits publier.
Cest la perfection de bien tirer des armes,
Bien seantes à tous rois aux princes aux gensd'armes,
Et à ceux là qui font profession d'honneur.
Immitans tous ces coups ô françoise noblesse,
N'aiez peur que jamais vostre ennemy vous blesse:
Ayans l'adresse aux mains, la hardiesse au cœur.

Voi' tu la trongne de l'homme Volussien, voi' tu comme Il a des ieux petit ?

Les curieux peuvent consulter l'ode sur Gallica, dans les œuvres complètes d'Agrippa d'Aubigné tome

³³ Nicolas Vaulusien ou Volusien était proche d'Agrippa d'Aubigné auquel il a donné le seul liminaire des *Vers funèbres sur la mort d'Etienne Jodelle* publié en 1574. Aubigné l'interpelle par son nom puis son prénom à plusieurs reprises dans l'ode XIII du Printemps (ici v. 13-15) :



Ton rare esprit (Sainct Didier) nous decœuvre En ce traité des armes l'exercice, Mais nostre Roy à la vertu propice : Par sa faveur, donne essence à ton œuvre.

Sonnet au Roy.

SIRE, si le plaisir de vostre Majesté
Et ce livre honorer d'un seul trait de voz yeux
Le lisant vous verrez que jamais n'a esté,
En lumiere produit œuvre si precieux.
C'est pourquoy la faveur des puissans & haux dieux
A voulu que l'Auteur, chose tant excellente
Comme à son Prince doux, & Seigneur vertueux,
Par leur commendement humblement vous presente.
Des armes il contient, & un ordre & des loix,
Que n'ont oncques cognu voz predecesseurs roys,
Donc si d'un tel tresor la plaisante mémoire.
Prent son cours en tout lieux dessous vostre main forte,
Vous ferez que le bien & prouffit qu'elle porte
Sera des preux François, & l'honneur & la gloire.



En ceste page est comprins le pourtrait De Sainct Didier, Auteur de cest ouvrage, Qui n'a des armes oublié un seul trait, Monstrant l'effort de son hardy courage.

Sonnet à l'auteur par Amadis Jamin³⁴ Secretaire du Roy.

À Bon droit Sainct Didier, s'adresse ton ouvrage
Present digne du Dieu qui commande aux soudars
À Charle nostre Roy plus valeureux que Mars
Qui fait honte aux guerriers les plus grands du vieil aage.
Tout ce que d'un bel art tu veux mettre en usage
Pour vaincre du combat les incertains hazars
Ce Prince comme un Dieu mettre de tous les arts
De nature les scait, & le tient en partage
Or tu merite plus de gloire Sainct Didier,
Que celuy qui trouva les armes le premier
D'autant que le scavoir vaut mieux que l'ignorance.
Et que l'ordre vault mieux que la confusion
Et d'autant que par art, & docte experience
Tu ranges Mars douteux en ta subjection.

Au Seigneur de S. Didier, François de Belleforest³⁵, comingeois.

C'est devant les grands Roys, & c'est à leur Altesse Que les faits martiaux doivent estre chantez, C'est par les bons soldatz, devant les Majestez Qu'il faut (ô Saint Didier) que ton livre s'adresse. Car les armes ne sont de telle petitesse Qu'un sot peuple les eust, que les peuples domptez Par la force des grandz soyent exercitez En l'art qui les esgale à la brave noblesse. C'est pourquoy tu choisis & le Roy des François, Et l'esleu du Sarmate, & loingtain Polonois³⁶, Et celuy qui un jour domptera l'Angleterre, À fin que par ces trois ton livre ayant vigueur Il en recoive aussi, & le loz, & l'honneur, Que gay il puisse aller d'eux conduit, par la terre.

³⁴ Amadis Jamin, poëte et élève de Ronsard, serait valet et lecteur de chambre du roi depuis 1571. Voir Theodosia Graur, *Amadis Jamyn...* p. 86-87.

³⁵ Né en 1530 à Comminges, mort à Paris en 1583. Auteur prolifique, poète et traducteur contesté ; il est en contact à Paris avec de nombreux libraires et des auteurs tels que Ronsard, du Verdier, Jean Dorat.

³⁶ Référence à la récente élection (11 mai 1573) d'Henri de Valois, frère du roi Charles IX et futur Henri III au trone de Pologne. La Sarmatie était le nom d'une région de l'ancienne Pologne.

Au mesme.

Que t'auroit prouffité (Sainct Didier) que Bellonne Eut ton bras enroidy sous un poudreux harnois Si ton apprentissage estoit clos aux François, Et si l'on te roboit, & la gloire & couronne. Que Mars pour ta valeur, & que Pallas³⁷ te donne Pour ton scavoir exquis ? C'est pourquoy j'apercois Ton livre chante-coups, & pleins d'harnoises loix Estre un champ Printanier,qui en ses fleurs saisonne. Car tu monstres comment le guerrier se pourra Couvrir, & se targuer, & comme il assaudra³⁸ L'ennemy combatant, pour garentir sa vie. Aussi le peux tu faire estant juge au mestier Des armes, & vieil chef, & fort rusé guerrier, Sans qu'autre ay le moyen de t'en porter enuie.

Desir hardy entend icy.³⁹

De Pierre du Fief, À Monsieur de S. Didier son maistre.

Sonnet.

Comme les nobles faits, je lisois d'une Pompee, d'un Anthoine Romain, & Caesar pitoyable :
Je pensois que le fort, m'eust esté favorable,
S'il eust fait à mais yeux, voir si plaisant trophée.
Mais telle volunté, s'est mille fois changée,
Depuis que j'ay par vous (mon cher maistre honorable)
Veu des armes, escript le secret admirable :
Car mon ame s'est plus de ce point contentée.
Les Romains n'ont rien fait, que bien facillement,
Ne le croyons ainsi, mais vous tout autrement.
Doresnavant la mort, & fortune contraire.
Viennent donc hardiment, leurs embusches me tendre,
Ayant receu plus d'heur, que je n'en puis attendre,
Leurs menaces en rien ne me scauroient desplaire.

³⁷ Autre nom d'Athena.

³⁸ On dirait maintenant « assaillera »

³⁹ Anagramme d'« Henry de Sainct-Didier » au « y » près. Information piquée chez Hugues Vaganay dans *Le sonnet* en Italie et en France au XVIe siècle: Essai de bibliographie comparée, 1903. p. lxviii.

Sensuit cy aprés comment il se fault planter pour bien mettre l'espée au poing, tant en temps de paix qu'en temps de guerre, avec les desmarches, gardes, desgainements, & assituations requises en cest art, qui sont fort necessaires à ceux qui veulent exercer lesdites armes.

Cy aprés quatre semelles mises & assituées au dessous des pieds du Lieutenent & Prevost, dont à l'une est cotté en chiffre 1, & à l'autre 2, & à l'autre 3, & l'autre 4, qui servent au Lieutenent & Prevost, & à tous autres, monstrans comment il faut bien & dextrement faires toutes les desmarches, desgainements, gardes, & assituations aux armes faignant un tel quadriangle,

1 2 4 3

Tenue & plan general, pour faire la premiere desmarche & le premier, second, & tiers desgainements, qui sont necessaires scavoir, tant pour le Lieutenent assaillant, que pour le Prevost deffendant, & à tous autres qui aiment les armes, portans espée en leurs costez.



Icy ensuit la declaration de ceste tenue & plan pour le Lieutenent.

Et pour ce faire faut que cestuy premier Lieutenant soit à pied joinct, ainsi placé, tenant le pied gauche dans une semelle, où il y a cotté auprés en chiffre 1, & le pied droict dans l'autre semelle, où il y a auprés cotté en chiffre 2, tenant la main droicte à la garde de son espée, & la main gauche au fourreau de l'espée, monstrant par cela qu'il veut monstrer au Prevost comment il faut qu'il face par cy aprés : comme est monstré cy dessus à la pourtraicture dudit Lieutenent cotté en chiffre au derriere du chappeau 1.

La fin de ce que doit faire à present ledit Lieutenent.

La declaration du plan & tenue pour ledit Prevost.

Et pour ce faire est besoin que ledit Prevost soit à pied joinct, tenant le pied gauche dans une semelle où est cotté au dessous icelle en chiffre 1, & le pied droict dans une autre semelle où est cotté au dessus en chiffre 2, tenant la main droicte à la garde de l'espée, & la main gauche au fourreau d'icelle, monstrant qu'il est prest à faire ce que est necessaire en ceste premiere desmarche, comme luy a monstré ledit Lieutenent, qui est le premier, second, & tiers desgainement, comme est cotté cy dessus à sa pourtraiture & figure en chiffre 2.

Voyla la fin & declaration dudit premier plan pour ledit Prevost.

Garde pour faire, & executer ladite premiere desmarche, premier & second desgainement, pour le Lieutenent & Prevost.



Et pour faire ledit premier desgainement pour ce Lieutenent, est besoing qu'il soit à pied joinct, comme est monstré cy dessus à sa premiere pourtraiture, cotté en chiffre 1, & y estant, faut qu'il tire le pied droict arrière sur la semelle où est cotté au dessoubs d'icelle en chiffre 3, qui est pour la premiere desmarche. Et à un mesmes temps, mettre l'espée au poing, pour ledit premier desguainement portant la garde de l'espée aussi haut que l'espaule droite, assituant la pointe de l'espée droit le tetin gauche, contant 1, tenant la main gauche droict le visage, comme est monstré si dessus à la pourtraiture dudit Lieutenant, cotté en chiffre au derrière du col 3.

Voyla la fin du premier desgainement pour ledit Lieutenent.

Sensuit le second desgainement pour ledit Lieutenent.

Pour le second desgainement pour ledict Lieutenent, faut qu'il soit ainsi placé à pied joinct, comme est monstré cy dessus, à la premiere pourtraiture, cotté en chiffre 1. Et pour executer cedit second desgainement est besoin, & faut qu'il tienne le pied droit un peu à quartier en l'air, l'ostant de la semelle où est cotté 2, portant la garde de l'espée, la desgainant aussi haute que l'espaule & la situation d'icelle comme dessus contant 1. Et à un instant passer l'espée par dessus la teste, estendant fort le bras, allant pauser ladicte garde de l'espée aussi haute que l'espaulle droitte, assituant la pointe de l'espée au tetin gauche du prevost, comme est cotté à sadite pourtraiture en chiffre 3.

La fin du second desgainement pour ledit Lieutenent.

Traité de l'épée seule de Saint-Didier

Cy aprés est declaré le premier & second desgainement pour ledit Prevost, qui est pour scavoir bien mettre les armes au poing, comme luy monstre ledit Lieutenent.

Et pour ce faire fault que ledit Prevost se souvienne comme il estoit placé cy dessus à sondit premier plan cotté en chiffre 2, qui est à pied joinct, & y estant, faut que cedit Prevost, pour faire cedit premier desgainement qu'il tire le pied droict qu'il a sur la semelle cottée 2, arriere sur la semelle où est cotté en chiffre 3, qui est aussi pour la premiere desmarche, & à un mesme temps mettre l'espée au poing, portant la garde de l'espée aussi hault, & un peu d'avantage que l'espaulle droict assituant la poincte de l'espée, estant sur ceste garde haulte, droit l'œil gauche, tenant sa main gauche droict son tetin gauche pour détourner la pointe de l'espée dudit Lieutenent, si par fortune la vouloit advancer davantage, comme est monstré cy dessus à sa pourtraiture cotté en chiffre 4.

Voyla la fin de ce premier desgainement pour ledit Prevost.

Sensuyt pour iceluy Prevost le second desgainement.

Et pour bien executer le second desgainement, fault que ledit Prevost soit à pied joinct, comme est monstré a sadite pourtraiture, cotté en chiffre 2, & y estant, faut que cedit Prevost tire le pied droict hors de la semelle où il estoit, qui est cotté en chiffre 2, la posant un peu à cartier, faisant ledit second desgainement, qui est qu'il faut porter la garde de l'espée en garde moyenne, & la pointe droit le tetin gauche. Et pour commencer ce tiers desgainement, faut passer l'espée par dessus la teste, estendant bien fort le bras que tient icelle, & porter la garde de l'espée aussi haut, & un peu davantage que laditte espaulle droicte, assituant à un mesme temps la pointe de l'espée droict à l'œil gauche dudit Lieutenent, & la main gauche la tenant droict son tetin gauche, comme est dit cy dessus au premier desgainement, & comme est monstré à sadite pourtraiture cotté en chiffre au derriere du dos 4.

La fin du premier & second desgaignement pour ledit Prevost.

Aprés avoir monstré cy dessus, estant sur ledit premier plan, pour faire le premier & second desgainement pour le Lieutenent & Prevost, reste à monstrer le troisiesme desgainement, dont cy aprés on verra la garde & tenue pour executer & faire iceluy.

Garde & tenue pour commencer à faire troisiesme desgainement pour le Lieutenent demonstrateur, au Prevost deffendeur.



Ce troisiesme desgainement pour ce Lieutenent, il se fait estant à pied joinct, comme est dit cy dessus, & monstré audit plan general, tenant le pied gauche sur la semelle où est cotté au dessous en chiffre 1, & le pied droict à la semelle où est cotté 2, & pour bien commencer cedit troisiesme desgainement, faut que ledit Lieutenent oste le pied droict de ladite semelle, où est cotté 2, & la porter en avant en l'air, faisant le premier desgainement, voy en son lieu cy dessus, contant un, & tenant tousjours le pied en l'air, tournant la garde de l'espée, le dessus de la main en bas, & les ongles en haut, assituant la pointe de l'espée droict au ventre, tenant la main gauche derriere, comme est monstré cy dessus à sa pourtraiture cotté en chiffre au derriere du chappeau 5.

La fin du commencement dudit troisiesme desgainement pour le Lieutenent.

Le troisiesme desgainement pour ledit Prevost, il se commence & se faict estant à pied joinct, comme est monstré cy dessus au plan dudit Prevost, cotté en chiffre 2, tenant le pied gauche dans une semelle, où est cotté en chiffre auprés 1, & le pied droict dans une autre semelle où est cotté 2, & pour commencer & faire ledit troisiesme desgainement faut que le Prevost mette le pied droict qui est sur la semelle cotté 2 un peu à cartier en l'air. Et faisant le premier desgainement qu'a faict ledit Prevost cy dessus contant 1. Et pour parachever cedict desgainement fault tourner la main de l'espée les ongles en hault, contant 2, assituant la pointe de l'espée droit à la veue, tenant la main gauche derriere, comme est monstré cy dessus à sa pourtraiture & figure cotté en chiffre au derriere du bonnet 6.

Voila la fin du commencement dudit troisiesme desgainement pour ledit Prevost.

La fin du troisiesme desgainement pour le Lieutenent & Prevost, que voicy pourtraits & parachevez, reste à declarer cy dessous leurs proprietez & significations.



Pour bien, & avec grace parachever ledit troisiesme desgainement pour ce Lieutenent, faut estant sur le plan cy dessus pourtraict, où il tient le pied⁴⁰ droict en avant en l'air ayant fait ledit premier & second desgainement, cotté en chiffre, 5, est besoin que ledit Lieutenent, pour parachever ce desgainement, qu'il pause ledit pied droict qu'avoit en l'air, sur la semelle où est cotté à ceste pourtraiture en chiffre 3, retournant la garde de l'espée le dessus de la main en haut, comme fait le Lieutenent où est cotté en chiffre 3, car le pourtrayeur a faict faute à cestuy cy⁴¹. Mais cestuy Lieutenent icy tient bien sa main gauche, attendu qu'il la tient soubs le coude du bras de l'espée, comme est monstré à sa pourtraiture cotté en chiffre 7.

La fin du parachevement dudit troisiesme desgaignement pour ledit Lieutenent.

Et pour le parachevement dudit troisiesme desgainement pour ledit Prevost, faut aussi qu'il vienne à faindre estre sur le mesme plan cy dessus cotté 5, en chiffre à l'autre precedent Prevost, lequel tient le pied droict en l'air, tenant la garde de l'espée le dessus de la main en haut, & pour le parachevement de cedit troisiesme desgainement, faut que ledit prochain Prevost tire son pied droict arriere qu'avoit en l'air, comme est dit cy dessus, & le pauser sur la semelle où est cotté à sa pourtraiture en chiffre 3, tournant la main qui tient l'espée les ongles en bas, assituant la pointe de l'espée droict la face, ou l'œil gauche, qui est le mieux, & tenant la main gauche droict son espaulle, comme est monstré cy dessus à sa pourtraiture cotté en chiffre 8.

Voyla la fin & parachevement dudit troisiesme⁴² desgainement pour ledit Prevost.

⁴⁰ Correction du texte d'origine donnant « peid ».

⁴¹ Cette correction sur les images d'Henri de Saint-Didier indique que celles-ci ont été réalisées avant la version finale du texte

⁴² Le « o » de troisiesme est curieusement placé en exposant.

Tenue generalle, tant pour le Lieutenent assaillant, que pour le Prevost deffendant, pour executer l'art, ordre & pratique contenu en ceste espée seule.



Pour monstrer & declarer ceste tenue generalle pour le Lieutenent, est besoing, & faut à tous coups qu'il soit ainsi placé à pied joinct, ou à peu prés, tenant le pied gauche dans la semelle où est cotté en chiffre 1, & le pied droict dans une autre semelle où est cotté aussi en chiffre 2, tenant la main droicte à la garde l'espée, & la main gauche au fourreau d'icelle, monstrant au Prevost comment il doit faire, comme est monstré cy dessus à sa pourtraiture, cotté en chiffre 9.

La fin de ceste tenue & plan pour ledit Lieutenent.

S'ensuit le plan & tenue que faut que ledit Prevost deffendant fasse, estant instruit par ledit Lieutenent.

Et pour ce faire faut pareillement, que ledit Prevost soit ainsi placé à pied joinct, tenant le pied gauche dans une semelle où est cotté en chiffre 1, & le pied droict en l'autre semelle, où est cotté en chiffre 2, tenant aussi son espée au costé gauche, & sa main droicte ouverte, monstrant par ce signe qu'il est prest à prendre l'espée, & faire ce que ledit Lieutenent luy dira, ledit Prevost tient aussi sa main gauche à son costé, signifiant qui la tient preste, & n'est gueres loin pour mettre l'espée au poing, & faire comme fait ledit Lieutenent cotté en chiffre 9, & cedit Prevost doit faire, & suivre tout ce qui est escrit icy, & comme est aussi escrit à sa pourtraiture, & figure cotté en chiffre 10.

La fin de la tenue & plan pour ledit Prevost.

⁴³ Suppression du doublement de l'esperluette.

Tenue & garde du premier coup de ceste espée seule, pour le Lieutenent, qui est un maindroit de bas au jarret du Prevost, tiré par le Lieutenent, & deffendu par le Prevost, comme se verra cy aprés au premier coup.



Et pour ce faire le Lieutenent estant à pied joinct, comme est monstré cy dessus à la pourtraiture dudit Lieutenent cotté en chiffre 9, cedit Lieutenent tirera le pied droict arrière, un peu à cartier, en desgainant son espée, portera la garde d'icelle, en un mesme temps, aussi haute que son espaulle, assituant la pointe droit le tetin gauche du Prevost, tenant la main gauche au dessous du bras, comme est monstré cy dessus à sa pourtraiture cotté en chiffre au derrière du bonnet 11.

Escrit pour la premiere garde & tenue pour ledit Prevost, pour commencer l'ordre de ceste espée seule.

Et pour ce faire, faut que ledit Prevost soit à pied joinct comme est pourtrait cy dessus, cotté en chiffre 10. Et cedit Prevost ayant fait un desdits trois desgainemens, est demouré sur la garde haute, ayant tiré le pied droict arrière, tenant la main qui tient l'espée, un peu plus haute que l'espaulle droicte, assituant & visant la pointe de l'espée droict le menton, & tient ledit Prevost la main gauche droit son tetin, preste à faire ce que conviendra, & sera besoin cy aprés comme est monstré cy dessus à la pourtraiture & figure dudit Prevost cotté en chiffre au derrière du chappeau 12.

La fin de ceste premiere garde pour ledit Prevost.

Cette garde est presque semblable à la sudite, il n'y a guere de difference, & pourtant ne serviront que d'une, pour faire, & executer ledit premier coup de ceste espée seule, pour le Lieutenent & Prevost.



Pour declarer ceste garde, pour ce Lieutenent, faut estant à pied joinct tirer le pied droit⁴⁴ arrière un peu à cartier, portant la garde de l'espée aussi haute que l'espaulle droicte, assituant la pointe de l'espée droict à la gorge, la garde du Lieutenent cy dessus cotté en chifffre 11, est de mesmes, mais la situation non, par ce qu'il assitue la pointe de son espée droict le tetin gauche, & cestuy comme est dit à la gorge, tenant sa main gauche au desoubs le bras de l'espée, comme est monstré cy dessus à sa pourtraiture, cotté en chiffre, 13.

Voyla la raison de ceste garde pour le Lieutenent.

Cedit Prevost estant ainsi à pied joinct a tiré le pied droit arriere, & est demouré sur le pied gauche, ayant fait un desdits trois desgainements, & a porté la garde de l'espée un peu plus haut que l'espaulle droitte, tenant le dessus de la main que tient l'espée en haut, & les ongles en bas, comme il doit, & le dit Lieutenent ne fait, ainsi attendu que le peintre a fait faute à tous lesdits plus prochains Lieutenens, car ils devroient tenir les ongles de la main de l'espée en bas⁴⁵, & les tiennent en haut, mais cedit Prevost fait mieux que lesdits, & tient aussi sa main gauche au dessus du giron gauche, comme est monstré cy dessus à sa pourtraiture, cotté en chiffre 14.

Voicy la fin de ceste seconde tenue, qui ne sert que d'une pour ledit Prevost deffendeur.

⁴⁴ Proposition de correction de l'édition originale qui donne « gauche », en incohérence avec la gravure et le texte plus bas qui confirme que la posture du Lieutenent est identique à celle de la section précédente où c'était bien le pied droit qui était reculé.

⁴⁵ Deuxième remarque de l'auteur sur les gravures montrant que le texte a été retouché après réception des gravures. À comparer avec une remarque similaire faite dans le i.33.

Sensuyt le premier coup de ceste espée seule pour le Lieutenent assaillant, contre le Prevost deffendant.



Et pour ce faire, faut que cedit prochain Lieutenent ayant fait la desmarche, & un desdits desgainemens, estant demouré sur le pied gauche, comme est sur la pourtraiture cy dessus cotté en chiffre 13, & pour faire & executer ce premier coup de ceste espée seule, ledit Lieutenent advancera le pied droit, estant sur ladite garde cotté 13, & tirera un maindroit de bas au jarret gauche du Prevost, haussant la garde de l'espée aussi haulte presque l'espaulle gauche, baissant bien la pointe de l'espée en bas, pour faire plus perfectement cedit maindroit au jarret, tenant la main gauche, comme est monstré cy dessus à la pourtraiture dudit Lieutenent cotté en chiffre 15.

Voicy la fin du premier coup de ceste espée seule, pour le Lieutenent assaillant, contre le Prevost deffendant.

Cy aprés est declaré comment le Prevost a deffendu son jarret, & a tiré un maindroit sur le bras du Lieutenent.

Et pour ce faire, ledit Prevost estant sur le pied gauche, ayant fait un des trois desgainements, gardes & assituations, estant demouré sur la dite garde cotté en chiffre cy dessus 14, a ledit Prevost pour bien executer, deffendre, & offencer, à un mesme temps cedit maindroit de bas, tire son pied gauche arriere, & a tiré un maindroit sur le bras de l'espée dudit Lieutenent, & non comme ont fait aucuns demonstrateurs ignorans qui croisent l'espée contre espée, quand un coup vient de bas, cela est bon, car par là on se deffend : mais ce coup est meilleur, car par iceluy on se deffent, & si on offence, & par ainsi de deux choses bonnes, je vous conseille de prendre la meilleure, comme cedit Prevost tient aussi en executant cedit coup, tenant sa main gauche, comme est monstré à sa pourtraiture, cotté en chiffre, 16.

Voila la deffence dudit maindroit de bas au jarret deffendu par le Prevost contre ledit Lieutenent.

Sensuit la premiere opposite & suitte, du premier coup, qui est pour le Lieutenent assaillant, & pour le Prevost deffendant.



Et pour ce faire, le Lieutenent, estant encores sur le pied droit, ayant tiré ledit maindroit de bas au jarret, le Prevost luy a tiré à un mesme temps un maindroit sur le bras de l'espée, comme est cotté cy dessus audit Lieutenent en chiffre 15, & au Prevost 16. Cedit Lieutenent estant encores sur le pied droit, se voyant frappé d'un maindroit sur le bras de l'espée, a incontinent monté & porté sont espée en haut, & tiré un arrieremain sur le costé de l'espaulle droite du Prevost, tenant ledit Lieutenent, sa main droite les ongles des doids regardant du costé gauche, & sa main gauche la tenant droit son visage, comme est monstré cy dessus à sa pourtraiture, cotté en chiffre au derriere de son col 17.

La fin de la premiere opposite du premier coup de ceste espée seule, pour ledit Lieutenent⁴⁶.

Cy aprés sera declaré la deffence de la premiere opposite & suitte pour le Prevost, contre ledit Lieutenent.

Et pour evader & se garder de ceste premiere suitte, qui est un arrieremain d'haut, ayant tiré un maindroit sur le bras dudit Lieutenent, comme est monstré cy dessus à sa pourtraiture, cotté en chiffre dudit Lieutenent 15, & au Prevost qui execute ledit maindroit, cotté en chiffre 16, ledit Prevost estant sur le pied droit, pour se garder & deffendre de cestedite premiere opposite, croisera l'espée dudit Lieutenent, du fort le foible, luy presentant un estoc au visage dudit Lieutenent, tiendra ledit Prevost sa main gauche auprés de son tetin, comme est monstré cy dessus à sa pourtraiture, cotté en chiffre 18.

La fin de la premiere opposite & suitte pour ledit Prevost, s'estant bien deffendu d'icelle, contre ledit Lieutenent.

⁴⁶ Correction du texte d'origine donnant « *Leiutenent* ».

Sensuit la seconde opposite & suitte pour le Lieutenent & Prevost du premier coup de ceste espée seule, qui est un maindroit.



Et pour bien faire & parachever ceste seconde suitte par ledit Lieutenent, faut qu'il soit encores sur le pied droit, & ayant fait la dite seconde opposite & suitte, ayant veu que ledit Prevost s'est deffendu, a ledit Lieutenent encores pour ceste seconde suitte desrobbé son espée par dessous la garde de l'espée du Prevost, & a tiré un maindroit d'hault sur ledit Prevost, tenant le dessus de la main que tient l'espée en bas, & les ongles en hault, & la main gauche droit son visage, comme est monstré cy dessus à sa pourtraiture & figure, cotté en chiffre 19.

La fin de ceste seconde suitte dudit premier coup pour le Lieutenent.

Cy aprés sera monstré comment le Prevost se doit deffendre de ladite seconde opposite & suitte, tirée par ledit Lieutenent assaillant.

Et pour s'en bien garder, ledit Prevost doit regarder la pointe de l'espée dudit Lieutenent, & quand il l'a desrobbé par desous la garde de l'espée dudit Prevost, comme il doit, pour luy tirer un maindroit d'hault, ledit Prevost ne s'ostant sur la desmarche du pied droit, comme il est, croisera ledit maindroit que luy a tiré ledit Lieutenent du fort le foible, & luy presentera un estoc au visage dudit Lieutenent, tenant sa main gauche droit son espaule, comme est monstré cy dessus à sa pourtraiture & figure, cotté en chiffre, 20.

Voici la fin de ceste seconde opposite & suitte de cedit premier coup pour ledit Prevost,

En ces deux pourtraitures qui sensuivent est monstrée la garde & tenue pour faire le second coup pour le Lieutenent & Prevost, suivant l'ordre de ceste espée seule.



Pour bien faire cestedite garde pour le Lieutenent faut qu'il soit à pied joinct, comme dit est cy dessus, à la tenue generalle dudit Lieutenent, où est cotté en chiffre 9, qui est pour monstrer comment faut faire toutes les gardes, qui sont requises à toutes les susdites armes. Et pour faire ceste garde icy pour ledit Lieutenent est besoin, estant ainsi placé comme dit est, qu'il tire le pied droict arriere un peu à cartier sus le costé droict, & à mesme temps mettre l'espée au poing, portant la garde de l'espée un peu plus haute ⁴⁷ que l'espaulle droicte qui est en garde haute, assituant la pointe de l'espée droict à la veue, tenant sa main gauche sus la cuisse gauche, comme est cotté en chiffre à sa pourtraiture 21.

La fin de ceste garde pour ledit Lieutenent.

Sensuit l'escrit de la garde & tenue pour ledit Prevost.

Et pour ce faire ledit Prevost estant pareillement à pied joinct, comme est monstré cy dessus à sa pourtraiture cotté en chiffre 10, faut pour bien faire ceste garde basse que ledit Prevost tire le pied tire le pied droict arrière en desgainant portant la garde de l'espée sus son giron gauche, assituant la pointe de l'espée droict à la braye dudit Lieutenent, tenant aussi sa main gauche droict le tetin gauche, comme est monstré cy dessus à sa pourtraiture, & figure cotté en chiffre au derrière de son bonnet 22.

La fin de ladite garde & tenue pour ledit Prevost.

⁴⁷ Correction de l'édition originale qui omet lors d'un changement de page le début du mot « haute »

Sensuit le second coup de ceste espée seule, suivant l'ordre d'icelle, qui est un renvers de bas au jarret droict du Prevost, tiré par le Lieutenent, & deffendu proprement par le Prevost.



Et pour ce faire, le Lieutenent estant sur le pied droict ayant faict & tiré ladite premiere & seconde opposite, & pour executer & faire cedit second coup advance le pied gauche, & tire un arriere main au jarret droict du Prevost, tenant la main gauche droict son visage, comme est monstré cy dessus à sa pourtraiture & figure cotté en chiffre 23.

Voila la fin dudit second coup pour le Lieutenent.

Cedit Lieutenent feint ne scavoir le remede de cedit renvers, mais il le fait comme ce verra cy aprés : car il ne se veult deffendre, ne faire le remede, attendu qu'il montre audit Prevost, comment il doit faire.

Cy aprés sera declaré le second coup de ceste espée seule, pour ledit Prevost, qui est un renvers sur le coude de l'espée du Lieutenent.

Et pour ce faire ledict Prevost ayant faict la premiere garde & desgainement estant sus le pied gauche pour executer ce coup quand ledit Lieutenent a advancé le pied gauche pour luy tirer un arrieremain de bas au jarret, le Prevost a tiré le pied droict arriere, & a tiré un renvers sur le coude du bras de l'espée dudit Lieutenent, & n'est allé à l'espée comme font un tas d'ignorans tenant la main gauche sur le giron gauche, comme est monstré cy dessus à sa portraiture & figure cotté en chiffre au derriere du col, 24.

La fin du second coup qui est un renvers sus le coude du bras de l'espée dudit Lieutenent, tiré par cedict Prevost.

Sensuivent les opposites & suittes, & declarations d'icelles dudit second coup, qui est un renvers de bas au jarret gauche du Prevost tiré par le Lieutenent.



Et pour ce faire ledit Lieutenent estant sur le pied gauche, se voyant touché sur le coude du bras de son espée comme dit est aux autres susdites figures, cotté en chiffre, 23, & 24, incontinent se prochain Lieutenant a faict ceste premiere opposite, ou suitte, & est remonté d'un main droict, ou estoc d'haut, comme il pouvoit & a faict, tenant la garde de l'espée la pointe des doids regardant le costé gauche, & tenant la main gauche droict son epaulle, comme est monstré cy dessus à sa pourtraiture, cotté en chiffre 25.

Voyla la fin de la premiere opposite dudit second coup pour le Lieutenent.

Cy aprés sera monstré la declaration de la premiere opposite ou suitte dudit second coup, qui est un renvers de bas au jarret pour ledict Lieutenent, & un renvers sur le coude, tiré par ledict Prevost cotté en chiffre cy dessus, pour ledict Lieutenent 23. & pour ledict Prevost 24. Et pour se deffendre de ceste seconde opposite ou suitte, qui est un main droit ou estoc de hault tiré par ledict Lieutenent, est necessaire que ledict Prevost estant sur la demarche du pié gauche, il croise de son espée celle dudict Lieutenent, du fort le foible, & luy presenter un estoc au visaige dudit Lieutenent, tenant la garde de l'espée les ongles de la main d'icelle en hault, & la main gauche au dessoubs le coude du bras de l'espée, comme est monstré cy dessus à sa pourtraiture & figure cotté en chiffre 26.

Voila la fin de la premiere opposite dudict second coup pour ledict Prevost.

Declaration de la seconde opposite dudit second coup pour le Lieutenent & Prevost.



Et pour ce faire faut & est besoin, que le Lieutenent susdict estant sus la démarche du pied droict desrobera son espée par desoubs la garde de l'espée du Prevost, & tirera encores un renvers ou estoc d'hault pour la seconde opposite & suitte à son chois sus le costé droict, tenant la garde de son espée ses ongles regardant du costé gauche, & la main gauche droict son visaige, comme est monstré cy dessus à sa portraiture cotté en chiffre, 27.

La fin de la seconde opposite pour le Lieutenent provenante du second coup.

Declaration de la seconde opposite pour le Prevost deffendant contre ledict Lieutenent.

Et pour ce faire est besoing que ledict Prevost soit aussi sus le pied droict & qu'il croise & rabbate du fort le foible, l'espée dudit Lieutenent assaillant, qui est ceste seconde suitte, tenant la garde de l'espée & le bout des doids que tient icelle en bas, & luy presenter un estoc au tetin gauche, tenant aussi la main gauche droit le tetin gauche, comme est monstré cy dessus à sa pourtraiture & figure cotté en chiffre, 28,

Voicy la fin de la seconde opposite pour le Prevost provenante du renvers de bas au jarret pour le Lieutenent, & deffendue & tiré sur le bras par le Prevost, comme est monstré tout au long aux portraitures cy dessus aux coups.

Et si c'est qu'aucuns Lieutenens, ou Prevosts soient gauchiers, fault qu'ils observent la mesme dessusdite desmarche garde & assituations, s'ils veullent bien & parfaictement monstrer lesdites armes.

Sensuit la garde & tenue du troisiesme coup, qui est un maindroit d'hault pour le Lieutenent assaillant contre le Prevost deffendant.



Et pour ce faire est besoin que ledit Lieutenent aye fait une desdites desmarches & desgainement, & soit demouré sur le pied gauche, en garde basse, tenant la main de l'espée le trenchant en bas, & la pointe l'assituant un peu au dessus la braye du Prevost, tient aussi cedit Lieutenent la main gauche droict son menton, comme est monstré cy dessus à sa pourtraiture & figure, cotté en chiffre au derriere du chapeau 29.

Fin de la garde & tenue pour ledit Lieutenent.

Sensuit la garde & tenue dudit troisiesme coup pour ledit Prevost deffendeur.

Et pour ce faire, faut que ledit Prevost soit aussi sur le pied gauche ayant fait ladite desmarche, & soit demouré sur le pied gauche en garde haute, tenant la garde de l'espée, le dessus de la main que tient icelle en haut, & que icelle espée soit plaine, tellement que un de y puisse demourer dessus, autrement telle garde seroit imperfaite, & fault qu'il assitue la pointe de l'espée droict l'œil gauche, qui est la garde haulte & tient aussi sa main gauche droict son estomac, comme est monstré cy dessus à sa portraiture & figure cotté en chiffre 30.

Voila la fin de la garde & tenue pour ledit Prevost pour executer & deffendre ledit troisiesme coup de ceste espée seule contre ledit Lieutenent.

Le troisiesme coup de ceste espée seule pour le Lieutenent & Prevost est un maindroit d'hault suivant l'ordre des susdits lieux propres.



Et pour ce faire, fault que ledit Lieutenent assaillant demonstrateur, comme avons dit en plusieurs lieux, estant comme dit est sur la desmarche du pied gauche, comme est cotté cy dessus à la pourtraiture dudit Lieutenent, non à ceste icy, mais aux autres, cotté en chiffre 29. Et pour cedit troisiesme coup, qui est un maindroit d'hault sur l'espaulle gauche dudit Prevost, faut que ledit Lieutenent advance le pied droit, & tirer un maindroit sur l'espaulle gauche dudit Prevost deffendeur, tenant le dessus de la main que tient l'espée en hault ⁴⁸, & sa main gauche droit son menton : comme est monstré cy dessus à sa pourtraiture cotté en chiffre, 31.

Si aprés est la declaration & deffence dudit troisiesme coup qui est un main-droit d'ault, tiré par ledit assaillant, & deffendu par ledit Prevost.

Et pour ce faire est besoin⁴⁹ que ledit Prevost soit sur la desmarche du pied gauche, ayant fait un desdits trois desgainements en garde haulte, telle qui est figuré audit Prevost deffendeur, marqué en chiffre 30. Et pour bien executer & deffendre audit Prevost cedit maindroit d'hault troisiesme coup, suivant l'ordre de la vraye demonstration de ceste espée seule, faut que ledit Prevost tire le pied gauche arriere, croise de son espée celle dudit lieutenent assaillant du fort le foible, c'est à dire d'auprés la garde de l'espée, un peu plus hault, & au milieu de l'espée dudit Lieutenent, tenant la main que tient l'espée, les ongles en hault, assituant & tirant un estoc droit le menton dudit Lieutenent, & tient sa main gauche droit son tetin comme est monstré cy dessus à sa pourtraiture, & figure, cotté en chiffre, 32.

La fin dudit troisiesme coup pour ledit Prevost.

La position de la main illustrée a les doigts au-dessus, en opposition avec le texte.

⁴⁹ Proposition de correction pour « bessoin »

Sensuit la premiere opposite & suitte pour le Lieutenent & Prevost, pour ledit troisiesme coup de l'espée seule.



Pour bien faire ceste premiere oposite & suitte pour ledit troisiesme coup qui est un maindroit d'hault fault que ledit Lieutenent soit sus le pied droit ayant tiré ledit maindroit contre le Prevost, comme est cotté en sa figure & pourtraiture cy dessus en chiffre 31. Et à un mesme instant pour bien executer & faire ceste premiere opposite & suitte fault que ledit Lieutenent desrobe son espée en passant un avant-main par dessoubs la garde de l'espée du Prevost, & luy tirer un renvers ou bien arriere-main d'hault sur l'espaule gauche du Prevost, tenant les doids de la main de son espée vers le costé gauche & la main gauche droit le menton, pour rabbatre d'icelle la pointe de l'espée du Prevost, comme est monstré cy dessus en la figure dudit Lieutenent, cotté en chiffre, 33.

La fin de l'opposite & suitte du troisiesme coup pour le Lieutenent.

Sensuit la deffence de la premiere opposite & suitte dudit troisiesme coup pour le Prevost contre ledit Lieutenent.

Et pour ce faire, faut que ledit prochain Prevost soit sur le pied droit. Et quant ledit Lieutenent desrobera & passera son espée par desoubs celle du Prevost pour luy tirer un arriere-main sur le costé droit de l'espée, le Prevost soy tenant ferme sur le pied droit pour deffendre ceste suite ledit Prevost croisera de son espée l'espée dudit Lieutenent assaillant, du fort le foible, comme est definy cy dessus en plusieurs lieux aux autres opposites & suittes, tenant la main que tient l'espée les ongles en bas, luy presentant un estoc à l'estomac dudit Lieutenent, & tient aussi sa main gauche droit son tetin, comme est monstré cy dessus à sa portraiture & figure cotté en chiffre 34.

La fin de ceste premiere opposite dudit troisiesme coup pour le Prevost.

Seconde opposite & suitte dudit troisiesme coup pour le Lieutenent & Prevost.



Et pour bien faire ceste seconde opposite & suitte dudit troisiesme coup pour ledit Lieutenent, fault & est necessaire que ce present Lieutenent soit sur le pied droit, & estant l'espée dudit Lieutenent sur le renvers, en ceste mesme desmarche du pied droit, passera & desrobera son espée par desous la garde de l'espée du Prevost & tirera pour ceste seconde opposite & suitte un avant-main⁵⁰ sur l'espaule gauche du Prevost, tenant la main que tient l'espée, les doids regardant vers le cotté⁵¹ gauche & la main gauche droit le visaige, comme est monstré cy dessus à sa pourtraiture cotté en chiffre 35.

La fin de la seconde opposite & suitte dudit troisiesme coup pour ledit Lieutenent.

Si aprés sera monstré & declaré la seconde & derniere opposite & suitte dudit troisiesme coup pour ledict Prevost.

Et pour ce faire, fault que ledit Prevost soit sur la desmarche que dessus est dit, qui est sur le pied droit, & pour la deffence de ceste-dicte opposite ou suitte, faut que ledit Prevost croise l'espée dudit Lieutenent assaillant d'auprés la garde, un peu plus hault au milieu de l'espée dudit Lieutenent, qui est du fort le foible, tenant la garde de l'espée, & la main que tient icelle les ongles en hault, presentant un estoc au visaige dudit Lieutenent, & tient aussi ledit Prevost sa main gauche droit son tetin comme est monstré cy dessus à sadite pourtraiture cotté en chiffre au derriere du dos, 36.

Voicy la fin de la seconde & derniere opposite dudit troisiesme coup, qui est un maindroit d'hault pour ledit Lieutenent cotté 33, & deffendue par cedit Prevost cotté 36.

⁵⁰ Proposition de correction pour « avan-main »

⁵¹ Proposition de correction pour « couté »

Sensuit la declaration, garde & tenue du quatriesme coup, qui est un renvers d'hault suivant l'ordre de ceste dicte espée seule pour le Lieutenent & Prevost, & de tout ce qu'il faut qu'ils fassent.



Et pour ce faire, fault que ce present Lieutenent estant à pied joinct a faict un desdits deux desgainemens premiers susdits, & à cestuy icy s'est mis ledit Lieutenent sur le pied droict, pour monstrer la difference qu'a à l'endroit d'iceluy qui se fait sur le pied gauche, & tient cedit Lieutenent la garde de son espée sur le giron droit, en garde basse assituant la pointe de l'espée droit le giron du Prevost, tenant la main gauche vis à vis de son menton, comme est monstré cy dessus à sa pourtraiture & figure dudit Lieutenent, cotté en chiffre 37.

Voila⁵² la fin de la tenue & garde pour le Lieutenent assaillant, qui est pour commencer à tirer le quatriesme coup.

Sensuit aussi la raison de la pourtraiture, & tenue pour ledit Prevost deffendeur, qui est aprés avoir fait un desdits trois desgainements, est ledit Prevost demouré aussi sur la desmarche du pied droict, en garde moyenne, tenant la garde de l'espée droite, aussi haut que l'espaulle droite, assituant la pointe de l'espée au tetin gauche dudit Lieutenent, tenant sa main gauche droit son ventre, comme est monstré cy dessus à sa pourtraiture cotté en chiffre, 38.

Voyla la fin de la garde pour ledit Lieutenent, pour tirer ledit quatriesme coup contre le Prevost.

Page 47 sur 97

⁵² Proposition de correction pour « Vola ».

Cy aprés sera monstré & declaré le quatriesme coup de ceste espée seule, qui est un renvers d'hault, estant multiplié pour le Lieutenent assaillant, contre le Prevost deffendant.



Et pour l'executer, faut que cedit Lieutenent, estant sur le pied droict avance le pied gauche, & tirer un renvers sur l'espaulle droicte du Prevost, ayant fait semblant de luy tirer un estoc au visage, tenant sa main gauche droict son menton, comme est monstré cy dessus à sa pourtraiture cotté en chiffre 39.

Voyla la fin du quatriesme coup pour le Lieutenent.

Aussi aprés est monstré la deffence dudit quatriesme coup pour le Prevost deffendeur, qui est un renvers d'hault, tiré par ledit Lieutenent agresseur. Et pour ce faire, faut que ledit Prevost estant sur le pied droict en garde moyenne, comme est cotté cy dessus à sa pourtraiture & figure en chiffre 38, faut qu'il tire le pied droict arrière, & croiser de son espée l'espée dudit Lieutenent, du fort le foible, sur ledit renvers, quatriesme coup tiré par ledit Lieutenent, tenant la main que tient l'espée les ongles en bas, & par consequent le dessus en haut, & presenter un estoc audit Lieutenent, tenant aussi sa main gauche droict son espaulle, comme est monstré cy dessus à sa pourtraiture cotté en chiffre au derrière du col 40.

Voyla la fin dudit quatriesme coup pour ledit Prevost deffendeur.

Sensuit la premiere opposite & suitte dudit quatriesme coup pour le Lieutenent assaillant, contre le Prevost deffendant.



Et pour ce faire, faut que ce present Lieutenent soit, & demeure sur la mesme desmarche du pied gauche, & à un mesme instant qu'il aura tiré ledit renvers d'haut, desrobera son espée, par dessous celle du Prevost, & tirera pour la premiere opposite un maindroit d'hault sur ledit Prevost, estant comme dict est sur le pied gauche, tenant la main de l'espée les ongles en haut, & la main gauche droit sa poitrine, comme est monstré cy dessus à sa pourtraiture & figure, cotté en chiffre 40.

La fin de la premiere opposite pour le Lieutenent demonstrateur.

Icy aprés est monstré la deffence de la premiere opposite du quatriesme coup pour le Prevost, contre ledit Lieutenent.

Et pour ce faire, faut & est besoing que ledit prochain Prevost soit sus la desmarche du pied gauche, & quand ledit Lieutenent luy tirera un maindroit d'hault, pour opposite est besoin que le Prevost croise & rabate à un mesme temps, & sans bien peu d'intervalle l'espée dudit Lieutenent, du fort le foible, tournant la garde de l'espée les ongles de la main que tient icelle, en haut, & presenter un estoc à la gorge, ou à la veue dudit Lieutenent, tenant la main gauche droict son tetin comme est monstré cy dessus à sa pourtraiture, cotté en chiffre 42.

Voyla la deffence de la premiere opposite, provenant dudit quatriesme coup pour ledit Prevost.

Sensuit cy aprés la seconde & derniere opposite dudit quatiresme coup, qui est un renvers d'hault, & sera aussi maintenant sur le pied gauche pour ceste opposite, pour ce present Lieutenent assaillant, & deffendue aussi par ce present Prevost.



Et pour ce faire, faut que ce present Lieutenent, sans s'oster de la desmarche où il est à present planté, qui est sur le pied gauche, pour bien executer ceste seconde opposite, faut qu'il desrobe l'espée par dessoubs celle du Prevost, & tirer un renvers d'hault, comme son susdit coup propre, tenant le dessus de la main qui tient l'espée en hault, & la main gauche droict le menton, comme le tout est figuré cy dessus à sadite pourtraiture & figure, cotté en chiffre au derriere du bonnet 43.

Aprés ayant declaré la seconde opposite par ledit Lieutenent assaillant. Reste à traiter & declarer ceste seconde opposite pour le Prevost deffendant.

Et pour ce faire, faut que le Prevost soit sur le pied gauche & à un mesme temps sans bien peu d'intervalle aprés ayant tiré & deffendu ladite premiere opposite & suitte, qu'il retourne croiser & rabatre ceste seconde opposite que tire ledit Lieutenent sus un renvers d'hault, & faut que soit aussi du fort le foible, tenant les ongles de la main que tient l'espée en bas, & luy presenter un estoc à la gorge, tenant aussi sa main gauche au desous le bras de l'espée comme est monstré tout ce qui est dit à cedit prochain escrit à sadite pourtraiture & figure, cotté en chiffre 44.

Voicy la fin de la deffence de la seconde opposite dudit quatriesme coup pour le Prevost.

Sensuit la tenue & garde pour le Lieutenent assaillant, & pour le Prevost deffendant, pour executer, & tirer un estoc d'haut, pour le cinquiesme coup.



Et pour ce faire, ce Lieutenent estant à pied joint comme est dit à un desdits premiers plans, fault pour bien faire ceste premiere garde basse, qu'il tire le pied droit arriere, en desgainant l'espée, & porter la garde d'icelle droit le giron gauche, le tranchant en bas, assituant la pointe droit la braye ou à peu-prés, tenant aussi sa main gauche droit son tetin comme est monstré cy dessus à la prochaine pourtraiture dudit Lieutenent, cotté en chiffre au derriere du haut de son collet 45.

Voila la fin de la garde & tenue pour faire ledit cinquiesme coup de ceste espée seule, suivant l'ordre pour le Lieutenent.

Si aprés est declaré la garde & tenue pour ledit prochain Prevost, pour soy deffendre dudit estoc cinquiesme coup tiré cy aprés par le Lieutenent.

Et pour ce faire, cedit Prevost estant aussi à pied joint pour faire ceste susdite garde & tenue, faut qu'il tire le pied droit arrière, & face un desdits trois desgainemens, & porte la garde de l'espée un peu plus haut que l'espaulle droite, & soy mettant en garde haute, tenant la main que tient l'espée le dessus d'icelle en haut, assituant la pointe de l'espée à la bouche dudit Lieutenent, tenant aussi sa main gauche droit la poictrine comme est monstré & se peult voir cy dessus à sadite pourtraiture cotté en chiffre 46.

Voici la fin de la tenue & garde pour ledit prochain Prevost, pour soy deffendre & garder dudit estoc, cinquiesme coup, que tirera cy aprés le Lieutenent assaillant.

Sensuit le cinquiesme coup, qui est un estoc d'hault sur le maindroit, suivant l'ordre de ceste espée seule pour le Lieutenent assaillant, contre le Prevost deffendant.



Et pour ce faire, faut que ce prochain Lieutenent estant sur le pied gauche comme est cotté cy dessus à l'autre pourtraiture en chiffre 45, advancer le pied droit, & tirer un estoc au tetin gauche du Prevost, tournant la garde de l'espée les ongles en hault, & la main gauche droit son visaige comme est monstré appertement tout ce que est dit par cest escript à sadicte pourtraiture, cotté en chiffre au derriere du sommet de sa teste 47.

Voila le cinquiesme coup de ceste espée seule, tiré par ledit Lieutenent assaillant.

Sensuyt la deffence dudit cinquiesme coup, qui est un estoc d'hault, participant du maindroit d'hault pour ledit Prevost deffendant, contre ledit Lieutenent assaillant.

Et pour ce faire, faut que ledit Prevost estant sur le pied droit, tire le pied gauche arriere, & rabate & croise l'espée dudit Lieutenent de la sienne, du fort le foible, c'est à dire, d'auprés de la garde, au millieu, un peu plus haut vers la pointe de l'espée, les ongles⁵³ en hault, presentant un estoc audit Lieutenent droit son visage, tenant ledit Prevost sa main gauche droit son tetin gauche, comme le tout est monstré cy dessus à sa pourtraiture & figure cotté en chiffre 48. Et si ledit Prevost est gaucher, faut que ledit Lieutenant droiturier luy tire cest estoc, advançant le pied droit arriere, & croisera l'espée dudit Lieutenent, du fort le foible, comme se pourra voir par exemple & praticque contre un gaucher. Bien est vray que si le Prevost est gaucher, ledit Lieutenent ou autre se doit adapter au Prevost gaucher à la demonstration, c'est à dire, qu'il se doit faire gaucher, & faire la desmarche premiere estant à pied joint, & tirer le pied gauche sur la semelle cotté aux premieres pourtraitures, 4, & laisser la semelle où est cotté, 1, vaccue⁵⁴ comme se peult voir & en son lieu.

La fin & declaration dudit cinquiesme coup, pour ledit Lieutenent & Prevost combien que l'un ou l'autre soit gaucher.

⁵³ Proposition de correction pour « ongle »

⁵⁴ Sens inconnu.

Sensuit la premiere opposite & suitte dudit cinquiesme coup, qui est sur l'estoc d'hault, tiré par le Lieutenent assaillant, contre le Prevost deffendant que voicy.



Et pour ce faire, faut que cedit Lieutenent estant sur la desmarche du pied droit pour faire ceste presente opposite & suitte un peu de temps aprés qu'il a eu tiré ledit estoc cinquiesme coup sur le maindroit, a ledit Lieutenent desrobé son espée par dessous la garde de l'espée du Prevost, & a tiré cedit present Lieutenent, pour la premiere opposite & suitte un autre sur le renvers, qui est sur le costé droit du Prevost, tenant la main gauche droit le tetin comme est monstré cy dessus à sa pourtraiture & figure, cotté en chiffre 49, Et si ledit Lieutenent est gaucher, faut qu'il tire les coups tout à l'opposite de ce qu'a esté tiré cy dessus, tant de la desmarche que ladite opposite & suitte, c'est à dire, que si ledit Lieutenent tiroit un renvers estant droiturier, faudroit que le Prevost s'il estoit gaucher le rabatit d'un maindroit de la main gauche.

La fin de ceste opposite pour ledit Lieutenent.

Si aprés sera declaré la deffence de ceste premiere opposite & suitte dudit cinquiesme coup pour ledit Prevost, contre ledit Lieutenent agresseur.

Et pour ce faire, ledit Prevost estant aussi sur le pied droit, ledit Lieutenent voudra desrober son espée pour luy tirer ceste premiere opposite qui est un estoc d'hault sur le costé droit. Cedit Prevost voyant ce, estant sur ledit pied droit a croisé de son espée celle dudit Lieutenent du fort le foible, tenant la main que tient l'espée le dessus de la main en haut, & luy a presenté un estoc à la gorge, tenant la main gauche droit son tetin gauche comme est monstre cy dessus à sa pourtraiture & figure cotté en chiffre 50.

Voyla la fin de cestedite opposite pour ledit Prevost.

Sensuit la seconde opposite & suitte dudit cinquiesme coup de ceste espée seule, qui est un estoc d'hault pour le Lieutenent assaillant, & pour le Prevost deffendant.



Pour declarer, & bien donner à entendre ceste dite seconde opposite & suitte pour ledit prochain Lieutenent, faut qu'iceluy soit sur la desmarche du pied droit, comme il estoit quand il a tiré ledit estoc cinquiesme coup d'hault, passant son espée en la desrobant sur un ariere-main par desoubs la garde de l'espée du Prevost, & à un instant ledit Lieutenent pour ceste seconde suitte tirera encores un estoc ou maindroit d'hault à son chois sur le costé gauche du Prevost deffendeur, tenant la main que tient l'espée le dessus d'icelle en bas, & les ongles en hault, & la main gauche la tenant droit son tetin comme est monstré cy dessus à sa pourtraiture & figure cotté en chiffre 51.

La fin de la seconde opposite pour ledit Lieutenent.

Si aprés est declaré la tuition⁵⁵ & deffence de la seconde opposite dudit cinquiesme coup, de laquelle ce doit garder ledit plus prochain Prevost contre ledit Lieutenent.

Et pour ce faire, est besoin que ledit Prevost, estant sur la desmarche du pied droit, croise & rabate l'espée dudit Lieutenent assaillant, du fort le foible, sur un maindroit autrement appellé avant-main, & par ce moyen deffendra & evitera ledit Prevost ladite seconde opposite & suitte, tirée cy dessus par ledit Lieutenent, & tout cela fait presentera ledit Prevost un estoc au visaige dudit Lieutenent, tenant la garde de son espée les ongles de la main que tient icelle en hault, & la main gauche droit le tetin gauche, comme est monstré cy dessus à sadite prochaine pourtraiture, cotté en chiffre au derriere de son chappeau 52.

La fin de la seconde opposite & suitte dudit cinquiesme coup, qui est un estoc d'hault sur le maindroit, deffendu par ledit Prevost contre ledit Lieutenant demonstrateur.

⁵⁵ La *tuition* est un synonyme de « garde », « défense », très souvent employé à cette époque pour appuyer le mot « défense ».

Voicy la garde & tenue du Lieutenent & Prevost pour l'estoc sixiesme coup, estant multiplié au sixiesme lieu propre sur le deffendeur.



Faut declarer ceste garde & tenue prochaine, pour faire & executer l'estoc sixiesme & dernier coup & lieu, estant comme dit est multiplié en plusieurs coups & opposites de ceste espée seule cy dessus. Et à cestui cy est multiplié sur le costé droit. On le pourroit commencer à tirer sur le pied gauche, mais faudroit multiplier les coups, ou les executer avec une fainte. Mais à cestedite garde, pour commencer par ledit Lieutenent cedit sixiesme coup, il se tiendra sur le pied droit en garde moyenne, tenant le dessus de la main que tient l'espée en hault, assituant la pointe de l'espée droit la veue du Prevost, & la main gauche la tenant droit son menton, comme est monstré à sa pourtraiture cotté en chiffre au derriere du col 53.

Fault noter que le gaucher pour bien deffendre cedit estoc d'hault, il est necessaire qu'il se tienne sur le pié gauche, & croiser l'espée du fort le foible, pour la defendre, comme se verra cy aprés aux coup qui ensuivent.

La fin & declaration de la tenue & garde par cedit Lieutenent.

Sensuit la declaration, de la garde & tenue pour ledit Prevost, pour se preparer à deffendre dudit estoc d'hault, qui sera tiré cy aprés par le Lieutenent contre le Prevost, au sixiesme & dernier coup, estant multiplié comme dit est au sixiesme lieu.

Cestedite garde & tenue pour ledit Prevost est, qu'il faut estre sur le pied droict, comme ledit Lieutenent, combien qu'on se peut tenir sur le pied gauche, & avancer le pied droit, mais à ce dernier coup & lieu estant multiplié, nous traicterons de la garde qui se fait estant sur le pied droict. Pour ce faire, ledit Prevost sera sur le pied droict en garde basse, tenant la main que tient l'espée les ongles en bas, assituant la pointe de l'espée droit l'estomac dudit Lieutenent, & sa main gauche la tenant droit le tetin, comme on peut voir cy dessus à sa pourtraiture & figure, cotté en chiffre, auprés du panache de son bonnet 54.

Fault noter que tous les gauchers qui ensuyvent l'instruction que je mets, tant pour le Lieutenent que Prevost facent la desmarche à l'opposite, & les desgainemens semblables, & les coups aussi à l'opposite d'iceux droicturiers, & se trouveront fort bien ceux qui tascheront à suyvre cesdictes raisons. Car l'experience leur fera trouver bonnes.

Voila la fin de ladite tenue & garde pour le Prevost, pour soy deffendre du sixiesme coup, qui sera cy aprés tiré par le Lieutenent demonstrateur.

Sensuit le sixiesme & dernier coup & lieu de ceste espée seule, estant multiplié, qui est un estoc d'hault sur le renvers tiré par le Lieutenent assaillant, contre le Prevost deffendant.



Et pour ce faire, faut que ce prochain Lieutenent estant sur ladite garde, desmarche, que dessus est dit & monstré à sadite pourtraiture, cotté en chiffre 53. Cedit prochain Lieutenent estant sur le pied droit, comme il est dit, fera semblant de tirer un estoc au costé gauche du Prevost sur ledit pied droit, & à un instant advancera le pied gauche, desrobant son espée, par dessous la garde de l'espée du Prevost, & luy tirera un estoc au costé droit, tenant la garde de l'espée, & la main que tient icelle la pointe des doids regardant le costé gauche, & sa main gauche la tient droit son tetin gauche, comme est monstré cy dessus à sa portraiture cotté en chiffre au derriere du collet dudit Lieutenent 55.

La fin & declaration de cedit sixiesme & dernier coup de ceste espée seulle pour le Lieutenent assaillant.

Aprés ayant traité dudit sixiesme & dernier coup, de ceste espée seulle pour ledit Lieutenent assaillant. Reste à traiter aussi de la deffence d'iceluy pour le Prevost deffendant.

Et pour ce faire, ledit Prevost estant sur le pied droit, comme est monstré à sadite pourtraiture estant en sa garde où est cotté en chiffre 54, le tirera arriere & croisera de son espée celle dudit Lieutenent assaillant, rabatant & deffendant ledit estoc du fort le foible, declarant encores qui est le fort le foible, c'est qu'il faut croiser tous coups d'auprés de la garde de l'espée au milieu de l'espée de l'ennemy, & voila du fort le foible, & ce fait ledit Prevost presentera un estoc à la poitrine dudit Lieutenent assaillant, tenant la main que tient l'espée le dessus d'icelle en haut, & la main gauche dessous le coude du bras que tient l'espée, comme est monstré cy dessus à sa pourtraiture cotté en chiffre, 56.

La fin & declaration de la deffence dudit sixiesme & dernier coup pour ledit Prevost deffendant, contre ledit Lieutenent assaillant.

Sensuit la premiere opposite & suitte dudit sixiesme & dernier coup, estant multiplié, qui est un estoc d'hault pour le Lieutenent assaillant, & deffendu par le Prevost que voicy.



Icy est monstré par Henry de S. Didier auteur, comment cedit Lieutenent doit faire pour bien assaillir le Prevost, sur cedit dernier coup & lieu de cestedite espée seulle, suivant ledit art & ordre d'icelle.

Et pour ce faire, cedit Lieutenent estant sur le pied gauche, ayant tire ledit sixiesme coup comme est monstré cy dessus à sa pourtraiture cotté en chiffre 55. Son espée estant sur l'arieremain, & pour bien faire & executer ceste premiere suitte, ce Lieutenent prochain desrobera son espée par desous la garde de l'espée du Prevost, & luy tirera un estoc sur le maindroit pour ceste premiere opposite, tournant la main que tient l'espée les ongles en haut, & sa main gauche droit son visaige, pour obvier à la pointe de l'espée du Prevost comme est monstré cy dessus à sa pourtraiture & figure cotté en chiffre au derriere du col dudit Lieutenent 57.

La fin de la premiere opposite & suite de ce sixiesme coup & lieu pour ledit Lieutenent assaillant.

Ici aprés est la deffence de ceste premiere opposite & suitte pour ledit Prevost dudit sixiesme coup, qui est un estoc d'hault estant comme dit est multiplié & tiré par ledit Lieutenent assaillant, & deffendu par le Prevost⁵⁶, comme sera veu par cest escript cy aprés dont ledit auteur le conduit & monstre, comme il se doit deffendre de cedit estoc.

Et pour ce faire, ledit Prevost doit demourer ferme & stable sur la desmarche du pied gauche, & pour la deffence & conservation de cestedite opposite, qui sera un estoc le Prevost croisera de son espée, l'espée dudit Lieutenent du fort le foible venant du costé d'un maindroit, portant les ongles de la main que tient l'espée en haut presentant un estoc au visaige dudit Lieutenent, tenant aussi ledit Prevost sa main gauche droit le tetin gauche, comme est monstre cy dessus à sa pourtraiture cotté en chiffre 58.

Voyla la fin & deffence de la premiere opposite & suitte du 57 sixiesme & dernier coup, pour ledit Prevost deffendeur.

⁵⁶ Proposition de correction pour « Provost »

⁵⁷ Proposition de correction de « du–sixiesme »

Icy est la seconde & derniere opposite & suitte, dudit sixiesme coup, estant multiplié, qui est un estoc d'hault, sur le renvers, venant dudit estoc sur le maindroit pour le Lieutenent, contre le Prevost, dont la voicy executée.



Et pour ce faire, faut que cedit prochain Lieutenent, estant sur le pied gauche, & son espée sur ladite premiere opposite, qui est sur le maindroit ou estoc d'icely, comme est monstré à sa pourtraiture cotté 57. Est besoing, & faut pour executer ceste seconde & derniere opposite, pour ce Lieutenent, qu'il desrobe son espée par dessoubs la garde de l'espée du Prevost, & tirer un autre estoc sur ledit arrieremain, tenant la main que tient l'espée le dessus en haut, & sa main gauche droite le visage, pour deffendre la pointe de l'espée du Prevost, si la poussoit plus avant, comme est monstré cy dessus à sa pourtraiture, cotté en chiffre au derriere du chappeau 59

Icy est la fin de ceste seconde & derniere opposite & suitte, pour le Lieutenent, assaillant, contre le Prevost deffendant.

La deffence de ceste seconde opposite ou suitte, dudit sixiesme, & dernier coup de ceste espée seule, qui est un estoc d'hault, sur le renvers, pour le Prevost deffendant, contre ledit Lieutenent assaillant.

Et pour la deffence de cestedite opposite & suitte, pour ledit Prevost, faut qu'il soit sur le pied gauche, & y estant doit croiser de son espée celle dudit Lieutenent, du fort le foible, qui est auprés de la garde, au milieu de l'espée comme a esté dit cy dessus en plusieurs lieux, & presente un estoc au tetin gauche, ou à l'œil dudit Lieutenent, ayant la main que tient l'espée les ongles en bas, & la main gauche droit son estomac, qui est par dessous le coulde du bras, que tient l'espée comme est monstré en sa pourtraiture, cotté en chiffre au derriere du chapeau 60.

Voicy la fin des six susdits coups, estans multipliez ausdits lieux propres, comme a esté dit cy dessus, avec ses opposites & suittes, tant pour ledit Lieutenent assaillant, que pour le Prevost deffendant.

Icy est monstré la garde & tenue pour faire deux bons & subtils coups, en mainiere de triangle, & quadriangle, pour le Lieutenent assaillant, contre le Prevost deffendant.



Et pour ce faire, ce present⁵⁸ Lieutenent ayant faict un desdits trois desgainements, avec sa desmarche à ce propres est demouré sur le pied gauche lequel est planté & pausé sur la semelle du triangle où est cotté en chiffre 1 & est en garde moyenne, assituant la pointe de l'espée droit le tetin gauche du Prevost, tenant la main gauche sur le giron gauche comme est cotté cy dessus en chiffre à sa pourtraiture au derriere de son chapeau 61.

Et s'il est gauché, faut qu'il tienne son pied droit sur ledit triangle, s'il veut bien executer & faire le principal coup, comme se verra cy aprés, & se tiendra en mesme garde, s'il est assaillant, comme est cotté en chiffre à cestedite pourtraiture dudit Lieutenent droictié 61.

Voyla la fin, garde & tenue pour ledit Lieutenent, pour executer ledit triangle, contre le Prevost deffendant.

Sensuit la declaration, garde & tenue dudit triangle, pour ledit Prevost deffendeur.

Et pour ce faire, faut que le susdit prochain Prevost soit sur le pied gauche, tenant iceluy pied sur le coin du triangle, où est cotté en chiffre à sadite pourtraiture 1, ayant fait un desdits desgainements, avec la desmarche à ce propre, & est demouré cedit Prevost en garde haute, tenant le dessus de la main que tient l'espée en haut, assituant la pointe de l'espée droit l'œil gauche dudit Lieutenent, & la main gauche droit son tetin, preste à destourner la pointe de l'espée dudit Lieutenent assaillant, comme est figuré cy dessus à sa pourtraiture, cotté en chiffre 62.

La fin de la garde & tenue pour ledit Prevost deffendant.

⁵⁸ Proposition de correction pour « persent ».

Sensuit comment il faut faire, pour executer un fort bon & subtil coup, faignant en terre un triangle par le Lieutenent assaillant, le voullant faire contre le Prevost deffendant, dont ont tous deux soubs leurs pieds le portrait & figure d'iceluy pour le bien faire.



Et pour le bien commencer, ce Lieutenent advancera le pied droit qu'il tenoit arriere, à ladite pourtraiture cotté en chiffre 61, sur la semele où est auprés du coin du triangle où il y a cotté en chiffre 2, & tirer un estoc au visaige du Prevost, tenant la main que tient l'espée, les ongles en haut, & la main gauche, droit son visaige, comme est monstré apertement icy à ceste pourtraiture de ce Lieutenent cotté en chiffre 63.

Voila comment doit tirer ledit Lieutenent un estoc qui servira d'espion pour commencer à faire cedit triangle.

Sensuit comment le Prevost se doit deffendre dudit estoc, tiré par ledit Lieutenent sur une figure en manière de triangle.

Et pour ce faire, ledit Prevost ayant fait ladite desmarche, garde, & assituation qu'a fait à sadite pourtraiture cotté en chiffre 62, a cedit Prevost tiré le pied gauche arriere, & l'a mis sur la semelle, où est ou doit estre cotté en chiffre 2, & a croisé cedit Prevost l'espée venant sur un estoc, tiré par ledit Lieutenent, du fort le foible, lequel est declaré en plusieurs lieux, tant desdits coups que aux opposites & suittes, tournant la main que tient l'espée, les ongles⁵⁹ en haut, & presenter un estoc au visaige dudit Lieutenent, tenant sa main gauche droit & dessus la cuisse, comme est cy dessus à sa pourtraiture cotté en chiffre 64⁶⁰.

Voila la fin & deffence du commencement & premier coup que tirera ledit Lieutenent contre ledit Prevost.

⁵⁹ Proposition de correction pour « le ongles ».

⁶⁰ Le triangle représenté ici n'est pas correct, celui cotté 65 paraît rendre mieux compte du déplacement proposé.

Traité de l'épée seule de Saint-Didier

Et pour la premiere opposite, & suitte dudit triangle, pour le Lieutenent assaillant, contre le Prevost deffendant, il se fait sur un estoc ou renvers d'hault, pour le Lieutenent.



Pour bien faire ceste premiere opposite & suitte, pour ledit Lieutenent, faut ayant le pied gauche sur la semelle du triangle, où est cotté aux pourtraitures susdites en chiffre 1, advancer le pied droit sur la semelle où est cotté, ou doit estre 3, en chiffre, & passer la pointe de l'espée par dessous la garde de l'espée du Prevost, ayant fait & tiré le susdit coup, & tirer un estoc d'haut sur le costé droit du Prevost, pour ceste premiere opposite & suitte, tenant la main que tient l'espée les ongles en bas, & la main gauche droit le tetin, comme est monstré à sadite pourtraiture, cotté en chiffre, 65.

La fin de la premiere opposite & suitte dudit triangle, pour le Lieutenent assaillant, contre le Prevost deffendant.

Sensuit la deffence de la premiere opposite & suitte, pour ledit Prevost contre ledit Lieutenent.

Et pour ce faire, faut que ledit Prevost regardant la pointe de l'espée dudit Lieutenent, quand elle passera par dessous la garde de son espée, pour luy tirer un estoc d'haut, ou renvers, au chois dudit Lieutenent, attendu qu'il est assaillant, & pour la conservation de ceste premiere opposite & suitte de cedit triangle, fait par le Lieutenent, est besoin que ledit Prevost croise l'espée dudit Lieutenent, du fort le foible, estant sur son pied droit, & presenter un estoc au visage dudit Lieutenent, tenant la main que tient l'espée le dessus d'icelle en haut, & la main gauche droit le tetin, comme est monstré cy dessus à sa pourtraiture, cotté en chiffre 66.

Voila la fin & deffence de la premiere opposite dudit triangle pour ledit Prevost.

Sensuit la seconde opposite, & suitte, qui est un estoc ou maindroit d'hault, provenant dudit coup du triangle pour le Lieutenent assaillant, contre le Prevost deffendant.



Et encores cedit Lieutenent pour ceste seconde opposite dudit triangle, si ledit Lieutenent voit que ledit Prevost se soit deffendu de ceste susdite premiere opposite, faite & tirée sur l'arrieremain, comme est cotté audit Prevost en chiffre 66. & qu'il soit adroit. Ce present Lieutenent ayant demouré sur la mesme desmarche du pied droit desrobbera son espée, par dessous la garde de l'espée du Prevost, par un arrieremain, & fera semblant de tirer un arrieremain à la cuisse du Prevost, montant à un mesme instant son espée en haut, & pour executer ceste seconde opposite, croisera l'espée du Prevost du fort le foible, & luy presentera un estoc au corps ou au visaige, changeant le pied droit, qui estoit sus le coin du triangle, où est cotté en chiffre 3, & le mettre sur la semelle où est cotté 2, tenant la main de l'espée les ongles en haut & la main gauche droit le visaige, comme est monstré à sa pourtraiture au derriere du chappeau cotté en chiffre 67.

Voila la fin pour le Lieutenent contre le Prevost.

Sensuit le contraire de ceste seconde opposite & suitte pour ledit Prevost.

Et pour ce faire, faut que ledit Prevost estant sur le pied gauche ayant fait sa desmarche, comme est dit cy dessus ausdites figures desdits trois desgainemens, cotté en chiffre 2, & 4 & comme est aussi monstré cy dessus à la pourtraiture dudit Prevost 62, & pour se bien garder de cedit coup tiré par ledit Lieutenent, en maniere & façon de triangle, est besoin que ledit Prevost regarde bien la pointe de l'espée dudit Lieutenent, & ne la perde jamais de veue & quand le Lieutenent susdit advancera son pied droit pour tirer un estoc ou renvers d'hault, faut que ledit prochain Prevost croise iceux coups, du fort le foible, & luy presenter un estoc au visaige, comme est monstré cy dessus à sadite pourtraiture cotté en chiffre 64, & pour faire & executer ceste seconde opposite, pour cedit Prevost, il sera sur le pied droit & croisera l'estoc venant sur le renvers qu'aura tiré ledit Lieutenent, du fort le foible, tenant la main que tient l'espée, les ongles en haut presentant un estoc au visaige dudit Lieutenent, & tiendra sa main gauche ledit Prevost droit la braye, comme est cotté cy dessus en chiffre 68.

Voila la fin & deffence dudit coup, pour ledit Prevost.

Tenue & garde du premier coup, pour executer & faire le quatriangle pour le Lieutenent & Prevost.



Faut bien notter que pour faire & executer cedit quatriangle pour le Lieutenent, faut qu'il aye le pied gauche sur le coin dudit quatriangle, cotté en chiffre 1, ayant fait un desdits trois desgainemens, avec sa desmarche, & à ceste garde faut qu'elle soit moyennement basse, le trenchant de l'espée en bas, & la pointe de l'espée droit le ventre, tenant la main gauche droit l'estomac, comme est monstré cy dessus à sa pourtraiture, cotté en chiffre 69.

Voila la fin garde & tenue pour ledit Lieutenent, pour commencer, faire & executer le quatriangle, contre le Prevost deffendant.

Definition, garde & tenue pour ledit Prevost deffendant, pour se garder & deffendre dudit quatriangle tiré par ledit Lieutenent assaillant, contre le Prevost deffendant.

Et pour ce faire, faut que ledit Prevost soit sur le pied gauche, dont iceluy pied sera mis sur la semelle, où est cotté en son quatriangle en chiffre 1, estant en garde moyenne ayant fait sa desmarche, desgainement que dessus est en plusieurs lieux dit, tenant la garde de l'espée le dessus de la main que tient icelle en haut, & par consequent les ongles d'icelle main en bas, & la main gauche sur son giron gauche, comme est monstré cy dessus à sa pourtraiture & figure, cotté en chiffre 70.

Si aprés sera monstré un fort bon coup pour le Lieutenent assaillant, & pour le Prevost deffendant, en maniere de quatriangle & tout ce que y est requis scavoir par lesdits Lieutenens & Prevosts, & par consequent aux autres suppots.

Premier coup & suitte du quatriangle, pour le Lieutenent & Prevost.



Et pour le bien faire, est besoin pour le premier coup que le Lieutenent, ayant fait un desdits desgainements demoure sur le pied gauche, qui est sur la semelle cotté en chiffre 1, & pour executer ce coup faut que cedit Lieutenent advance le pied droit sur la semelle où est cotté en chiffre 2, & tirer un roide estoc d'hault, tenant la main que tient l'espée les ongles en haut, & la main gauche sur son giron droit, comme est monstré cy dessus à sa pourtraiture, cotté en chiffre au derriere du chapeau 71.

Voila comment il faut que ledit Lieutenent commence à faire ce coup, en maniere de quatriangle, le feignant ainsi estre en terre.

Sensuit comment il faut que ledit Prevost se deffende de ce coup, fait & tiré par ledit Lieutenent, faignant & figurant un quatriangle en terre, tel que cestuy cy dessus.

Et pour ce faire, faut que ledit Prevost soit sur le pied gauche, comme est monstré & dit cy dessus à sa premiere tenue. Et pour bien deffendre cedit coup, fait comme dit est, en quatriangle, par ledit Lieutenent, sur un estoc ou maindroit d'haut. Ledit Prevost tirera ledit pied gauche, de la semelle dudit quatriangle, où est cotté en chiffre 1, & pausera le pied gauche sus un petit coin du triangle, où est cotté en chiffre 3, & croisera l'espée dudit Lieutenent, du fort le foible, detournant le maindroit ou estoc, tiré par ledit Lieutenent en quatriangle, comme dit est, presentant par ledit Prevost un estoc, droit l'œil gauche dudit Lieutenent, & tiendra la main que tient l'espée les ongles en haut, & la main gauche droit sa braye, comme est monstré cy dessus à la portraiture dudit Prevost, cotté en chiffre 72.

Voila ce que doit faire ledit Prevost, pour soy deffendre dudit quatriangle, tiré par ledit Lieutenent assaillant.

Premiere opposite & suitte du quatriangle pour le Lieutenent & Prevost.



Et pour continuer, faire executer ceste premiere opposite ou suitte dudit quatriangle pour le Lieutenent, est encores besoing qu'il face une suitte, voyant que ledit Prevost a esté adroit, & non ignorant, attendu qu'il s'est bien deffendu, à ceste cause doit ledit Lieutenent⁶¹ desrober son espée par desous la garde de l'espée du Prevost, & mettre le pied gauche sur la semelle où est cotté en chiffre 3. En passant un maindroit, tirant un peu le corps en arriere, & oster le pied droit du lieu où estoit cotté en chiffre 2⁶².

Et comme est monstré cy dessus à sa pourtraiture cotté en chiffre au derriere du chapeau 73.

Voila que doit encores faire ledit Lieutenent, pour la premiere opposite, comme est requis en cedit coup de quatriangle.

Sensuit la deffence de ceste premiere opposite & suitte, de cedit quatriangle pour ledit Prevost deffendant, contre le Lieutenent assaillant.

Et pour ce faire, faut que ledit Prevost soit sur le pied gauche, sur le coin de son triangle, où est cotté en chiffre 1, & le pied droit sur la semelle où est cotté aussi en chiffre 2. Et pour la deffence de cestedite premiere suitte, estant ledit Prevost sur le pied droit, a croisé l'espée dudit Lieutenent, du fort le foible, & luy a presenté un estoc à son visage, tenant la main que tient l'espée le dessus d'icelle en haut, & la main gauche la tient droit le tetin, comme est monstré cy dessus à sa pourtraiture, & figure cotté en chiffre 74.

Voila que doit faire ledit Prevost, pour se garder de cestedite opposite, qu'a tiré ledit Lieutenent jusques icy.

⁶¹ Proposition de correction pour « Lieutent ». La marque indiquant une contraction a probablement été omise.

⁶² On pourrait compléter : « ...et le mettre en 4 ». L'illustration 73 est incorrecte puisque le pied gauche est resté sur la semelle 1 et n'est pas placé sur la semelle 3 (à gauche) comme demandé ; la position des pieds de l'illustration 75 correspond à ce qui aurait dû être représenté.

Sensuit le parachevement dudit quatriangle, qui est sur un maindroit ou estoc d'hault, tiré par ledit Lieutenent, contre le Prevost.



Pour bien parachever cedit quatriangle pour ledit Lieutenent contre le Prevost, faut que ledit Lieutenent, ayant le pied droit sur la semelle cotté en chiffre 4, & le pied gauche sur la semelle cotté 3, desrobera son espée par dessous la garde de l'espée du Prevost, & tirera un maindroit ou estoc d'haut, pour parachever ledit quatriangle, tenant ledit Lieutenent la main de l'espée les ongles en bas, & la main gauche droit son visage, comme est monstré cy dessus à sa pourtraiture, cotté en chiffre 75.

Voicy le parachevement dudit coup, fait en façon de quatriangle, pour ledit Lieutenent, contre le Prevost deffendant.


Sensuit la deffence & parachevement dudit coup, avec ses deux suittes, en facon de quatriangle pour ledit Prevost deffendant, contre ledit Lieutenent assaillant.

Et pour ce faire, faut que ledit Prevost pour la premiere suitte, estant sur le pied droit, croise & rabate ledit renvers ou estoc d'hault tiré sur iceluy par ledit Lieutenent, du fort le foible, tenant la garde de l'espée les ongles de la main que tient icelle en bas, tirant un estoc d'hault, à l'œil gauche dudit Lieutenent, comme est monstré cy dessus à sa pourtraiture & figure cotté en chiffre aux autres pourtraitures 74. Et pour ceste seconde opposite & suitte, qui est le parachevement de cedit quatriangle, ledit Prevost faut aussi qu'il soit sur le pied droit, & regarde bien la pointe de l'espée dudit Lieutenent, en tout le discours dudit quatriangle, & croise l'espée dudit Lieutenent faisant cestedite seconde opposite, qui est un maindroit ou estoc d'hault provenant d'iceluy du fort le foible, tenant la main que tient l'espée, les ongles en hault presentant audit Lieutenent un estoc à son visaige tenant la main gauche à son tetin, comme est monstré cy dessus à sa pourtraiture cotté en chiffre 76.

La fin dudit quatriangle pour ledit Prevost.

Aprés avoir traicté cy dessus de tout l'art, ordre & praticque de ladite espée seulle, & defini tout ce que y est requis, tant en assaillant que en deffendant, j'ay bien voulu cy aprés traicter & monstrer quatre fort bonnes & subtilles prinzes qui se peuvent faire, tant en assaillant que en deffendant comme se verra cy aprés à leurs pourtraitures.

Cy aprés est monstré & declaré le plan, & tenue du Lieutenent assaillant, pour monstrer à faire la premiere prinse, contre le Prevost.



Et pour ce faire, faut que cedit prochain Lieutenent soit sur le pied gauche, ayant fait comme dit est, sa desmarche, garde & assituation susdite, aux premiers plans, & à ceste cy faut qu'il se tienne sur le pied droit, en garde moyenne, tenant la main de l'espée les ongles en bas, & la main gauche droit le visage, pour estre plus prés à rabatre d'icelle un estoc d'haut⁶³, s'il advenoit que ledit Prevost, ou autre deffendeur luy tirast, car tous estocs sont aisez à deffendre, & à detourner de la main : mais qu'on ne les faille, attendu que la pointe est en l'air, & loin de la force dont elle procedde⁶⁴, qui est de son tireur. Et tout chose qui est en l'air est facille à detourner. comme il est prest à faire, s'il advenoit que le Prevost avançast sa pointe davantage, comme est monstré cy dessus à sa pourtraiture, cotté en chiffre au derriere du col 77.

La fin de la garde & tenue pour ledit Lieutenent assaillant, lequel veut monstrer au Prevost à faire la premiere prinse.

Sensuit la garde & tenue pour le Prevost, pour se deffendre de la premiere prinse contre ledit Lieutenent, comme ce verra cy aprés à la portraiture que s'ensuit en chiffre, 90.

Et pour ceste garde, est requis que ledit Prevost aye fait mesme desmarche, garde & assituation, que dessus est dit, à un desdits desgainements, ayant tiré le pied droit arriere, & soit demouré sur le pied gauche, en garde haulte, tenant la main que tient son espée les ongles en bas, assituant la pointe d'icelle droit l'œil gauche dudit Lieutenent, tenant aussi la main gauche droit son tetin, comme est monstré cy dessus à sadite pourtraiture cotté en chiffre au derriere de son chappeau 78⁶⁵.


La fin de ladite garde & tenue pour ledit Prevost deffendant.

⁶³ Proposition de correction pour « dh'aut »

⁶⁴ Sic

⁶⁵ Le prévôt représenté ici ne correspond pas au texte puisqu'il se tient sur le pied droit.

En ces deux pourtraitures suivantes, est monstré le premier coup, qui est un maindroit ou estoc d'hault, tiré par le Lieutenent, contre le Prevost pour faire la premiere prinse de ceste espée seule.



Et pour ce faire, cedit Lieutenent ayant fait sa desmarche, garde & assituation susdite, est demouré sur le pied gauche, & y estant pour executer ce coup, qui est un maindroit, ou estoc d'haut, cedit prochain Lieutenent a advancé le pied droit, & a tiré un maindroit ou estoc à son chois contre le Prevost, tenant la main que tient l'espée les ongles en haut, & la main gauche droit son nez, comme est monstré à sa pourtraiture cotté au derrière du col en chiffre 79.

Voila la fin du coup que doit tirer ledit Lieutenent au Prevost pour faire la premiere prinse de ceste espée seule.

Sensuit la tuition & deffence du premier coup pour le Prevost, pour se preparer à faire la premiere prinse que verrez cy aprés aux pourtraitures.

Et pour ce faire, faut que ledit Prevost ayant aussi fait sa desmarche, desgainement, est demouré en garde haute, telle qui est figuré cy dessus à la portraiture dudit Prevost cotté en chiffre 78, estant sur le pied gauche, & pour se deffendre de cedit maindroit ou estoc d'haut que luy a tiré ledit Lieutenent, pour luy monstrer que la premiere prinse ce peut faire, & fait sur lesdits coups, cedit Prevost estant sur ledit pied gauche, a tiré le pied droit arriere & a croisé l'espée dudit Lieutenent, du fort le foible, haussant un peu la pointe de son espée en haut, & la main gauche droit le front du Lieutenent, tenant la main de l'espée les ongles en haut & la main gauche droit le tetin, comme est monstré cy dessus à sa pourtraiture cotté en chiffre au derriere du sommet de la teste 80^{66} .


Voila la fin comment le Prevost a deffendu le coup susdit contre ledit Lieutenent.

Par ces deux pourtraitures qui sensuivent, est monstré par le Lieutenent assaillant au Prevost deffendant, comment faut qu'il face & tous autres, la premiere prinse de ceste espée seulle, & en aprés luy sera monstré de contreprinses, de sorte, que quiconques observera tout ce que dit est, & ce qui sensuit cy aprés sans rien obmettre, il ne se trouvera jamais surprins ne offencé, & s'il se treuve, faudra qu'il confesse que n'est la faute de l'Auteur ne de l'art, ains la sienne, ayant commis la faute, de sorte que qui cognoit sa faute tel ce peult dire estre docte attendu que de soymesmes se pourra instruire & reprendre.

Je vous advertis tous suppots de Mars que cedit art & sciences des armes n'ont esté redigé par l'Auteur pour en abuser, ains pour conserver vostre honneur & santé, car quiconque fera autrement la reigle ne faudra à l'Auteur ne à l'art, ains à celuy qui en abusera, & pourtant les sages dominent les astres & mauvaises volontez.

⁶⁶ Le prévôt de la figure 80 n'est pas sur le pied gauche comme écrit et mais reste cohérent avec la figure 78.

Premier coup, tiré sur le maindroit, ou estoc d'hault, pour la premiere prinse par le Lieutenent, & presque executée par le Prevost, comme icy est monstré.



Et pour ce faire, est besoin que cedit Lieutenent ayant fait sadite desmarche, garde, & assituation, estant sur le pied gauche, fault qu'il advance le pied droit, comme est monstré à sa figure & pourtraiture susdite, cotté en chiffre, 79. Et aussi cedit prochain Lieutenent, estant sur le pied gauche cy dessus, a advancé le pied droit, & a tiré un estoc d'hault, ou un maindroit au Lieutenent⁶⁷, tenant la main que tient l'espée les ongles en hault, & tient aussi cedit Lieutenent, sa main gauche droit son estomac, au dessous du bras de son espée, comme est monstré à sa pourtraiture, cotté en chiffre 81.

Voyla la fin du coup qu'a tiré ledit Lieutenent, pour monstrer au Prevost à faire la premiere prinse de ceste espée seule.


Cy aprés sera monstré & declaré, comment le Prevost doit & peut faire la premiere prinse, contre son Lieutenent.

Et pour ce faire, ledit Prevost estant sur le pied gauche, quand ledit Lieutenent a tiré ledit maindroit, ou estoc d'hault ; comme il peut, cedit Prevost a tiré ledit pied gauche arriere, & a croisé de son espée, du fort le foible, l'espée dudit Lieutenent, tournant la main que tient l'espée les ongles en haut. Et à un mesme instant, sans bien peu d'intervalle, a advancé son pied gauche, fort advant, & luy a prins de sa main gauche la garde de l'espée, & fait semblant de luy donner le tour, pour la luy faire quitter, comme se verra cy aprés tenant la pointe de l'espée droit le front comme est monstré cy dessus à sa pourtraiture & figure, cotté en chiffre 82.

Voicy la fin de la premiere prinse, presque executée pour ledit Prevost deffendeur, contre ledit Lieutenent.

⁶⁷ Il faut évidemment lire ici « Prevost ».

Premiere prinse, monstrée par le Lieutenent, & à ce coup aussi monstrée par iceluy, & executée par le Prevost comme est monstré icy.



Et pour bien monstrer icy par ce Lieutenent, comment il fault que le Prevost face, & execute ceste premiere prinse, est besoin, & faut que ce Lieutenent soir sur le pied gauche, & y estant advancer le pied droit & tirer un maindroit, ou estoc d'hault, à l'encontre du Prevost deffendant. Et estant surprint⁶⁸du Prevost qui luy a osté son espée, a esté ledit Lieutenent contraint de retirer son pied droit, & demourer sur le pied gauche, & tenir sa main gauche devant son tetin, la tenant preste à deffendre la pointe de l'espée du Prevost, & tient aussi cedit Lieutenent sa main gauche contre sa cuisse gauche, comme est monstré à sa pourtraiture, cotté en chiffre au derriere du col 83.

Voila tout ce qu'a fait ledit Lieutenent, pour monstrer au Prevost comment il faut qu'il face, pour executer du tout ladite premiere prinse de cestedite espée seule.


Sensuit la premiere prinse, & execution d'icelle, pour ledit prochain Prevost, contre ledit Lieutenent.

Et pour ce faire, faut que ledit Prevost, ayant fait sa premiere desmarche, garde, & assituation susdite, c'est à dire, estant sur le pied gauche, ledit Lieutenent luy a tiré un maindroit, ou estoc d'haut, comme il pouvoit, advançant son pied droit & pour faire & executer cestedite premiere prinse pour cedit prochain Prevost, a tiré son pied gauche arriere, & a croisé l'espée dudit Lieutenent, du fort le foible, haussant un peu la pointe de l'espée en haut, & à un mesme instant, sans bien peu d'intervalle, a ledit Prevost advancé le pied gauche, & avec la main gauche, a prins la garde de l'espée dudit Lieutenent, tournant le dessus d'icelle en bas, donnant le tour, pour luy faire quitter l'espée, & la porter sous le bras, presentant la pointe de l'espée droit la bouche dudit Lieutenent, comme est monstré cy dessus à sadite pourtraiture, cotté en chiffre 84.

Voyla la fin, & demonstration dudit Lieutenent, & l'execution de ladite premiere prinse, pour cedit Prevost.

⁶⁸ Proposition de correction pour « suprint »

À prinse faut faire contreprinse, comme est icy monstré par ce Lieutenent au Prevost.



Et pour ce faire, le Lieutenent estant sur le pied gauche, tirera un roidde⁶⁹ maindroit, ou estoc d'ault sur le costé gauche dudit Prevost, & à un mesme instant tournera advancer le pied gauche, & prendra la garde de l'espée dudit Prevost venant par dessous son bras, & voulant donner le tour, le Prevost a fait la contreprinse qui est tout de mesme comme luy avoit dit & monstré, comme est cy dessus à sa portraiture, cotté en chiffre au derriere de son col 85.

Voila la fin pour faire ceste contreprinse pour le Lieutenent.

Sensuit la contreprinse pour le Prevost, contre ledit Lieutenent assaillant.

Et pour ce faire, ledit Prevost sera aussi sur le pied gauche, en garde haute, & quand ledit Lieutenent advancera le pied droit, pour tirer un maindroit ou estoc d'hault, comme il peut à son chois, le Prevost tirera le pied gauche arriere, & croisera ledit maindroit ou estoc, tiré par ledit Lieutenent, du fort le foible, & quand il verra que ledit Lieutenent advancera le pied gauche pour luy venir prendre la garde de l'espée pour faire ladite prinse, ledit Prevost ce voyant à un mesme instant advancera le pied gauche, & prendra aussi la garde de l'espée dudit Lieutenent avec sa main gauche, la passant par dessous le bras, de l'espée, tournant le dessus de la main en bas, & l'ayant prinse faira semblant de tourner icelle main pour luy oster l'espée du poin, comme est monstré cy dessus à la pourtraiture dudit Prevost, cotté en chiffre au derriere du col 86.

La fin de la contreprinse pour le Prevost, contre le Lieutenent.

Aux figures & pourtraitures qui sensuivent, est monstré comment ladite contreprinse cottée 85 & 86 est executée, tant pour le Lieutenent que pour le Prevost, de sorte que ledit Lieutenent ayant bien observé la volonté dudit auteur, a osté l'espée du tout au Prevost & aussi le Prevost ayant fait le mesme, observant de sa part ce qu'il devoit, a osté l'espée audit Lieutenent, de sorte qu'on verra cy aprés que le Lieutenent a l'espée du Prevost, & le Prevost a l'espée du Lieutenent, comme est cotté en chiffre cy aprés aux pourtraitures du Lieutenent 87, & au Prevost 88.

Page 71 sur 97

⁶⁹ Sic.

Sensuit une contreprinse, monstrée cy dessous par le Lieutenent, & exécutée par le Prevost.



Et pour ce faire, le Lieutenent estant sur le pied gauche, comme dit est, advancera le pied droit, tirant un maindroit ou estoc d'hault sur le Prevost, & à un mesme temps de rechef advancera le pied gauche, & prendra l'espée dudit Prevost par desous son bras droit, tournant la main gauche, donnant un tour pour luy faire quiter l'espée, & voyant que le Prevost a esté prompt & habile de luy en faire autant à un mesme temps, cedit Lieutenent a desmarché sondit pied gauche arriere, & tenant l'espée dudit Prevost dessous son bras gauche, & incontinent a remis la main droite à la poingnée de l'espée, faisant semblant de remettre l'espée au poin comme est monstré à sa pourtraiture cy dessus cotté en chiffre au derriere de sa teste 87.

Voyla la fin de la contreprinse executée pour le Lieutenent contre le Prevost.

Sensuit une fort bonne contreprinse pour le Prevost, correspondante à la contreprinse cy dessus faicte par ledict Lieutenent.

Et pour ce faire, ledit prochain Prevost sera aussi sur le pied gauche, en garde haute, & quand ledit Lieutenent advancera le pied droit, comme il doit & peult, pour tirer un maindroit ou estoc d'hault, ledit Prevost tirera le pied gauche arriere, & croisera l'espée dudit Lieutenent du fort le foible, rabatant ledit maindroit ou estoc d'hault qu'il a tiré, & quand il verra que ledit Lieutenent advancera le pied gauche, pour luy prendre la garde de l'espée, pour faire la prinse, le Prevost advancera le pied gauche à un mesme temps comme luy, & prendra ledit Prevost la garde de l'espée dudit Lieutenent par dessous son espée tournant ledit Prevost le dessus de la main gauche en bas comme est monstré cy dessus à la pourtraiture dudit Prevost cotté en chiffre 88.

Voyla la fin de la contreprinse, pour ledict Prevost, contre ledict Lieutenent.

Tenue, & garde de la seconde prinse, pour le Lieutenent, contre le Prevost.



Et pour ce faire, le Lieutenent ayant fait un desdits desgainements est demouré sur le pied gauche, en garde basse, assituant la pointe de son espée droit la braye du Prevost, son disciple, luy faisant faire & tenir en garde moyenne, & tient cedit Lieutenent le trenchant de l'espée en bas, & la main gauche droit sa poitrine comme est monstré cy dessus à la presente pourtraiture du Lieutenent, cotté en chiffre au derriere du col 89.

La fin & definition de ceste garde basse pour le Lieutenent assaillant.

Aprés avoir traité cy dessus de la garde & tenue dudit Lieutenent. Reste à traiter de la garde & tenue pour ledit Prevost deffendant.

Le Prevost susdit, aprés avoir faire sa desmarche, garde & assituation, est demouré sur le pied gauche, en garde moyenne, tenant la garde aussi haute que l'espaule droite, & la pointe des doids de la main, que tient l'espée en bas, assituant la pointe de l'espée droit l'œil gauche dudit Lieutenent, & la main gauche la tiendra sur sa cuisse gauche, & 70 tous les autres qui se voudront tenir sur ceste garde, se tiendront, & feront la geste 71 comme cedit Prevost comme est monstré cy dessus à a sa pourtraiture, cotté en chiffre 90.

La fin de la garde & tenue pour ledit Prevost.

Cy aprés le Lieutenent monstre au Prevost, comme il doit faire la seconde prinse, & pourtant ledit Lieutenent commence à ce faire.

⁷⁰ Suppression du doublement de l'esperluette dans « sa cuisse gauche, & & tous ».

⁷¹ Sic. Au xvi^e siècle, le genre des mots était encore indécis.

Seconde prinse pour le Lieutenent demonstrateur, contre le Prevost deffendeur.



Et pour ce faire, le Lieutenent fera, & se mettra comme dit est, en garde basse, sur le pied gauche, assituant la pointe de l'espée comme dit est, droit la braye ou ceinture du Prevost comme est cotté en chiffre cy dessus à leurs pourtraitures 89 & 90. Et pour faire, & executer ceste seconde prinse pour cedit Lieutenent, qui est assaillant demonstrateur, estant sur la garde basse, que dit est, advancera le pied droit, faisant semblant de tirer un maindroit ou estoc d'hault, provenant d'iceluy. Le Prevost se voyant ainsi chargé d'un tel coup, se vouldra deffendre, croisant & rabatant l'espée dudit Lieutenent & alors cedit Lieutenent advancera le pied gauche, & luy tirera un arrieremain sur sa teste. Le Prevost le vouldra rabatre de rechef de son espée, alors cedit Lieutenent advancera le pied gauche à un instant, & luy prendra la garde de son espée avec sa main gauche & luy presentera un estoc à son estomac, comme est monstré à sa pourtraiture cotté en chiffre au derriere de son col 91.

Voicy la fin de la seconde prinse, & demonstration d'icelle, pour ledit Lieutenent, contre le Prevost. Sensuit se que doit faire ledit Prevost, pour la seconde prinse contre ledit Lieutenent.

Et pour ce faire, ledit Prevost estant aussi sur le pied gauche, en garde moyenne comme est cotté cy dessus à sa pourtraiture en chiffre 90. Le Lieutenent ayant tiré un maindroit ou un estoc d'hault, à son obtion, le Prevost a tiré le pied gauche arriere & a croisé & rabatu l'espée du Lieutenent, du fort le foible, & voyant qu'il a esté circonvenu par la desmarche & prinse susdite dudit Lieutenent, ledit prochain Prevost voyant ladite circonvention, fait signe de sa main gauche qu'il veult detourner & rabbatre l'estoc que luy veult, & peult tirer ledit Lieutenent, comme est monstré cy dessus à sadite pourtraiture & figure plus prochaine cotté en chiffre au derriere de sa teste 92.

La fin de la seconde prinse qu'a fait ledit Lieutenent, au susdit Prevost, & ce qu'a peu faire icelluy.

Seconde prinse monstrée par l'Auteur au Lieutenent, & executée par iceluy, contre le Prevost, à celle fin qu'il en puisse faire autant à un autre.



Et pour ce faire, faut que cedit prochain Lieutenent, estant sur le pied droit avance le pied gauche, & tire un maindroit, ou estoc d'haut, sur le Prevost, le desrobant sur le renvers, passant l'espée par dessoubs la garde de l'espée du Prevost, & à un mesme instant, & temps advancera le pied gauche, & croisera l'espée du Prevost, du fort le foible, & luy prendra la garde de l'espée avec la main gauche, la tenant, faut tirer, & ainsi sera contraint de quitter icelle, voyant la pointe devant soy, & ainsi feront tous les autres quand on leur fera de mesme comme est monstré cy dessus à sa pourtraiture, cotté en chiffre au derriere du col 93.


Voyla la fin de ceste seconde prinse monstrée & executée par le Lieutenent au Prevost.

Et le Prevost se voyant ainsi surprins & pressé obviant à l'accident & danger qui peut advenir, est contraint de quitter l'espée & tirer le pied droit arriere, se preparant de la main droite & gauche, de rabatre l'estoc, que ledit Lieutenent luy veut tirer. Mais il n'a garde : car il ne le fait que pour luy monstrer comment il en pourra faire autant à un autre, imitant bien tout ce que luy a monstré ledit Lieutenent, ausdites prinses, comme est monstré cy dessus à la pourtraiture dudit prochain Prevost, cotté en chiffre au derriere du col 94.

Voila que faut que face & qu'a peu faire le Prevost, à cestedite seconde prinse contre le Lieutenent.

Cy aprés sera monstré par pourtraicture & escrit, comment le Lieutenent ayant monstré audit Prevost, le Prevost luy en fait autant, car ce n'est rien de scavoir qui ne le scait monstré.

Ceste seconde prinse, a esté monstrée & executée par ledit Lieutenent, & à present est executée par le Prevost contre son Lieutenent comme est monstré icy.



Sensuit icy la demonstration comment ce Lieutenent veut monstrer & de fait monstre, à faire au Prevost ceste seconde prinse sur l'espée seulle, & pour ce faire ledit prochain Lieutenent, estant sur le pied droit, a tiré un roide maindroit ou estoc d'hault sur l'espaulle gauche du Prevost, advançant le pied gauche, & voyant la promptitude & surpinse que par son moyen, & instruction qu'a executé le Prevost, le Lieutenent a esté contraint de retirer sondit pied droit, & quitter son espée qu'avoit à sa main droite, & de la main gauche rabattre l'espée du Prevost, ce Lieutenent se fust bien gardé s'il eut voulu que le Prevost ne luy eut fait ceste prinse, mais il a faint d'estre ignorant à celle fin que ledit Prevost luy fist cestedite prinse, comme est monstré cy dessus à la pourtraiture dudit Lieutenent cotté en chiffre au derriere de son bonnet 95.


Voila comment ledit Lieutenent a quitté son espée, voyant que le Prevost a bien faict comme luy avoit monstré cy dessus.

Sensuit la demonstration comment le Prevost doit faire, pour oster l'espée audit Lieutenent imitant de point en point ce que luy mesme luy a monstré & fait aux susdites prinses.

Et pour ce faire, le Prevost ayant fait un desdits quatre desgainemens, gardes & assituations, & demourant sur le pied gauche, & voyant que ledit Lieutenent luy a tiré un roide maindroit ou estoc d'haut, ledit Prevost ayant bon entendement, & souvenance de ce que luy avoit fait et monstré ledit Lieutenent ayant le cœur de mesme, a ledit Prevost incontinent & sans intervalle croisé de son espée celle dudit Lieutenent du fort le foible, & luy a presenté un estoc à la gorge ou à peu prés qu'a esté la cause que luy à quitté son espée comme est monstré cy dessus à la pourtraiture & figure dudit Prevost, cotté en chiffre au derriere du chappeau 96.

Voicy la fin de ceste seconde prinse executée par ledit Prevost contre ledit Lieutenent son instructeur, luy ayant monstré comme il debvoit faire.

Sensuit la garde & tenue pour faire la troisiesme prinse pour le Lieutenent, contre le Prevost.



Et pour ce faire, cedit Lieutenent ayant fait un desdits quatre desgainements tel qu'il luy a pleu, est demouré sur le pied gauche, en garde moyenne, tenant la main que tient l'espée la pointe des doids en bas, l'assituant droit le tetin gauche du Prevost, tenant la main gauche sur la cuisse gauche, comme est monstré cy dessus à sa pourtraiture, cotté en chiffre au derriere du chapeau 97.


Voila la fin, de la garde & tenue pour ledit Lieutenent, pour se preparer à faire ceste troisiesme prinse contre le Prevost.

Cy aprés est monstré la garde & tenue pour ledit Prevost.

La garde dudit Prevost est qu'il faut qu'aye fait mesme desgainement, que dessus est dit, à un desdits desgainements, & soit demouré sur le pied gauche, pour la premiere fois, & voyant que ledit Lieutenent se tient en garde moyenne, cedit Prevost se tiendra en garde haute, assituant la pointe de l'espée droit l'œil gauche dudit Lieutenent, tenant la main que tient l'espée les ongles en bas, & faut qu'il tienne bien l'espée plaine, qu'un dé puisse demourer dessus, sans qu'il puisse choir d'un costé ou d'autre, & ainsi les deux quillons de l'espée seront aussi hault l'un que l'autre, & ainsi faut que soit ladite espée en ladite garde haute, & moyenne, autrement on la tient faulse, & commet incongruité, & n'est si bien, estans autrement lesdits quillons de ladite espée seroient faulsement inventez comme est monstré cy dessus à sadite pourtraiture, cotté en chiffre au derriere de sa teste 98.

Voila la fin de la garde & tenue pour ledit Prevost, pour tirer le premier coup pour la troisiesme prinse.

Sensuit le premier coup, pour faire & monstrer la troisiesme prinse, pour le Lieutenent, & Prevost.



Et pour ce faire, faut & est necessaire que cedit Lieutenent soit sur le pied gauche, ayant fait tout ce qui y est requis, c'est à dire, comme la desmarche susdite, & un desdits trois desgainements. Et pour executer cedit coup advancera le pied droit, & tirera un estoc d'haut, sur l'espaulle gauche du Prevost, tenant la garde de l'espée mediocremement haute, tenant les ongles de la main que tient l'espée en bas, & la main gauche sur le tetin droit, comme est monstré cy dessus à sadite pourtraiture, cotté en chiffre 99. Et pour executer cestedite troisiesme prinse, faut à un mesme instant que ledit Lieutenent sans advancer le pied gauche, prenne l'espée du Prevost deffendant, estendant fort le bras gauche, le passant par dessus le droit, tenant le dessus de la main en haut, donnant le tour par dessous le bras ou coude, & presentant tout incontinent un estoc au visage du Prevost, comme est monstré cy dessus à sa pourtraiture cotté en chiffre 99.

Voila la fin de la troisiesme prinse pour ledit Lieutenent contre le Prevost.

Sensuit la deffence de ce susdit premier coup, pour faire & executer ladite troisiesme prinse pour le Prevost contre le Lieutenent.

Et pour ce faire, ledit Prevost aura ainsi fait un desdits desgainements, gardes, & assituations, avec la desmarche susdite, & demoure sur le pied gauche, & voyant ledit Prevost, que ledit Lieutenent à un mesme temps luy a tiré un maindroit d'haut, ledit Prevost estant sur le pied gauche, l'a tiré arriere, & a croisé l'espée, par laquelle ledit Lieutenent luy a tiré un maindroit, ou estoc d'haut, & la deffendu ledit Prevost par ce moyen, le rabatant du fort le foible, tenant la main que tient l'espée le dessus d'icelle main en bas, assituant la pointe droit le front dudit Lieutenent, tenant aussi sa main gauche droit & sus sa cuisse droite comme est monstré cy dessus à sadite pourtraiture, cotté en chiffre, 100.

La fin de la deffence & tuition de cedit coup, pour ce preparer à faire cestedite troisiesme prinse, pour ledit Prevost deffendant.

Troisiesme prinse monstrée, & executée par ce Lieutenent, contre le Prevost, à celle fin que le Prevost luy en sache, & puisse faire autant à l'advenir, & par consequent puis aprés à quelques autres.



Et à un instant sans bien peu d'intervalle pour gaigner le temps, ayant tiré ledit maindroit ou estoc comme dit est, & monstré cy dessus aux autres pourtraitures, cotté en chiffre, non à ce Lieutenent mais au susdits 99, & au Prevost 100, faut que cedit Lieutenent prenne l'espée du Prevost avec sa main gauche, tournant le dessus d'icelle main en bas & le creux en haut, la tenant plate, les doids estandus, l'apuyant le long du bras, par dessous le coude, haulsant bien haut pour la luy faire quitter, & faire perdre du poin, comme il fait, presentant un estoc au visaige dudit Prevost, & en ce faisant sera contraint de quitter l'espée, comme est monstré cy dessus à la pourtraiture dudit Lieutenent cotté en chiffre au derriere du col 101.

La fin de la ladite troisiesme prinse pour ledit Lieutenent, contre le Prevost.

Sensuit ce que faut que le Prevost face, ledit Lieutenent luy monstrant comment il a fait.

Et pour ce faire, ledit Lieutenent ayant fait comme dit est en plusieurs lieux, cy dessus & discouru, qui est que ledit Prevost doit avoir fait, comme il a une des gardes & desgainemens cy dessus, & est demouré sur le pied gauche & voyant ledit Prevost que ledit Lieutenent a advancé une desmarche pour luy tirer un maindroit ou estoc d'hault, & que tout à un coup, luy a prins l'espée dont cedit Prevost a esté contraint de la quitter voyant que ledit Lieutenent luy presentoit un estoc au visaige, parquoy ledit Prevost tient sa main gauche droit le tetin gauche, preste pour rabattre & detourner d'icelle l'espée dudit Lieutenent qui est un estoc ou doit estre au visaige, comme le tout est monstré cy dessus à la pourtraiture dudit prochain Prevost cotté en chiffre au derriere du bonnet 102.

Voyla la fin de la troisiesme prinse faicte & executée par ledict Lieutenent & de ce qu'a peu faire ledict Prevost, estant ainsi surprins par ledit Lieutenent, son maistre.

Troisiesme prinse, monstrée cy dessus par ledit Lieutenent au Prevost, & est icy executée par le Prevost, comme appert.



Et pour ce faire, le Lieutenent luy ayant tiré un maindroit, ou estoc d'hault, advançant le pied droit, ayant fait comme est monstré cy dessus en plusieurs coups, la desmarche, garde & assituation, telle que luy a pleu, & incontinent, le Lieutenent ayant tiré ledit maindroit, ou estoc d'hault, le Prevost a tellement deligenté qu'il a executé cestedite prinse, dont ledit Lieutenent a esté contraint de quitter l'espée. Et voyant que le Prevost luy vouloit tirer un estoc au ventre, ledit Lieutenent comme dit est, luy a esté forcé de quiter son espée, & de la main gauche faisant semblant de rabatre l'espée du Prevost comme est monstré cy dessus à sa pourtraiture, cotté en chiffre 103.

Voyla la fin de la contreprinse qu'a fait ledit Prevost audit Lieutenent comme il appert.

Sensuit cy aprés comment doit faire le Prevost, pour executer ladite troisiesme prinse contre ledit Lieutenent.

Et pour ce faire, ledit Prevost estant sur la desmarche du pied gauche, ledit Lieutenent tirera un maindroit, ou estoc d'hault, à sa liberté, sur l'espaulle gauche dudit Prevost, ou au tetin gauche. Mais pour annuller quelque coup qu'il puisse tirer, faut & est besoin que ledit Prevost tire le pied gauche arrière, & croise de son espée, celle dudit Lieutenent, du fort le foible & sus ce mesme pied droit à un mesme instant passera ledit Prevost, l'espée par dessous l'espée dudit Lieutenent, laissera tomber la pointe dessus le bras dudit Lieutenent, & sans intervalle prendra de sa main gauche l'espée dudit Lieutenent, du plat de sa main haussera en haut l'ayant passée par dessous le coude pour la luy faire perdre de la main, luy presentant un estoc à son ventre comme est monstrée cy dessus à la pourtraiture dudit Prevost, cotté en chiffre au derrière du col 105.

Voyla la fin de la troisiesme prinse pour ledit prochain Prevost deffendeur contre ledit Lieutenent.

Cy aprés sera monstrée la tenue, & garde, pour le Lieutenent & Prevost, pour faire & executer la quatriesme & derniere prinse de ceste espée seule. Il en y a d'autres mais à l'autre impression ne sera rien obmis ne laissé.⁷²

⁷² L'auteur annonce ici une prochaine édition augmentée de son œuvre qui n'a *a priori* jamais eu lieu.

Tenue & garde de la quatriesme, & derniere prinse, pour le Lieutenent assaillant, contre le Prevost deffendant.



Et pour bien traiter de ceste susdite garde & quatriesme prinse pour le Lieutenent, faut qu'il aye fait ainsi la desmarche, desgainement, & garde, que dessus, à un desdits desgainements. Et à cestuy cy est besoing que ledit Lieutenent soit sur le pied gauche, en garde haute, tenant le dessus de la main que tient l'espée en haut, & les ongles en bas, assituant la pointe de l'espée droit la bouche du Prevost, tenant la main gauche sur son giron gauche, comme est monstré cy dessus à sa pourtraiture, cotté en chiffre 105.

La fin de la garde pour faire un coup, pour executer ceste quatriesme prinse pour le Lieutenent.

Il sera cy aprés monstré la garde & tenue, pour deffendre un coup, qui sera un maindroit, ou estoc d'hault, tiré par ledit Lieutenent, contre le Prevost, pour faire la quatriesme prinse.

Pour ce faire, faut qu'il aye aussi fait un desdits trois desgainements, & estant sur le pied gauche, se tiendra ledit Prevost en garde moyenne, qui est la plus superlative, tenant le dessus de la main que tient l'espée en haut, assituant la pointe d'icelle droit le tetin gauche dudit Lieutenent, & la main gauche droit son giron, comme est monstré cy dessus en sa pourtraiture, cotté en chiffre 106.

Voila la fin de la description, & tenue pour ledit Prevost.

Maindroit ou estoc d'haut, tiré par le Lieutenent, & deffendu par le Prevost, que faudra reiterer au Lieutenent, pour executer la quatriesme prinse contre le Prevost.



Et pour ce faire, faut que cedit prochain Lieutenent estant sur le pied gauche, en garde haute comme est monstré cy dessus à son autre pourtraiture, cotté en chiffre 105, voy en son lieu. Et pour executer ce coup, qui est un maindroit, ou estoc d'hault, au chois dudit Lieutenent, advancera le pied droit, & tirera un roide estoc au visage du Prevost, tenant la garde de l'espée aussi haute que l'espaulle droite, & le dessus de la main que tient l'espée en bas, & la main gauche au devant son menton, comme est monstré cy dessus à sa pourtraiture, cotté en chiffre 107.

La fin de cedit coup pour ledit Lieutenent assaillant.

Moyen de soy deffendre, au Prevost de ce susdit maindroit, ou estoc d'hault, tiré par ledit Lieutenent, pour puis aprés executer ladite quatriesme prinse.

Et pour ce faire, faut que ledit prochain Prevost estant sur le pied gauche, en garde moyenne, comme est monstré cy dessus à sa pourtraiture, cotté en chiffre 106. Et pour la deffence de cedit maindroit, ou estoc d'hault, tiré par ledit Lieutenent, est besoin, & faut que cedit prochain Prevost tire le pied gauche arriere, & croise de son espée celle dudit Lieutenent, soit maindroit, ou estoc d'haut, du fort le foible, tout ainsi comme on a fait cy dessus à une desdites opposites & suittes, & presenter un estoc au visage dudit Lieutenent, tenant le dessus de la main que tient l'espée en bas, & les ongles en hault, & la main gauche droit son tetin, assituant la pointe de l'espée droit la bouche dudit Lieutenent comme est monstré & fait cy dessus à la pourtraiture dudit Prevost, cotté en chiffre au derriere du col 108.

Voyla comment ledit Prevost s'est bien gardé de ce susdit coup, tiré par ledit Lieutenent.

Cy aprés sera monstré ladite quatriesme, & derniere prinse, qui est fort subtile, pour faire quitter les armes à son adversaire, qui sera moyennant un maindroit, ou estoc d'hault, qu'on tirera, qui servira d'espion pour apporter ignorance ou scavoir. Car s'il est ignorant, & mal adroit, facilement se pourra faire, & s'il est adroit faut faire une fainte comme se verra cy aprés en son lieu à la declaration du Lieutenent, qui la fera pour la monstrer au⁷³ Prevost.

⁷³ Proposition de correction pour « ou ».

Quatriesme prinse monstrée par le Lieutenent, assaillant, au Prevost deffendant, comme voicy clairement monstré, & cy dessous par escrit declaré.



Et pour ce faire, le Lieutenent estant sur le pied gauche, comme est monstré cy dessus à sa pourtraiture, à la tenue & garde susdite cotté en chiffre 105, a advancé le pied droit, & a tiré un maindroit ou estoc d'haut pour espion, sur le costé gauche du Prevost, comme est dit & monstré cy dessus à la pourtraiture du Lieutenent cotté en chiffre 107, & voyant ce Lieutenent que le Prevost s'est deffendu de ce maindroit ou estoc d'hault, a cedit prochain Lieutenent pour faire ceste prinse desrobé son espée, d'un maindroit par dessous l'espée du Prevost, & luy a laissé tomber ce Lieutenent son espée dessus le bras du Prevost, tournant les ongles de la main que tient l'espée en haut, & avec la main gauche prend l'espée du Prevost, auprés de la pointe. Ce fait, ce Lieutenent parle au Prevost & luy dit, escoute si je voulois baisser & peser ma main gauche en bas tu serois contraint de quitter ton espée, comme tu me pourras faire, & de fait le feras, comme se verra cy aprés moyennant que tu face comme est monstré cy dessus à ladite prochaine pourtraiture & figure dudit Lieutenent, cotté en chiffre 109.

Voila la fin de ladit quatriesme & derniere prinse pour ledit Lieutenent demonstrateur contre le Prevost deffendeur.

Sensuit ce qu'a peu faire ledit Prevost, ne scachant aucune contreprinse. Car à toute prinse il y a une contreprinse, ce qu'il n'a fait cy dessus, mais cy aprés il le fera moyennant l'intelligence que luy a donné ledit Lieutenent.

Et pour ce faire, ledit prochain Prevost estant sur le pied gauche, en garde moyenne, comme est monstré cy dessus à sa pourtraiture cotté en chiffre 106, a ledit Prevost pour apprendre à faire ceste susdite prinse, tiré le pied gauche arriere & demouré sur le pied droit, & a croisé le maindroit ou estoc d'hault, que luy a tiré ledit Lieutenent, mais ledit Lieutenent l'ayant circonvenu par un maindroit desrobé, pour parvenir à sadite prinse, a ledit Lieutenent rendu ledit Prevost à l'extremité de quitter son espée, & s'il eust voulu, il la luy eust fait perdre de la main mais la luy a encores laissée. Toutefois ledit Prevost a fait comme il a peu estant circonvenu comme est monstré cy dessus à sa pourtraiture cotté en chiffre 110.

La fin de ce qu'a peu faire ledit Prevost contre ledit Lieutenent son instructeur.

Quatriesme & derniere prinse, executée par le Prevost deffendeur contre le Lieutenent son demonstrateur, comme icy appert par ces pourtraitures, luy monstrant ce que luy a fait cy dessus.



Et pour ce faire, faut que ce Lieutenent soit sur le pied gauche, comme dessus est dit, & advançant le pied droit tirera un maindroit ou estoc d'hault, à son chois, comme est monstré cy dessus à d'autres pourtraitures du mesme Lieutenent cotté en chiffre 107, & ayant ce Lieutenent prochain tiré un desdits coups, ce Prevost luy a fait de mesme que dessus. Ledit Lieutenent luy a fait comme appert à sa pourtraiture cotté en chiffre 109, mais à ceste prinse icy, ledit Lieutenent a esté contraint de quitter son espée & de sa main gauche veut rabatre l'espée du Prevost, lequel luy veut tirer un estoc, comme appert à sa pourtraiture cy dessus cotté en chiffre au derriere du col 111.

La fin de ce qu'a fait cedit Lieutenent ayant monstré au Prevost comment faut qu'il face ceste prinse.

Sensuit l'execution de ceste quatriesme & derniere prinse de cestedicte espée seulle pour le Prevost contre ledit Lieutenent sondit demonstrateur.

Et pour ce faire, faut que ledit prochain Prevost, soit sur le pied gauche, & quant il verra que ledit Lieutenent ou autre assaillant, tirera un maindroit ou estoc d'haut, advançant le pied droit, ledit Prevost tirera son pied gauche arriere, & à un mesme temps, desrobera son espée, par dessous la garde de l'espée dudit Lieutenent, & avec un bien peu d'intervalle, laissera tomber la pointe de l'espée sur celle dudit Lieutenent, & incontinent prendra ledit Prevost la pointe de l'espée dudit Lieutenent avec sa main gauche, & la passera & baissera en bas, & ainsi sera contraint ledit Lieutenent de quitter sadite espée, comme est monstré cy dessus à la pourtraiture dudit Prevost cotté en chiffre 112.

Voici la fin de cestedit quatriesme & derniere prinse de ladite espée seulle, tant par ledit Lieutenent assaillant que pour ledit Prevost deffendant.

Cy aprés seront monstrez quelques bon & subtils coups particuliers extraits des susdits coups de ladite espée seule que j'appelle les subtilitez qui se peuvent faire & font, tant en assaillant qu'en deffendant.

Garde & tenue, pour faire & executer les subtilitez de ceste espée seule, tant pour le Lieutenent assaillant, que pour le Prevost deffendant.



Et pour ce faire, faut que ce Lieutenent demonstrateur, ayant fait un desdits desgainements, desmarche, garde, assituation, il sera sur le pied gauche, en garde haute, tenant la main de l'espée aussi haute que l'espaulle droitte, & le dessus d'icelle en haut, & les ongles en bas, assituant la pointe de l'espée au visage du Prevost, & la main gauche dessous son bras de l'espée, comme est monstré cy dessus à sa pourtraiture, cotté en chiffre au derriere de son bonnet 113.

La fin de la tenue & garde pour ledit Lieutenent assaillant.

Sensuit la definition, garde & tenue pour ledit Prevost.

Et pour ce faire, faut que ledit Prevost face un desdits desgainements, tels qu'il luy plaira, & se tienne sur le pied gauche, en garde basse, tenant la garde de son espée sur le genoil gauche, assituant la pointe d'icelle droit la ceinture, ou braiette dudit Lieutenent, le tranchant en bas, & la main gauche droit le tetin gauche, comme est monstré cy dessus à sa pourtraiture, cotté en chiffre 114.

La fin de ladite garde pour ledit Prevost.

Premier coup, qui est un maindroit de bas, tiré par le Lieutenent, qui sert d'espion, pour raporter ignorance ou scavoir, contre le Prevost.



Et pour ce faire, ledit Lieutenent estant sur le pied gauche en garde haute comme est monstré cy dessus à sa dite garde, & tenue desdites subtilitez cotté en chiffre 113. Et pour faire, & bien executer cestedite subtilité pour le Lieutenent demonstrateur, advancera ledit Lieutenent le pied droit, & tirera un maindroit de bas au jarret, qui servira d'espion, pour raporter ignorance ou scavoir de celuy contre qui tel coup sera tiré, car s'il est ignorant, croisera espée contre espée & s'il est scavant il tirera un maindroit sur le bras de l'espée. Mais il est bon à veoir que ce Prevost est ignorant, attendu qu'il croise de son espée celle dudit Lieutenent : monstrera au Prevost la faute qu'il a fait, attendu qu'au lieu qu'il a rabbatu de l'espée, devoit tirer un maindroit sur le bras, comme il fera cy après. Mais à ce coup il croise l'espée, comme est monstré cy dessus à sa pourtraiture, cotté en chiffre 115.

Voicy comme ledit Lieutenent a tiré un maindroit de bas, au jarret, pour voir l'ignorance.

Sensuit la deffence de ce coup pour ledit Prevost.

Et pour ce faire, faut que ledit Prevost aye fait mesme desmarche garde, & assituation, que dessus est monstrée, à la pourtraiture dudit Prevost, cotté en chiffre 114. Et pour se deffendre de ce coup, qui est un maindroit de bas au jarret, à luy tiré par ledit Lieutenent, Ledit Prevost estant ignorant comme beaucoup de demonstrateurs, a tiré le pied gauche arriere, & a croisé de son espée l'espée dudit Lieutenent, qui n'est à presumer ignorance, mais l'estre tout à fait, attendu qu'il a laissé le propre, & prend l'impropre, qui est dit & monstré cy dessus à sadite pourtraiture, cotté en chiffre au derriere dudit Prevost 116.

Voyla comment ledit Prevost se deffent de ce premier coup, tiré par ledit Lieutenent. Mais il s'en deffend comme il l'entend, & comme le monstrent plusieurs, suivant la nature humaine car elle en fait autant sans avoir jamais aprins aucun art.

Traité de l'épée seule de Saint-Didier

Garde & tenue pour le Lieutenent & Prevost, pour monstrer par ce Lieutenent au Prevost, comment il faut qu'il face desormais, & non comme il a fait au precedent coup.



Et pour ce faire, faut aussi que cedit Lieutenent aye fait un desdits trois desgainements, lequel luy aura pleu, & ce fait ledit Lieutenent est demouré sur le pied gauche, en garde moyenne, assituant la pointe de son espée droit le tetin gauche, tenant le dessus de la main que tient icelle en haut, & la main gauche dessous le bras de l'espée, comme est monstré cy dessus à sa pourtraiture, cotté en chiffre 117.

La fin de la garde dudit Lieutenent, pour faire & executer ladite subtilité, suivant l'ignorance qu'a veu ledit Lieutenent audit Prevost, cotté en chiffre 115, & 116.

Sensuit l'escript pour scavoir faire la tenue & garde, dudit Prevost pour executer ladite subtilité, par ledit Lieutenent, la monstrant au Prevost, comme se verra cy aprés au prochain coup.

Et pour ce faire, faut que ledit prochain Prevost aye fait aussi la desmarche qu'a fait cy dessus ledit prochain Lieutenent, son demonstrateur, & un desdits desgainemens, & soit demouré sur le pied gauche, en garde haute, tenant aussi la garde de l'espée, & le dessus de la main que tient icelle, en haut, assituant la pointe droit la face, tenant sa main gauche, droit son tetin, comme est monstré cy dessus à la pourtraiture dudit Prevost, cotté en chiffre 118.

Voyla la fin, garde, & tenue, pour ledit Prevost.

Premier coup de ladit subtilité, qui est sur le premier coup de ladite espée seulle, icy monstrée par ce Lieutenent & executée par ce Prevost.



Ce present Lieutenent, pour bien faire & monstrer au Prevost cedit maindroit, premier coup de l'ordre de ladite espée seulle, & de cestedite subtilité, faut, estant sur le pied gauche, qu'il advance le pied droit, & tire un maindroit de bas au jarret du Prevost, tenant sa main gauche droit le visaige, comme est monstré⁷⁴ cy dessus, à sa pourtraiture cotté en chiffre 119.

La fin de ce premier coup qui est un maindroict de bas, tiré par cedit prochain Lieutenent & deffendu par le Prevost, & executé par iceluy, là ou il faut.

Sensuit tout ce que faut que face cedit Prevost pour soy deffendre & offencer, à un mesme temps, de cedit maindroit de bas au jarret, tiré par ledit Lieutenent contre cedit Prevost.

Et pour ce faire, le Prevost estant en garde haute, comme est monstré cy dessus à sadite autre pourtraiture, cotté en chiffre, 118, a maintenant cedit Prevost ayant veu, que ledit Lieutenent luy avoit tiré un maindroit, de bas au jarret gauche, ledit Prevost à ce coup congnoissant qu'il avoit mal fait de rabattre de l'espée, & que la seulle desmarche suffisoit à le garantir de ce maindroit, & à ce coup cedit Prevost en tirant le pied gauche arriere, à un mesme temps deffendu, cedit maindroit venant de sadite garde haute, sur le bras de l'espée du Lieutenent, & presente encores un estoc, à la braye dudit Lieutenent, tenant la garde de l'espée assez haute & les ongles d'icelle main en haut & sa main gauche droit le tetin gauche, comme est monstré cy dessus à sadite pourtraiture, cotté en chiffre 120.

La fin de ceste subtilité pour ledit Prevost & de tout ce qu'a fallu qu'il aye fait, suivant l'instruction dudit auteur & de sondit Lieutenent.

Page 88 sur 97

⁷⁴ Proposition de correction pour « mostré »

Traité de l'épée seule de Saint-Didier

Garde & tenue basse, pour executer & faire le second coup desdites subtilitez, qui est un renvers de bas, estant sur le pied droit, lequel servira d'espion, pour rapporter ignorance ou scavoir, tant pour le Lieutenent assaillant, que pour le Prevost deffendant.



Pour bien & adextrement executer cestedite seconde subtilité pour cedit Lieutenent, faut qu'il aye fait un desdits desgainemens, & pour tirer ce second coup faut que ledit Lieutenent soit sur le pied droit, en garde basse, le trenchant de l'espée en bas, et la garde de l'espée sur son giron droit, assituant la pointe de l'espée droit la cuisse droite du Prevost, tenant sa main gauche droit sa brayette, comme est monstré cy dessus à sa pourtraiture, cotté en chiffre 121.

La fin de la declaration de la garde pour ledit Lieutenent.

Sensuit la garde & tenue pour ledit Prevost, & declaration d'icelle.

Et pour ce faire, faut que ledit Prevost aye fait mesme desmarche & desgainement, & presque garde, & qu'il se tienne, & soit sur le pied droit, tenant la garde de l'espée sur sa cuisse droite, assituant la pointe de l'espée droit la braye dudit Lieutenent, ou à peu prés, tenant le trenchant de l'espée en bas, & sa main gauche la tient auprés de sa ceinture, la pointe des doids auprés de la braye comme est monstré cy dessus à sa pourtraiture, cotté en chiffre, 122.

La fin & tenue pour ledit Prevost.

Le second coup, qui est un renvers de bas, qui servira d'espion pour mieux faire & executer la seconde subtilité, pour le Lieutenent, contre le Prevost.



Et pour ce faire, faut que ce Lieutenent soit sur le pied droit, en garde basse comme est cotté cy dessus aux autres pourtraitures, & cotté à celle dudit Lieutenent en chiffre 121. Et estant sur icelle desmarche, & garde, face semblant de tirer un estoc au visage du Prevost, & à un mesme instant advancera le pied gauche, & tirer un arrieremain au jarret droit du Prevost, tenant la garde de l'espée un peu haute, & tenir la main gauche au desous le bras de l'espée comme est monstré cy dessus à sa pourtraiture, cotté en chiffre au derriere de son bonnet 123.

La fin de ce coup, qui est un renvers de bas, qui sert d'espion pour ledit Lieutenent, pour rapporter ignorance, comme il fait, & non scavoir.

Sensuit ce que fait ledit Prevost, pour la deffence de cedit renvers de bas, tiré par ledit Lieutenent.

Et pour ce faire, le Prevost estant aussi sur le pied droit en garde basse, comme est monstré à sadite pourtraiture cotté en chiffre 122, & à ce coup ledit Lieutenent ayant avancé le pied gauche, pour tirer un arrieremain de bas au jarret du Prevost, lequel se voyant chargé d'iceluy, a tiré ledit Prevost, le pied droit arriere, & a croisé de son espée celle dudit Lieutenent, comme ignorant, & comme font encores pour le jourd'huy aucuns ignorans demonstrateurs, mais les adroits & doctes ne le font plus au moins doibvent faire, car il faut gaigner le temps en toutes choses, & principallement en cest art des armes, comme sera monstré cy aprés & tient cedit Prevost sa main gauche droit sa poictrine, comme est monstré à sadite pourtraiture cotté en chiffre 124.

La fin du coup faux, qu'a fait ledit prochain Prevost car il a laissé le propre & prins l'impropre.

Second coup qui est un renvers sur le bras du Prevost tiré & executé par ce prochain Lieutenent contre le Prevost, monstrant que luy en pouvoit faire autant, & non rabattre de l'espée, comme il a fait cy dessus aux prochaines pourtaitures.



Et pour ce faire, cedit Lieutenent estant sur le pied droit en garde basse, comme est dit & monstré cy dessus cotté en chiffre 121. Et estant ledit Lieutenent sur ledit pied droit faira semblant de tirer un estoc au visaige dudit Prevost & advançant le pied gauche faira semblant de tirer un arieremain au jarret, le Prevost le vouldra rabattre comme il a fait espée contre espée. Ce Lieutenent voyant ce, remontera son espée, & tirera un arrieremain sur le coude du bras de son espée, tenant sa main gauche au dessous le bras de son espée, comme est monstré cy dessus à sadite pourtraiture au derriere de son bonnet, cotté en chiffre 125.

La fin de ce renvers executé, & monstré par ledit Lieutenent au Prevost.

Sensuit qu'a fait ledit Prevost.

Ledit Prevost estant sur le pied droit, en garde basse, comme est cotté à sadite pourtraiture en chiffre 122, devoit ledit Prevost en tirant son pied droit arrière, tirer un renvers sur le bras dudit Lieutenent, & non croiser de son espée celle dudit Lieutenent, comme il a fait retournant rabbatre comme au susdit coup qui est la cause que ledit Lieutenent luy a tiré un renvers sur son coude, au bras que tient son espée, & tient cedit Prevost sa main gauche droit son tetin gauche, comme est monstré cy dessus à sadite pourtraiture cotté en chiffre, au derrière de son col 126.

La fin de ce qu'a fait ledit Prevost contre ledit Lieutenent, pour la deffence de cestedite seconde subtilité.

Sensuit un autre fort bon & subtil coup, laissant le renvers sur ledit bras, & venant d'un estoc au ventre, croisant du fort le foible, l'espée dudit Prevost comme est monstré icy par l'auteur au Prevost & par consequent le Prevost l'apprendra dudit Lieutenent.

Autre fort bon, & subtil coup pour le Lieutenent contre le Prevost, laissant ledit arrieremain sur le coude & tirer un estoc au ventre, comme est monstré icy.



Pour bien faire & executer cedit coup en estoc, qui est un coup subtil, & fort bon, est besoin, & faut que cedit Lieutenent soit sur le pied droit, & y estant advancera le pied gauche, & fera semblant de tirer un arrieremain de bas au jarret du Prevost, le Prevost le pensera rabattre alors le Lieutenant advancera le pied gauche et au lieu de tirer sur le bras, comme il a fait au coup precedent, croisera du fort de son espée au milieu de l'espée du Prevost, & luy presentera un estoc au ventre, & tiendra sa main gauche au dessous le coude du bras de son espée, comme est monstré cy dessus à sa pourtraiture, cotté en chiffre au derriere du pennache de son chappeau 127.

Voila ce que doit faire ledit Lieutenent pour bien executer & monstrer cedit coup en facon d'estoc au Prevost.

Sensuit ce que doit faire le Prevost pour le dernier coup de ceste espée seule.

Et ledit prochain & dernier Prevost, de tout cedit traité, estant sur le pied droit, a veu que le Lieutenent luy vouloit tirer un arrieremain de bas au jarret, ledit Prevost a tiré le pied droit arriere, & pensant tirer un arrieremain sur le bras de l'espée dudit Lieutenant, comme luy avoit esté monstré par luy cy dessus à la pourtraiture dudit Prevost, auquel est cotté en chiffre 125, & icy le Prevost s'est trouvé frustré de ladite execution de sondit renvers, qu'il pensoit bien faire attendu que ledit Lieutenant luy a rabatu, du fort le foible, & luy a presenté un estoc, mais cecy a esté fait par ledit Lieutenent monstrant au Prevost qu'il peut faire les deux susdits coups renvers estoc susdits, & tient cedit dernier Prevost sa main gauche droit le tetin pour rabbattre l'espée dudit Lieutenent, attendu que la luy a croisée du fort le foible, & ne la peut deffendre qu'il ne tire un estoc, si ce n'est de sadite main gauche, comme est monstré cy dessus à sa pourtraiture cotté en chiffres auprés du pennache de son bonnet 128.

Voicy la fin & deffence de cedit coup pour ce dernier Prevost, contre ledit Lieutenent, & de tous les autres contenuz en ce traité de ceste espée seule, comme dit est, mere de toutes armes.

Fait & composé par Henry de Sainct Didier, Escuyer, Gentilhomme Provencal.

Sensuit cy aprés un traité composé par l'Auteur, qui est de la paulme avec les armes, avec les points & raisons cy aprés declarez.

Sensuit un traité sur l'exercice, & certains points requis de scavoir au jeu de la paulme, pour tous ceux qui l'aiment, composé par ledit Auteur, attendu que y est requis mesme desmarche, & scavoir, mesmes coups que ausdites armes, comme ce verra par iceluy traité, & la fait ledit Auteur à cause de ladite affinité & sympatie qu'ils ont ensemble, joint pour bailler advertissement, & instruction aux indoctes, & qui n'entendent les termes de cedit exercice, & non pour les doctes & adroits.

Ledit auteur ayant consideré, que la paulme, & les armes, sont cousins germains bien proches, comme a esté dit cy dessus, & qui scaura bien jouer à ladite paulme facillement auroit aprins à tirer coups d'espée, & à l'opposite, mais l'un vaut mieux que l'autre, qui sont les armes, car elles conservent la santé & honneur de ceux qui ont peur de la perdre. Quelqu'un pourroit dire, pourquoy lesdites armes, & ceste paulme sont cousins germains? L'Auteur respond à cela, & dit, que de mesmes coups que on tire ausdites armes pour vaincre son ennemy au temps de paix ou de guerre, d'autant aussi de mesmes coups on peult vaincre sa partie adverse quant il veut faire quelque partie pour luy gaigner son argent, ou quelque banquet, qui sont.

- 1. Maindroit
- 2. Renvers
- 3. Estoc

Bien est vray, qu'il faut oster un desdits coups, qui est l'estoc, & n'en demeurera que deux qui sont.

- 1. Maindroit
- 2. Renvers

La raison pourquoy j'oste ledit estoc est, attendu que la raquette n'a point de pointe, & par ainsi on n'en scauroit faire un estoc.

Bien est vray, que quelques fois, on fait quelque coup, & rabat on de la raquette, quand l'eteuf vient droit le visage ou plus haut, qui est qu'on detourne l'eteuf, & on le rabat de la raquette quand il vient d'hault, ou au visage la tenant droite, & non penchante ne du costé droit, ne du costé gauche, & pourtant à cedit jeu de paulme il n'y a que lesdits deux susdits coups, maindroit & renvers. Mais il les faut multiplier proprement en 4 lieux, d'hault & de bas, comme par exemple, maindroit de bas, & maindroit d'haut, renvers de bas & renvers d'hault & par ainsi les faut bien dextrement & avec grace les sçavoir tirer car ils se tirent tout ainsi que font ausdites armes. Et les sachant bien adextrement tirer fault bien observer le dit de nos ancestres, bons joueurs de paulme, (qui dient,) qui par le bond delaisse la vollée, jamais bon joueur estimé ne sera, c'est à dire qui fault prendre icy un bon advertissemens, qui est que quant on peut prendre la volée, jamais ne faut s'attendre au bond. La raison par ce qu'à un bond, il peut intervenir plusieurs accidens, & à la volee, jamais, si on est si bien exercé, & qui soit seur.

L'accident que peut advenir à ladit volee, c'est de rabatre du bois de la raquette, mais cela n'est accident, ains c'est une faute commise par celuy qui donne du bois, & non du dedans de la raquette à l'esteuf. À ceste cause je veux advertir ceux qui ne sont encores seurs du bond, qui s'exercent à ladite volee, car elle ne faut jamais mais se sont ceux qui la faillent, & si on la faut, on a encores recours audit bond, & pourtant qui peut, faut toujours prendre ladite volée, & non ledit bond.

Cy aprés seront declarez les poincts qui sont fort necessaires en cedit jeu, & exercice de la paulme, qui faut bien observer.

Le premier est requis à un qui veut assaillir un autre, & faire partie de consequence, de prendre des soulliers avec des mulles plombees, ou bien pesantes, & les porter deux ou trois heures, avant que commencer sa partie, ce temps passé, tel vient à laisser cesdites mulles pesantes & se contante de ses soulliers, ou il se fait bailler des chaussons legers, qui soyent bien à son point, & en ce faisant, tel ou tels se trouverons plus dispos & adextres que ceux que ne le feront, l'experience est la maistraisse de tous arts.

Le second est requis en se jeu de demander le premier des raquettes & choisir la meilleure & qui soit legere & bien à la main. Car tout ainsi que ausdites armes est requis une espée legere, & une dague pesante, aussi à la paulme faut avoir une raquette legere & l'eteuf pesant, pesant (inquant⁷⁵) ne trop, ne trop peu, car toute chose ou il y a trop, ou trop peu ne vault rien.

⁷⁵ Du latin médiéval « inquinatum » signifiant « pour combien »

Traité de l'épée seule de Saint-Didier

Le troisiesme point est requis, & fault bien regarder que quant on sera dedans le jeu de paulme d'avoir une autre raquette que celle dequoy on se veux aider, & dire à la partie adverse, jettons la raquette, pour voir qui sera dedans ou dehors, & alors dira jettez la vostre, s'il te donne liberté jette la meschante, & non la bonne, & pour cause que sera cy aprés declarée, & s'il veult jetter la sienne, laisse la luy jetter car la jettant les cordes s'afoiblissent, s'afoiblissant elle se gaste, attendu que les cordes se destendent, & par ainsi elle ne pourra servir cy bien quelle eut fait auparavant. On pourroit dire, on en demandera un autre, responce, à ce possible n'en pourra trouver si bien à la main que celle qu'avoit trouvé auparavant que n'a voulu contregarder, car bien souvent une raquette est le gain de la partie, comme une bonne espée est aussi le gain que on vaincra son ennemy.

Item le quatriesme, ayant bien observé tout ce que dit est, reste à scavoir sur quelle desmarche, il se faut tenir pour bien executer ledit art de ladite paulme, & pour bien servir l'eteuf sur le toit, & donner mauvais jeu le plus qu'on pourra tout le long du jeu. Je dis que pour le bien pratiquer tous lesdits coups, estans multipliez & pour bien servir, il se faut tenir sur le pied gauche pour la premiere fois, & presque tousjours en faisant la pirouette sur icelluy: cherchant l'eteuf du costé qu'il ira. Quelqu'un pourroit dire je ne scay pas où ira l'eteuf, & n'en puis juger. Fault consideré qu'aucuns quand ils jugent de l'éteuf où il sera tiré par leur partie adverse, le regardant à la veue, & par la jugent où il le veult tirer, cela est fort bon. Mais j'en donneray un qui sera meilleur, & la raison apparente. Ce jugement susdit est souvent deceptif car par la veue, on ne peut juger seurement ce que l'interieur veult faire & executer, qui est de conduire & jetter l'esteuf. Je dy que pour bien juger de l'esteuf où partie adverse le pourra jetter, ne le fault regarder à sa veue car il te decepvra par icelle mais bien regarde l'esteuf que auras servi, & ne le pers jamais de veue car ledit esteuf, qui est l'exterieur est conduit & mené sans fallace par l'interieur, & volonté de ta partie adverse, & pourtant estant bien seur de ta main, sans faulte vaincras ta partie adverse aisément, & non regardant la veue, car la regardant tu penseras qu'il te jette l'esteuf à l'opposite de son regard, & son interieur sera tout autrement, & pourtant voila, regardant la veue de tadite partie adverse, tu pourras estre deceu, & regardant l'éteuf ne le seras jamais. Et c'est l'argument que j'ay dit ausdites armes, qui fault regarder la pointe de l'espée, & non la veue de l'homme.

Je ne mets cesdites raisons pour ceux qui les entendent, mais au contraire pour ceux qui ne les entendent.


J'ay bien voulu parler de la paulme par ce que le brave qui est un des bons joueurs en icelle m'est venu voir deux ou trois fois seullement, & ayant bien aprins deux ou trois coups, il a augmenté son adresse presque de quinze, & tire ledit brave un avantmain & arrieremain de fort bonne grace, & par ainsi la paulme & lesdites armes, comme dit est, ont une grande affinité.

FIN.

Amy lecteur.

Qui d'entre vous acheptera de ces livres, & n'y trouvera le nom surnom & paraffe de l'Aucteur escrit de sa main, tels livres ne seront vendus par la volonté d'iceluy, à ceste cause, il vous prie les luy faire apporter en sa maison, & il vous rendra l'argent qu'ils vous auront cousté, luy disant qui vous les aura vendus, & si vous en donnera autant, que luy en apporterez, qui ne vous cousteront rien, & outre vous monstrera ledit auteur & declarera le contenu d'iceluy, qui ne vous coustera rien pour avoir recours par justice à l'encontre de ceux qui tels livres auront vendus & luy ferez plaisir.

<Paraphe version de Blois>



<Paraphe fac-similé de l'exemplaire de la BNF>

<Pararaphe reproduit dans la monographie d'Henry Daressy⁷⁶>

F-B Samet DidIER MG

⁷⁶ Henri Daressy. Archives des maîtres d'armes de Paris. p. 130.

AMY LECTEUR.

L'auteur cognoissant que les armes, & les loix, sont deux vertus plus requises, à faire acquerir l'amitié des Roys, Princes, & Seigneurs, mesmes des Dames. À ceste cause ledit Auteur a mieux aymé choisir & suivra l'art & pratique d'icelles, que desdites loix : non que du tout il les aye abandonnées : mais en icelles s'est exercé l'espace de trente ans, & aprés ses longs jours, Dieu luy a fait la grace qu'il a dedié, & de fait presenté cedit traité, estant à un des plus grands Monarques Chrestiens, qui soit soubs le ciel. Et par son commandement ay tiré avec son Altesse ausdites armes, & avec Monseigneur le Duc de Guise, & autres de sa court, dont l'Auteur en a loué & loue Dieu, qui luy a fait ce bien qu'il a eu cest heur & faveur de sadite Majesté. À ceste cause a derechef prins courage & hardiesse, aprés le privilege par ledit Sieur à luy donné, de le faire imprimer, & mettre en lumiere pour le soulagement, & contentement de sa noblesse, & bien public. Il en pourra avoir quelques uns qui pourront calomnier contre ledit Auteur, pour raison dudit traité, & autres petits discours, & advertissement qu'a fait sur l'exercice & jeu de la paulme. Ledit Auteur n'a traitté de ce que dit est, pour ceux qui sont adroits, & experimentez, & qui entendent les vrais termes, qui sont requis ausdits deux exercices; mais bien pour ceux qui ne les entendent, c'est à dire des armes & de la paulme.

À ceste cause l'Auteur prie les Lecteurs, ne le vouloir prendre que en bonne part, & l'excuser. Et ne regarder au langage, ne à la lettre & escorce d'icelle, ains au temps que y peult consister, car tel y contredira, & y vouldra calomnier qu'il n'en à sceu & n'en scavroit faire aultant, & ayant veu & oy parler ledit Auteur qui vous pourra discourir par raisons, & monstrer par effait le contenu dudit traité, dont lesdits contredisans (si aucuns s'en treuvent) se pourront trouver contens, les saiges & arestez en paroles & en faits ne le feront, ains s'adresseront à l'Auteur qui les pourra rendre contens par la raison de son dire.

Cedit traité a esté achevé d'imprimer le 4 de Juing, 1573.

<TABLES DES MATIERES>77

PRIVILEGE DU ROY.

Charles par la grace de Dieu Roy de France. À noz amez & feaux, les gens tenans noz courts de Parlements, Baillifs, Senechaux, Prevosts, ou leurs Lieutenents, & à tous noz justiciers & officiers, & à chacun d'eux, si comme à luy appartiendra, Salut & dilection⁷⁸. Nostre cher & bien amé Henry de S. Didier Escuyer, gentilhomme Provençal, nous a fait entendre qu'il compose certains livres qu'il nous a dediez, sur la maniere de tirer des armes, à scavoir de l'espée seule, espée & dague, espée cape, espée rondelle, espée targue, espée bouclier, espée à deux mains, les deux espées, & la dague seule, redigez par art, ordre & pratique, avec moyen de soy deffendre & offencer en un mesme temps, des coups qu'on peut tirer, tant en assaillant, qu'en deffendant, fort utilles & notables pour adextrer la jeunesse, lesquels & semblablement tous ceux qu'il composera pour le fait des armes, il desireroit volontiers faire imprimer & mettre en lumiere. Toutefois estant chose qu'il n'a peu faire qu'avec grands fraits & despens, il craint qu'aprés y avoir esposé lesdits fraits, aucuns imprimeurs, ou libraires, & autres ne les feist à son grand detriment, & dommage, rimprimer, s'il n'avoit de nous permission, & privilege special. À ceste fin nous ayant humblement fait supplier, & requerir luy vouloir sur ce pourvoir de noz lettres à ce necessaires. Nous à ces causes desirans, en tant qu'il nous sera possible, favorablement traiter toutes personnes de bon scavoir, à l'entretenement & advencement des choses utiles, & profitables au public. Afin que chacun plus volontiers s'esvertue de faire le semblable, avons audit de S. Didier permis & octroyé, permettons & octroyons par ces presentes, qu'il puisse & luy soit loisible faire imprimer par tel imprimeur que bon luy semblera, lesdits livres cy dessus mentionnez, ensemble tous ceux qui seront par luy composez, sur le mesme subjet. Et à fin que celuy ou ceux desdits imprimeurs, qui auront charge de luy, de ce faire, ayant moyen d'eux recompenser des fraits, qu'il conviendra faire pour cest effet. Avons inhibé & defendu, inhibons & deffendons à tous autre libraires & imprimeurs de cestuy nostre Royaume, pais terres & seigneurie de nostre obeissance, que durant le temps & terme de dix ans ensuivans, consecutifs, à conter du jour & date qu'à sesdits livres auront esté imprimez, il n'ayent à imprimer, ne faire imprimer, ne grande, petite, ou autre forme, quelle qu'elle soit, ne vendre les dessusdits livres, qui auront esté imprimez par autres que par celuy ou ceux qui auront charge dudit de S. Didier, sur peine d'amende arbitraire, & de confiscation, & perte de tous lesdits livres. Si voulons & vous mandons, commettons & enjoignons par ces presentes, & à chacun de vous en droit soy, si comme à luy appartiendra, que selon & ensuivant noz permissions octroy & vouloir, vous faites ou faites faire expresses inhibitions & deffenses de par nous sur les peines cy dessus indites, & autre que verrez estre à imposer à tous imprimeurs & libraires demourans en voz destroits, & juridictions, que par cy aprés eulx, n'aucuns d'eux, autre que celuy qui aura charge & commission expresse dudit de S. Didier, pour ce faire n'ayent à imprimer ne faire imprimer, mettre n'exposer en vente, durant ledit temps de dix ans lesdits livres cy dessus mentionez & si aprés lesdits commandemens faits vous trouvez aucuns contrevenans à iceux procedez à l'encontre d'eux par condemnation desdites peines & autrement aussi que verrez estre à faire selon l'exigence des cas, car tel est nostre plaisir, & parce que du contenu en cesdites presentes l'on pourra avoir affaire en plusieurs & divers lieux. Nous voulons qu'au vidimus⁷⁹ d'icelles fait soubs scel royal ou collationné par l'un de noz notaires & secretaires fait soit adjousté comme à ce present original & que en mettant par brief ou extrait le contenu en sesdites presentes au commencement desdits livres elles soient tenues pour deuement signifiees à tous libraires & imprimeurs dessusdits & autres qu'il appartiendra. Donné à Paris le vingtroisiesme jour de Janvier l'an de grace mil cinq cens soixante & treize de nostre regne le treziesme. Ainsi signé par le Roy Brullart⁸⁰ & seellées sur simple queue de cire jaulne.



⁷⁷ La table des matière de l'édition originale n'a pas été retranscrite ici.

⁷⁸ Dilection: attachement, amour pur.

⁷⁹ Un *vidimus* est la copie certifiée d'un acte antérieur.

⁸⁰ Il doit s'agit de Pierre ou Jean Brûlart (tout deux avait une charge au Parlement) qui signe pour le roi.